




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3948/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3948/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3948/A




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3948/A

3948/A

B. xxiv Mag

By Inaillo Maggi



LVCILLI
PHILALTHAEI,
ARTIVM,

MEDICINAEQVE PROFESS.
Excellentiss.

*Libri tres Epistolarum in adolescentia fami-
liarium nunc primum in lucem Editi.*

CVM PRIVILEGIO SENATVS
Mediolanensis.



Papiæ Apud Io. Ant. Bissi.

M D LXIII.

THE COLLEGE

OF THE

UNIVERSITY OF

OXFORD

PRINTED BY

JOHN STIMPSON

AT THE

UNIVERSITY PRESS

OXFORD

1854

THE

UNIVERSITY

OF

OXFORD

LV

P

10



rat

in

LVCILLVS


PHILALTHAEVS

Artium, Medicineq;
professor

IOANNI VARRAHONAE

*supremo, & Excellentiss. Insu-
brum Cancellario.*

S. P. D.



ON fuit un-
quàm spei, nec
consilij in ani-
mo mihi, quas
ab adolescen-
tia prope lite-
ras familiariter conscripsissem,
in lucem edere, Cogitabam non

*

ij

fore æquum, aut forte homini iu-
stum, qui in ipso iam ætatis flexu
& ab hinc annos fere triginta in
illo percelebri artium liberaliū
orbe præfertimque in Medicina
& Philosophia priuatim & pu-
blice sæpe versatus, etiam cum
mitioribus, & humanioribus li-
teris ludere, prouidebamque ani-
mo non eorum inuidia solum,
qui nomini officerent meo hac
de re me reprehensum iri, ue-
rum etiam hoc negotium parum
ponderis apud ludi magistros ha-
biturum, in quorum manibus
præcipue essent authores huius
industriæ primarii, à quibus scri-
bendi exempla peterentur, quan-
doquidem extant hodie plura,

ad quorum cumulum addere est
atque si immenso quasi operi ad-
dendum aliquid putaretur, Ina-
nis mehercle opera, & frustra
susceptum onus, minimeque ei;
qui editionem in publicum exire
procuraret, gloriosum, & mini-
mè legentium plerisque usus ali-
quid allaturum, aut præbiturum
voluptatis, Hæc igitur, mi excel-
lentiss. Varrahona me hætenus
solicitem atque ancipitem reddi-
derunt, & nisi Martinus Henri-
ricus auditor meus, annoq; supe-
riore insignitus Doctor de mitio-
ribus literis benè meritis euolu-
ens in mea bibliotheca libros gre-
ce, & latine scriptos casu quodā
incidisset in harum literarum
sepositum volumen situ, vdo,

pulvere abrasum, & quasi ab or-
co reuocasset, non ab obliuione
id & silentio hodie uindicassem,
& tuo nomine dignis. frontē in-
signiri mandassem, Equidē quia
a primis, inquam, cunabulis digni-
tatum tuarum, quibus es iam or-
natus omnibus, quæ videlicet to-
gæ vel conferuntur, uel debentur
semper veri, & iusti, æquiq; ami-
cus fuisti, non fallam nunc istam
amicitiam tuā, verè insignis ami-
cus meus, doctrinæq; meæ studio-
sus Martinus Henricus me omni-
no ab hac editione auersum ad
hanc animauit, & impulit, cum à
me pro iure uetustæ nostræ neces-
situdinis petiisset, ne has literas
perituras interire sinerem, & ar-
bitraretur cōtra quam mea esset

opinio frugiferas, usuiq; & voluptati fore cum doctis, tum his maxime, qui vel cuperent, vel exoptarēt amicos, vel principes, aut egregie eruditos multiplici laudum genere efferre ad ætherem, præterquàm quod etiam aliquot sunt perpolita doctrina, aptisque exemplis bene uiuendi refertę dū modo equum, & attentū habeant lectorem, qui siue Arithmeticen, siue Geometriam, siue Astronomiam, siue Dialecticen, Oratoriā Musas, siue Philosophiam, Medicinam. Theologiam colat. facile ex his cognosceret cuiusmodi laudandæ sint, & adipiscendæ tot artes, & disciplinæ Dijs ab immortalibus dono humano generi datæ, ac me esse memorem hortat-

batur eorum illustris. hominum
ad quos scripſiſſem, quoniam fa-
cile poſſem ſi ex hac luce exceſſiſ-
ſent eorum manes mihi gratias
relaturos ſperare, ſi vero viue-
rent hoc officium meum illis iu-
cundum, gratumque fore, quo
his gratius forte accidere hoc
tempore nihil poteſt, Quotus
enim quiſque eſt, ubi ſuum vide-
rit nomen vnis literis, & inter-
dum pluribus præfixum, vel pla-
ne contineri, ad quem vel læti-
tia, vel voluptas non perueniat?
Sumus enim nati ipſi quidem ad
gloriam, quam adeptam uul-
gari, & incorruptis rerum ge-
ſtarum annalibus, & monimen-
tis eatenus mandari cupimus,

vt nulla unquam posteritatis ob-
scuretur obliuio , Quare Marti-
nus mei amantissimus, iuxtaque
uir officiosus , & prudens his
uerbis meam mutauit uolunta-
tem , meque coegit, quas in a-
dolescentia ausus sum ad excel-
lentes eius ætatis in doctrina ui-
ros mittere Epistolas, omnino
efficere, vt prodirent in manus
hominum , Vtinam castigatio-
res , & sine mendis Calcotypi
exire potuissent , Nam ho-
rum impressorum opes tenuis-
simæ sunt , iccirco officina his
ieiuna est , qui probè formas
cudere, elementaque legere no-
rint . Hinc, si non auspicijs,
vt par erat, optimis nunc pri-
mum apparebunt in uulgus ,


cōfido fore cū hæ maiori cura,
luculentioriq; imprimendi ope-
ra, ac diligentia in manibus poli-
torum uersabuntur: Vtcunq; ta-
men deviro cogitabam, cuius vir-
tutes, præclareque gesta literis, &
perpetuæ memoriæ mandari me-
rerentur, ac posteritati exempla
essent, Quanquam pro illa, quæ
singulatis amicitia quondam tibi
cum Ioanne Baptista Schitio ci-
ue Cremonēsi, Doctore eximio,
Senatore optimo, patronoq; In-
subriæ apud Hispaniarum Regē
disertissimo, omnium mihi ami-
cissimo arctissimè intercessit, te
vnum ex omnibus delegissem, ad
quem potissimum hoc volumen
mitteretur, tamē ingenuè fatear
me heroicis uirtutibus tuis, imi-


randis moribus, incredibili humanitate, singulari prudentia, im-
mensa prope benignitate adduc-
tū ad recolenda, & repetēda me-
ritō in hac prima operis mei par-
te ornamenta, summaq; pruden-
tiæ tuæ inditia, quæ ex Hispania
hic reliqui in tanto Italiæ odio, si
diu in hoc cœlo cum summa Se-
natus, & Insubriæ gentis gratia,
& perpetua beneuolentia felicē
degere vitam desiderant, diligen-
ter admirari, & profectō imitari
debent, Magnum est inseruire tē-
pori, & locis, sed diuinum Cæsa-
ri, & huic simul populo placuisse
propter temporum sæpe condi-
tiones, Idq; semper tibi obtigit
propter summam modestiā tuā,
vixque credibilem, Ex Hispania

cum profectus in Italiam venif-
fes (crediderim bonis auspiciis)
non defuit comes virtuti tuæ, in-
genioque peracri fortuna, & Do-
ctor vtriusque iuris summa cum
laude, continuo Prætor, munus
nempe auctoritæ estimationis tuę
apud omnes, mox ex Magistratu
Quæstorum, indè Senator opti-
mus cum fauore & gratia Princi-
pum factus omnium, quam perso-
nam sic gefisti, ut breui opinionē
uiceris omnium, & expectationē
superaris, Iccirco ab obitu Schi-
tij in eius locum suffectus apud
Regem hinc in Hispaniam obeū-
di muneris tecōtulisti causa, obii-
sti & Regia quidem cum gratia,
& cum Insulæ laude, infigne
indiciū, quòd nunc te geris su-

premiū Cancellarium omnium
consensu , & admiratione ,
Quid superest quod homini to-
gato queat in hac prouincia am-
plius ad decus , & maiestatem
accedere ? Nihil omnino præ-
ter id , quod suscepi facien-
dum , Tametsi id susceperim
potius mea erga te beneuolen-
tia , & obseruantia , quàm mea
tenuis , & perexigua eloquen-
tiæ facultas præstare possit ,
Ignosce iccirco uiribus inge-
nij mei , & emetire animo
beneuoli erga te mei propen-
sionem , quo in te amando
nusquam gentium est , qui su-
periores habeat , Et si in scri-
bendo longo mihi interuallo an-
tecederet , atq; eloquentior esset.

Doleo non posse id illustrius ; &
facundius efficere , quod tamen
potui impēdere huic virtutum ,
& dignitatum tuarum monimen
to, totum tradidi , Vale ,
Ticino . Intercalari die .
M D LXIII.





LVCILLVS

PHILALTHAEVS

Artium, Medicineq;
professor.

EGNATIO HVMANIORVM

literarum Veneto publi-
ce profitenti.



N ALDI Officina;
ubi aderat magister im-
primendi Græce, Lati-
neq; bene doctus, & de
re literaria optime me-
ritus, uerbum de tuis
commentarijs feceras,
quæ rerum quâdam il-

lustrum historiam breuiter continerent, hæc item
propediem te curaturum receperas, ut bonis auspi-
cijs in aleam Iudiciorum, inque eruditorum manus
prodirent, ecce cum in meas manus inciderint enco-
mia laborum, & uigiliarum tuarum. Dilucide,

A breui-

Lucilli Phil. Epist.

Breuitérq; multa, ac omnia ferè uera, in quo inest
propria historiographi laus. Nam rarus, ne a pri-
mis historiarum, rerumq; gestarum scriptoribus ini-
tium repetam huius prouinciæ extitit author, qui
commenta non ueris permiscuerit. Tu uerò sic in-
cidisti in ære tanquam sempiterna gestorum præ-
clarissimorum monumenta, ut nihil deesse operi ui-
deatur. Edidisti porro uel ingenij tui miraculum,
tuæque perpolitæ manus mysterium, uel opus nun-
quàm moriturum, itaq; si de authoribus decernere-
tur, & meum esset statuere, si non primas tibi, om-
nino secundas sedes dicarem, laudesq; tribuerem.
Etenim non expectabam (ut ingenuè loquar) quan-
tum in fronte instituti tui promiseras, non quod de
tua doctrina, deq; arte dicendi dubitasssem. sed illud
ueniebat in mentem, raro de rebus multis breuiter,
& dilucidè scribi posse, qua de re tu me longè instru-
tior exempla non à philosophis modò, uerum etiam
ab orationibus sumes. Quanto enim plura uel Pla-
tato in dialogis, uel Aristotiles in omni, & quadri-
partita philosophia, de differendi ratione, de mori-
bus, de natura, de rebus diuinis uterq; orationis angu-
stia premere studuit, tanto densiores suis scriptis te-
nebras offudit. Hinc fluxit illa in treis classes inter-
pretum multitudo, nempe Græcorum, Latinorum,
Arabum, Quinetiam Demosthenes ubi perstrinxit
multa paucis, uisus est obscurior. Vicisti ob lucu-
lentum

Tomus primus. 2

lentum scribendi genus sanè permultos, & supera-
sti opinionem ciuium tuorum ferè omnium, præser-
tim cum nemo non sciat, idque ratum non habeat,
breuitati obscuritatem uidelicet iunctam esse.

Laus iccircò hæc prima, & summa tuis commenta-
rijs magnoperè debetur, cui & hæc accessio facta
est, nihil propè mentiri, omnia uerè scribi in uolumè
benè magnum collata. His ergo uirtutibus, quamq;
antea tibi debueram me deuinxisti mirificè, & quo
ad uixero semper ero memor tui, & studiosissimus
nominis præclari, quod meritò adeptus es uiuens, &
item posteritati relinques ad memoriam literarum
tuarum æternam. Aequum enim est omnium in
omni ætate iudicio eum haberi immortalitate di-
gnissimum, qui Illustres hac maximè donare omni
studio, & diligentia concupiuit, & tantoperè quæ-
siuit. Hæc de tuis commentarijs scribens prodere
ausi, nec falli existimo, nisi mea me ætas fallit, cum
adhuc ferè adolescens eò uenerim audaciæ, ut de
tuis in senectute scriptis plena Iudicii, conferta disci-
plinis iudicium asferre minimè ueritus sim. Verum
si id ausi, dedisti tu causam audendi, qui me sæpe co-
hortatus es paterno fermè amore ad optimarum ar-
rium studia, inter quæ illud de differendi ratione me
admodum ad id faciendum animauit, & impulit.

Hæc enim disciplina præterquam quod omnem me-
thodum ueri inueniendi suppeditat studiosis, etiam

A ¶ dijudi-

Lucilli Phil. Epist.

diudicandi uerum à falso tradit facultatem. Id tu
forte à puero nosti, ego ab ineunte adolescentia, &
utunque meus erga te amor fecit me aliquantò
audaciorem. Quem amabo, nisi te amen, & colam?
Recordor, & facile cum tu tuis patritijs Venetis, qui
te istuc inuicendi causa uenerant quantum de me po-
licebaris, & ferè præsagiebas me fore unum in re li-
teraria primarium. Itaq; magnam spem excitasti
ingenij mei, & benè non mihi solum sæpe de me ipso,
sed alijs etiam itidem sperandum dixisti, & confir-
masti quicunq; incidisset sermo. Qua de mente tua
deq; istiusmodi officio te uehementer amo, teq; ob-
seruabo ad supremum semper spiritum usq; diligen-
ter, nec recusarem, si qua opus esset pro te uitam
cum sanguine effundere. Quod de commentarijs
Græcis, quæ iam pridem cæpi latine facere, & tibi
copiam feci quorundam benè sentis, habeo gratias,
Interea in hoc exercitij genere aliquod tempus con-
sumam tuo hortatu lubentius, ne ab illo etiam Tuliij
præcepto uidear aberrasse, quando & ille quidem in
adolescentiæ ætate Græcis latina semper coniunxit,
dum tamen in hac exercitatione uersor, planè quæ
nunc mihi cum istis philosophis intercedit studiorum
necessitudo, nonnihil uel impedit, uel detrahit. Fœ-
de admodum loquuntur, & sæpè solæcismis, aut bar-
barismis utuntur. Sunt qui prætereà nesciant suū
nominare principem, quem Aristotilem nominant,

cum

tum Aristotelem appellare deberent. Ob id barbaries illa, seu inepta, & uitiata locutio quodā mihi modo uidetur faceffere negotiū, in quo quinquēta ferē notauī linguae perpolitae & candoris uitia, de quibus fortē habuisti eum, qui me prior te fecerit certiorē. Verum amicorum hortatu non desistendū, modo res, non uerba audiantur, & ponderentur. Dabitur Dijs uolentibus tantum oclj aliquando, ut quam condiderim philosophiam, meo modo perpoliam. Tum licebit uitare scopulos impolitorum, scribereq; multo acurratius, ut tu, tuiq; similes, si non probabitis, saltem non improbetis formam scribendi meam. Non enim ignoro quanti sit oneris res abstrusas, mysteriaq; naturae latine, & numerosē scribere obseruans magnoperē locos in scriptis Ciceronis eloquentissimi uiri ad unguem, cum eos ex intima philosophia exprimere maximē experitur, praesertim in his libris, quos de philosophia conscripsit. Nam & si latine, plerunq; tamen illum diuinum orationis numerum non sequitur. Existimarim difficultate rerum premi, atq; impediri. Quantum certē haec mea adhuc non iudicij aetas coniectura assequi potest, sic sentit, suffragioq; poneret. An tibi idem appareat nescio. Iccircō si tuo commodo, & pro ea, quae tua est humanitas hac de re tuam ad me sententiam perferri curabis, id etiam addidero ad cumulum tuorum erga me meritorum, quoniam puto tibi, tuiq; simili-

A iij lium

Lucilli Phil. Epist.

lium iudicio standum, ac tuo testimonio utendum, cū
ipse planè sis, qui omnem ætatem a puero usque ad
senectutem in hoc literarum genere summa cū lau-
de triuisti, & publicè locum profitendi cum auctori-
tate in urbe Veneta, & ea quidem urbe tenuisti, quæ
cunctarum urbium miraculo, & mirabili situ prin-
ceps uideri solet. Quare cum otij fuerit, aut genio
aliquid temporis impertiueris, si quod cupio, de hoc
scripseris, gratissimum feceris. De Bembo illud ad
te mitto tibi sciendum, Patauium uenisse recreandi
animi causa, dictumq; illum mihi non longe ab urbe
consedisse, isticque esse, uerum id ne sit, uidero
quamprimum, experiarq; si aliquid historiarum de
re Veneta, quas ille contexere cœpit, legere potero.
Si interim aliquid à me tibi pergratum fieri potest,
iube. Vale. M D XXVII. tertio decimo
Kalen. Martij. Patauio.

LVCIL-

LVCILL. PHILALTH.
artium Medicineq;
professor.

GASPARO CONTARENO

patritio Veneto. Philosopho, Theo-
logoq; præstantissimo.

Venetias.

* *

CVM existimarem magni mea interesse, si
te de omni mea studiorum ratione certiorẽ,
facere, ut quæ tibi probantur præsertim studio, &
diligentia persequeretur, non destiti, quin id per lite-
ras meas statim fecerim, quibus pro tua singulari
humanitate respondens cæpta probasti maximè, ac
doctores, quos mihi delegi mirum in modum collau-
dasti. Itaque totos dies contero in utraq; facultate
& oratoria, & differendi, modo nou repugnet Mi-
nerua, tametsi Zimaram hominem Calabrum bene *
doctum Barbare sine lauritia sermonis, & omni for-
ma perpolitam dicendi in philosophia de natura quoti-
die audio, in cuius ore sæpissime Auerboës, perraro
uero Aristoteles omnis philosophiæ facile princeps.
Qua de re me cæpit admiratio mecū interdum ani-

A in mo

Lucilli Phil. Epist.

mo cogitantem quid ille cupiat tot progressus habere
in commentarijs illius, & non in contextu authoris,
quasi pluris rivulum facere, quam fontem uideatur?
Ego malim me dici, & haberi Aristotelicum, quam
Auerboïdis professorem, nisi hodie sic ferant tempo-
ra, hominumq; ingenia, ut pudeat principem sequi,
Verum his corruptis moribus una est mihi medela
uel cum Lazaro Bon Amico, uel cum Leonico con-
suetudo, quos uiros tibi ob famam notos maximè pu-
to, quando & tu quidem doctissimorum hominum
quendam domi habes elenchum, uel album præfer-
tim illustrium, Cum his profecto resarcio tempus, si
absumo, quamuis spero hæc gustasse mihi maximo ad-
iumento fore uel ad internoscendum quid sit melius
in hac philosophia sequi, uel ad confutandum hoc
scriptionis genus. Occalluit sic in animis plebeæ phi-
losophorum multitudinis uulgatior ista fama Auer-
boïdis, ut ad næuum istum tollendum non conferat
farina (illud Plinij remedium) in acceto decocta,
in quo interprete ad id ætatis quantum potui depræ-
bendere, nihil sanè optimè, nisi Alexandri Aphro-
disæi doctrinam redoleat, cætera uero cum Auen-
pace, & reliquis eius farinæ authoribus disputata
acuunt ingenium, atque interdum nenix uidentur
ne dicam ob nomen authoris, & famam ineptiæ me-
ræ, & meræ nugæ, de quibus polliceor me tantisper
curam habiturum, quoad refellere potero.

Nunc

Nunc cum Græcis me oblecto libentius, hisq; do operam in præcipiendo authoris sensu, ad quem qui accedat propius, non apparet ullus his expeditior, & melior. Vtinam Aphrodisæi interpretis in hoc genere primarij extarent omnes commentarij, quos et tu lima iudicij tui consuesti mihi laudare diligenter, sicut idem in tuis scriptis facis magnopere, idq; caue putes dici ad plausum, Cum enim de industria adhibita etiam cura expenderem interpretum primæ, secundæ, tertiæq; classis lucubrationes, nullum sanè offendi, qui primas, & potiores partes in hoc munere sustineat, nisi Alexander. Itaque tibi merito assentior uere dicenti, & profitenti id ipsum perpetua lectione à me perspectum, & cognitum. Attamen obijcies me in hac ætate non posse quidpiam exacte dijudicare, sed fore cum id potero probabilius, quod certe non ibo infirias unquam. Proinde abs te peto, ut quæcunque ad te audacius forte, quam mihi liceat scribo, & scribam, tua singulari prudentia longo rerum usu parta corrigas, & si cui, tibi uel maxime uni innata uidetur teste senatu, urbis, populiq; uoce. Nam inter tria antea actæ uitæ tuæ ornamenta, incredibilem morum probitatem, doctrinam singularem, prudentiam admirabilem, hæc præcipue una te Senatui Veneto, tuæ Reipub. plurimum commendauit, & breui reddidit charissimum, amantissimum, præstantissimum, Reliqua uero duo tanquam condimenta

Lucilli Phil. Epist.

dimenta prudentiæ fecere te ipsum unum, quem Res
pub. summi colerent, & uenerarentur, ac magni con
siliij hominem haberent, Quocirca non defuere pri
mi honores, tibi, ac summi, non iudices, non corona,
non concio attenta, non magistratus, non gradus, nō
fama sic, ut quotiescunq; de clarissimo, & beatissimo
uiro incidisset nobis cogitatio, te hunc ipsum asseuera
re non diffideremus. Ego illud mirari soleo, quem
admodum tot, tātisq; urbis occupationibus districtus
in Theologia, in studijs nō leuissimarum artium tam
erudite, tam solícite uerseris. Quoties emetior tem
pus, & horas numero publicarum, & priuatarum
actionum, uix queo ocij inuenire aliquid insumendū
in his perarduis sanè doctrinis, uix unde item te ex
plices, & in libertatem uendices, Sileo audientiam
domi, colloquia amicorum, negotia domestica, opera
deniq; familiaria, ad quæ nisi tua diuina mens (Con
tarene dæcus patriæ, dæcus ætatis nostræ) simul in
cumbere perdiligenter potest, præsertim cum hæc
omnia fere inter se disiuncta, admodumq; diuersa ui
deantur. Vbi nam est certus nexus negotiorum, fa
cile perfici hæc solent, At uero ubi magna interce
dit uarietas, & distinctio rerum, haud facile omnibus
quis implicari potest, Quæ omnia cum per sese ma
gna sint, tamen multo illud mirabilius occurrit, quod
hæc fortunatæ, & beate peragis cum ipsa communi
hominum gratia, & tamen e tuis manibus excidet
ille

Ille cōmentarius de elementis, uel etiam excidit eius-
modi, cui nec plus doctrinæ ea de materia, nec maior
explicatio adiungi potest. Editus enim est cum sum-
ma diligentia, eleganterq; , atq; , ut uno me expediā
uerbo sic, ut nihil à lectore desiderari queat. Etenim
cum esset adhuc in manu librarij nondum impressus
à calcotypis, nec sub prælo poneretur bonam eius
partem legi tuo permissu, e qua didici multa subtili-
ter, & enucleate magnopere. Spero in rem fore ma-
ximè philosophiæ peripateticæ studiosis. Si quidem
non erit ullus tam iacentis, demissi q; animi lector,
quem ad se legendum opus non excitet. Me quidem
qui uix primoribus labris hætenus physiologiam de-
gustavi, planè impulit ad perdiscenda reliqua. Qua-
re si possem decernere sapienter, cum mihi per ætatē
breueq; adhuc in ista philosophia tempus consumptū
non liceat, planè sentirem non apparuisse etiam in
uulgus ea de re opus accuratius editum, quod à te
conditum, & perscriptum lætor admodum non solū
quod ab amico, & patrono meo charissimo proficisci-
tur, uerum etiam quia à uiro doctissimo compositum
rem literariam augebit. Id sanè confido fore non tã
subtilitate differendi, quam copia rerum, de quibus
acute agitur, & disputatur. Sed uiderint naturales
philosophi, & medici. His enim diebus memor eius
partis, quam raptim, & pene per transfennam legi,
id ipsum cum illo Galeni de elementis conferre statui,

Multa

Lucilli Phil. Epist.

Multa quidem hic medicorum optimus retulit ad me
dendi rationem, sed a te lector Medicus accipiet
quæcunq; ab arte uelut fundamenta desiderantur.
Verum de usu hæc hætenus, Cæterum Aristopha-
nes Poeta, quem nosti me recreat, meq; delectat a
prandio. Nihil festiuius ecclesiaste, Multa à co-
media bene agendi exempla petuntur, sed à Plauto
nostro copia, à Terentio sua uitas non desideratur, à
quibus ad Pindarū cum choris, inde ad Euripidem,
mox in uesperis ad philosophiā animū applico, Mane
uero ad dialecticam, ad Homerum, ad historiam me re-
fero. Hæ sunt deliriæ hortuli mei, quibus inuoluo ani-
mum, & festis sane diebus cū oratore aut Demosth.
aut Isocrate quibus præfero Ciceron. An tibi arri-
deat hic ordo authorū legendus, quæso scribes, & tuo
stare Iudicio, si aliud fuerit, non recusabo, quando tu
quidem me prior hanc semitam scriptorū peregrasti
tibi iam trita, mihi uero inusitata. De Gymnasio isto
nihil noui. Inuisi Petrum Bem. Totus erat abditus in
sua bibliotheca, Me accepit hilare, & amice. eo ta-
men pacto discesit, ut me reuersum Patavium non pi-
geret ad eum scribere interdum, quoniā se cuiq; meæ
epistole responsurum promisit, nisi aliquid ualde im-
pediuerit, quod si fecero, puto mihi id maxime profu-
turum. Vale. & quod facis me ama. Patauio.
M D XXVII. pridie Kalen. Martij.

LVCIL-

LVCILL. PHILALTH.

artium, Medicinæq;
professor.

IOANNI BAPTISTAE

Opizoni Ticinensi Physico.

Venerias.

COLLAUDASTI mihi rheon, quod barbarum uocant eiusmodi, sicut docuisti sumendum. Ter quaterq; deuoravi drachmā, nihil tamen adhuc usui, nisi uitium sit emptæ massæ quam tamen signis datis à te mihi cognoscendi probatum curavi diligenter emere, Mane item deglutire soleo aluo deiecta, sed uereor, ne hæc me scabies cum pruritu e Flatuoso impetu, de quo tecum coram, ac per literas sæpe cōquæstus sum, ducat originem, ppa quod cum scandit illa aura inaudita (ut opinor) medicis, subitq; uentriculū, exagitat cibum tempore præcipue digerendi. Quare huic puto prouidendum, modo tibi uideatur. Nam flatus inueterauit, huic data est opa accurrate siue inedia, siue purgationib. siue sectionibus, siue remedijs intrinsecus, siue extrinsecus admotis physici tētarint ualetudini meæ prospic.

Ego

Lucilli Phil. Epist.

Ego quia te alterum existimo Aesculapium tam di-
rum morbum ab infantia ductum tuæ fidei, meamq;
credidi salutem. Nutrix olim mea me certis tem-
poribus, præsertim in synodo, & quadrante Lunæ
uehementer exagitari, & decidere afferebat. So-
rores confirmabant idipsum. Dubito ne ab utero
parentis hanc traxerim molestiam, aut e nutricis la-
cte, quod etiam me uehementer angit, & cogit de-
sperare de salute, Nunc uero, ne ignores quid me in-
festet, non subeo casum, attamen me ita quatit in-
terdum, atque urget, ut uix me sustentem, idq; magis
æquinoctiorum mensibus, & quibusdam Lunæ sche-
matibus. Vnum autem incredibile, uerissimum ta-
men per omne corpus auram penetrare sic momen-
to; ut repente e digito pedis euolet ad oculum, ad au-
res, ad quamlibet partem, ac statim de me at ad ima
pedum. Plus me agit in uentre, ubi etiam multo
maior mole uidetur. Ecquid hoc flatu mirabilius,
cum ad loci se captum effingat? Nam exiguo in lo-
co exiguus, & in maiore maior percipitur. Si habes
dogma de hoc molestiæ genere in Hippocratis, aut
alterius scriptoris libris perscriptum, quæso significes.
Quamq; liberalibus studiis me totum dare decreui,
non eo tamen consilio, ut medendi officinæ operam
nauarem, sed uideor cogi, quo me redimam, si potero
à tam graui noxa corporis, Interim desidero uel offi-
cium tuum, uel humanitatem, ut quoniam omnem
meam

meā spem in te posui, me omnibus remedijs adiuues.
 Est enim cur tibi fidendum si quidem euoluisti in Me-
 dicina omnes Græcos, & Latinos authores diligen-
 ter, si iccirco palmam fers, & primas habes inter re-
 liquos medicos hodie unus, iam hæc tibi debentur.
 Quare & cura huius incredibilis morbi est tibi pro-
 pria. Nisi me tu hoc liberares, ad quem confugiam ne-
 scio. Spero .n. si reuoluere aliquot scripta uolueris,
 & adhibere diligentiam, mihi, ut cupio certè, melius
 fore. Cæterum ad te perferenda nisi eiusmodi munu-
 scula, si placuisse intellexero, perficiam, ut ad te. accur-
 rant alia huiusmodii. si uero ingrata erunt, quia opi-
 nor tibi gustum non seruire, faciam, ut melius degu-
 stes. Ea fert aui mei uilla in Campo Nucerio, ne qui-
 dem septem miliaribus à Patauio distans. Postre-
 mo me ames uelim, & de salute mea ualde, & sem-
 per tibi debebo. Nam nisi respondeas in amore à qui-
 bus prouocere, non uidebere qui reuera es, uir plane
 incredibilis humanitatis & singularis iuditiij præci-
 pue de re Medica. Andreas Asulanus, qui de te in
 officina typographorum amicissime loquebatur, au-
 thor extitit meæ erga te obseruantia. Hic enim im-
 primendi officinae magister de studijs Medicinæ opti-
 me meritis tuam doctrinam, tuumq; iudicium iam
 perspectum, & cognitum laudibus effert ad cælum.
 Admiratur excellentem uirtutem tuam, & diuinā
 medendi scientiam colit. per te sperat cum omnia

Galenī

Lucilli Phil. Epist.

Galenū commentaria græca primum in lucem uenerint, deinde latina fere cum suo orationis cultu, cum barbare fere hætenus omnia a scriptoribus explicata sint, non quia solus tantum oneris suscepturus sis, Admodum enim arduum homini id occupatissimo, sed quod socios habes eiusdem consilij, qui pro sua parte prouinciam hanc sunt aggressuri, & facturi omnino, ut Medendi ratio latine loquatur, & scribat redacta ad meritissimum nitorem, & elegantiam, quod Dij immortales faciant, per ualde cupio, iccirco tibi opto tres illas Nestoris ætates, & salutem ad beneficium mortalium. Es tu, quem natura uitæ, lucisq; huins usura donare deberet. Vale.

M D XXVII, quarto Idus Aprilium.

Patauiο.

LVCILLVS

LVCILL. PHILALTH.
artium Medicineq;
professor.

E GNATIO PVBlico

professori Veneto.

Venetias.

* *

QUOD epistolam tuam doctam, & elegantem perlectam conscindi iubes, id feci inuitissimus, nisiq; exemplum à te domi incolu-me seruatum scripsisses, non paruisssem. Quamobrẽ uero id iubeas, plane ignoro, nec quæram, nisi id significabis tu sponte. Perlegi porro quæ omnia mihi fuere charissima. Equidem uere possum dicere, posteaquam mea me sors ab incunabulis patre orbauit te mihi eius fuisse loco, qui me omnibus tuis uerbis, & scriptis hortaris, & commones facis, quinimo calcariibus incitas ad omne studiorum genus. Nesci (credo) desidiã meam, & ignauiam, nisi aculeo calcariũ tuorum prouocerer, periculum est, ne alteri incitanti admodum renitar. Tibi meam omnem fidẽ adhibeo. Hac de causa præclare uideo agi, quod stimulas, & studiorum meorum rationem habes, quod

B

& si

Lucilli Phil. Epist.

Et si in eam partem accipio, ut a te id officij pro tua
benignitate putem proficisci, quod de me augura-
ri, aut diuinare cepisti, interdum sic ipse mihi
assentior, meque gratifico, ut credam abs te cerni ali-
quid in animo meo, quod nec sentio, nec cogitare queo.
Verum cum ipse hunc mihi in modum arrideo, non
conquiesco ueritus, ne amoris ardore de me tantum
animo concipias, quantum ego non agnosco. Ob id
tua te existimo opinione deceptum iri. An (mihi
Egnati) nescis omnia in his ætatibus placere homi-
nibus, in quibus si quid elucet ingenij, quamuis per-
exiguum, spei plurimum promittit? An te latet
quibus casibus larium uis subiecta sit? Quanta item
uicissitudo rerum? Nihil nostri ob id maiores certi
de se, nec ulla dere asseuerare ausi sunt, ut de hoc et
uox uulgi hæc uera uideatur, præter supremum fati
nil certi. Quæ, ne plura interea scribantur in ea
epistolæ parte addidisti præuidens ad quam facile, et
breui metam studiorum meorum cursus uenturus sit
non inficiar unquam. existimo enim aliquam animi
partem diuinam esse, præsertim tui multis disciplina-
rum ornamentis præditi, quæ uim rerum futurarum
præsentiat, tametsi tota hæc tua uirtus coniectura-
lis a me iudicetur ducta a certis igniculis animi tui
desiderio pene flagrantis, percipientisque, me posse
in his humaniorum literarum studijs primum profi-
cere, deinde maiora capeffere. Veruntamen illud
negare

Tomus primus. 10

negare non possum me desiderio ardere bonarum literarum, sed tu fuisti ardoris author, qui pectus, & cor sic inflammasti meum, ut nihil aliud dies, noctesq; cogitem, quam de modo, & forma studendi, dum etiā, aliquid ex græcis conuerto neq; istuc literarum genus, aut potius exercitium frigere sino. Vereor autem in hoc summo desiderio, ne mihi accidat, quod fame uel siti impulsī faciunt, qui quam primum cupiditatem explere possunt quibuscunq; ejculentis, uel poculentis delicatiora, suauioraq; paruipendunt, ita id mihi usu uenturum metuo, ne dum percupio breui omnia gustare, omnia sapere, omnia uorare plus sumam, quam digerere possim. Ergo adhibenda est certa ratio cupiendi, qua tantum uis ingenij capiat, quantum queat concoquere, cum præsertim soleam esse imbecillis stomachi, & pusilli animi. Quare si me amas ut abs te certo scio amari, fac mihi modum recte studendi, quem græci methodum nominauerunt. Quod deinde non agnoscis in te laudando quidpiam, nisi meam erga te beneuolentiam, plane inficior. Nec te amo, nec te obseruo, nec te amassē, neq; obseruassē antea et diu, nisi in te eluxisset qdpiā dignū obseruatiā, dignū amorib. Quamq̃ inter homines natura quosdā amicitiarū amores conciliauit, et inter proximos charitatem Xps Dei filius præpotentis, hic tamen est sane alterius generis cū summa rei admiratione, ob quam quisquis amatur. Quo fit, ut tuam recogno-

B ij scam

Lucilli Phil. Epist.

scam modestiam, quæ meas de te moderetur laudes,
cū tamen de hac tua moderatione nihil tibi debeam,
siquidem ne adhuc quidem ipse pro merito laudare
didici, nec si didicissem æquare possū tua merita lau-
des. Lucent enim quasi in summis syderum domici-
lijs doctrinæ tuæ, uirtutesq; admirabiles, de quibus
omnes prædicant, quas condere, aut occultare æque
potes, atq; nox serena sydera. Nō negauerim sumā
esse uirtutē modestiam, seq; cognoscere sapientiam.
Hæc facile tibi do, sed illud miror, quod nimium demit-
tis modestiam, quæ cum in quadam mediocritate con-
sistat, ut est uirtutum omnium fere conditio, utq; me-
mini me legisse in libris de moribus, nimis a te de pri-
mitur. Pariter iccirco seruanda est modestia, atq;
ueritas. Quod si in tua epist. redoleret mediocritas
quædam cum ueritate coniuncta, forte subodoratus
essem aliquod ius modestiæ tuæ, sed uide quam inge-
nue loquar. Non enim pendam tua libra aliquid,
& si non dubito, quin te ipsum cognoscas, tamen mihi
nunquam ignoscas uelim, si te ubicunq; gentium ue-
hementer laudauero. Nisi te quidem, quem ergo?
Veruntamen per plures consueuere uti hac modestia
summi merito, & summo iure nostræ ætatis laudabi-
les, Aldus, Sadoletus, Bembus, Nauagerius, Laza-
rus Bon Amicus, Fracastorius, & qui huic ætati suc-
crescere uidentur. Hi uitandæ arrogantiae hunc lo-
cum communē usurpant, agnoscere uidelicet laudā-
tium

Tomus primus. I I

etiam humanitatē, qui & si nunq̃ displicuit, tamē est
admodum in usu. Quapp̃ si non admittis laudari tua-
rum ornamenta uirtutum, nec ueritatem ipsam, nec
modestiam in tua epistola uideo. De Bembi aduen-
tu te docui superioribus literis breuiter. Conueni ho-
minem paterna in uilla fundi Patauini. Ut audiuit
istuc me uenisse, statim ille prodiit ad amplexus, duo-
busq̃, tribus'ue spatijs factis, ac uerbo habito de cau-
sa aduentus mei consedimus in conspectu ambo, cum
præterea de multis cum græce, tum latine inter nos
sermo haberetur, tandem ad historiam sua palæstra
conscribendam uenimus, de qua dolēdum sibi aiebat,
quod cautum decemuirum sibi decreto fuit, ne uerbū
quidem ille extra rem elabi sineret, Nihil adhuc cæ-
ptum asserebat, prope diem tamen se bonis auspicijs
opus aggressurum. Reliquum salutato homine diligē-
ter discessi, meumq̃ iter ingressus meum animo cogi-
tabam quid ex ore, sensuq̃ illius animi elicuissem.
Probatos sibi dicebat Lini, Salustij, Cæsaris commen-
tarios historiarū, e qua probatione conieci unum es-
se illi imitandum, Itaq̃ uidero quē sequi maluerit.
Prætori Patauienti nuper designato tuo nomine sa-
lutem dixi. Tu te tibi, & nobis conserua Diu. Vale.
Patauio. M D XXVII. Idibus April.

B iij LVCIL-

Lucilli Phil. Epist.

LVCILL. PHILALTH,
Artium, Medicineq;
professor.

VICTORI FAVSTO GRAECA-
rum literarum publico profess.
Venetias.

DE TUA Thucydidis præssi, obscuriq; hi-
storiographi, deq; Aristophanis Comædia-
rum publica interpretatione Aloysius meo-
rum nepotum præceptor, & magister summa cum
tui laude ad me scripsit. Te biduo audiuit istinc
ad nos reuersurus, Sed tamen interea quid sentiret
de tua doctrina, expedire non distulit. Est homo
eius ingenij, atq; ita, ut quid, & quantum sentit, li-
bere, ingenueq; loquatur, & scribat non interim me
ditatus, an ad me noui, aut incogniti quidpiam exara-
rit. Nunc posteaquàm ille mihi suppeditauit argu-
mentum scribendi, quia diu tu nullum mihi dedisti,
in meas manus incidit historia Thucydidis commen-
tarijs impressa, de quibus expecto tuū sanè iudicium.
Quererem in illis non minus interprètem obscuri-
tatis

Tomus primus. 12

tatis, quam in authore certam lucem. Nimumq;
conclisa prætereo sepe. Sed a te expecto quid sen-
tias, quippe qui unus ætatis nostræ in utraque pe-
destri, & soluta oratione cum græcarum, tum lati-
narum orbem peragrasti ita sane, ut non necesse sit
mibi, atque Homero quærere uirum, qui multa
norit, et uiderit, Tu quidē unus pro mille uel optimus
arbiter, uel doctissimus iudex. Iccirco me delectat
in tuo conquiescere iudicio. Dedi operam Egna-
tio, ut suscipiat meos nepotes pro sua humanitate
non erudiendos, sed docendos. Nam opinor suo a
magistro sic eruditos, ut mihi spes sit eorum habili-
tatis ad maiora. Et quoniam eorum magister non
nihil græce audire cupit rudimentis hætenus instru-
ctior, & fore tui auditorem optat, fac quæso, ut
eum tractes atque in te spem posuit. Comes erit
nepotum, quos etiam habebis tuarum doctissima-
rum uocum auscultatores, non eos tanquàm, qui
admodum in græcis proficere cupiant, sed qui cum
magistro assideant, nisi iudicaueris hos ad eam rem
idoneos, tametsi parens eorum optimus unum me-
dendi officinæ consecrarit, & alterum discendis le-
gibus dicarit. Verum si tibi apti uidebuntur,horta-
bor illum, adhuc biennium ut permittat in hoc li-
terarum genere consumere, teque id faciam iudice,
& eo libentius, quo tuum certo scio uelle probari
iuditium, de quo me igitur feceris certiorē. Quoad mea

B iij studia

Lucilli Phil. Epist.

Studia attinet, Philopomum in physicis Aristotelis
interpretem græcum, quem iandiu nosti hæcenus fe-
re totum latine conuerſi. Ad te primas paginas af-
ferri curabo, ut de meo labore, lucubrationibusq; in
philosophia te consulens sciam quid queam polliceri.
Nec cum otij est, et me admodum delectat legere ali-
quid, illud tempus perire ſino, q̄ libenter tero in ora-
tionibus Demosthenis. Cæpi experiri Olynthiacas
latine facere, ad quas me refero quasi ad hortum re-
creandi causa. Et .n. tota ista dialectica, & philoso-
phia de natura omnem hominem, totumq; ingenium
sibi arripiunt, a quibus nisi interdum diuerterem ad
humaniores literas, iam omni spiritu consumptus es-
sem. In his meæ delitiæ, in his hortus Adonidis.
Hinc capio uoluptatem mirificam. Huc fessus me re-
fero, ubi & requiem sentio mirabiliter. Non certe
queo scribere quantæ uoluptati sint mihi hæc literæ
uere mitiores, uere humaniores. Quoties. q̄ quotidie
facio me a perreconditis philosophiæ mysterijs sepa-
ro, & his literis adiungo animum, genius in corde
exhilarari mihi uidetur, et ipse pene gaudio exilire,
q̄ unde ueniat, plane ignoro. Nosti tu forte, Ego
uel consuetudini a puero, uel ipsi diuino literarum
generi tribuerem. Idcirco me ad hæc ora recipio,
quasi ad quosdam ludos uoluptatis, in quibus (ni fal-
lor) nepotes etiam ex^{er}cebit Egnatius, ut solet semper
egregie. Ob id maxime cuperem illum semper aliquid

Marci

Tomus primus. 13

Marci Tullij publice docere, quod, ut semper audiui,
& audio, nihil est adolescentulis melius, quam ea
assuescere lectione, habereq; semper in manibus ali
quod eius oratoris uolumen, Quamq; ille in omni au
thore, & Musis copiosus est, mirificusq; earum inter
pres, tamen optarem eum non dimittere unq; aliquid
Ciceronianæ eloquētiæ, sed ad eam impellere urbis
Venetæ iuuentutem, cui non audeo hoc meum scri
bere desiderium, ne in animum inducat suum me illi
uelle normam docendi præscribere. Ac de Egnatio
hastenus. Reliquum de tuis rebus cum potes, &
cum uacat ad me aliquid te exarare non pigeat.
Tibi dudum compertum quàm soleam exosculari li
teras tuas, & quam te amem, teq; semper fecerim
plurimi. Et mihi etiam persuadeo tuas occupationes
de quinquere mi cum tuo Thucydide magnas esse, un
de fortasse promere licuit exemplum, attamen uete
rem amicitiam nostram literis tuis excitare, & tue
ri debes, quod totum erit mihi iucundissimum. Siquid
est, q; ipse Patavij possum, totum tibi offero. Hiero
nymum Ferrarium patritium Venetum bene do
ctum, si obuium tibi se dederit meo nomine salutes
uelim. Patavio. M D XXVII quarto
Idus Sextilium.

LVCILLVS

Lucilli Phil. Epist.

LVCILL. PHILALTH.
artium, Medicinæq;
professor.

EGNATIO GRÆCE, ET LA-
tine doctissimo.



IN SVO discessu nouissima instante die Franci-
sca soror mea charissima, lectissimaq; fœmina in-
tegerrimæ castitatis sui erga me amoris reliquit
monimenta, liberos uidelicet duos inter se uno uel in-
tercedente anno dispares egregiæ indolis, optimæq;
educationis, quæ moriens præhensa dextra mea per
hanc obsecrauit, ut relictos parenti suo, nihilominus
qui sine liberis essem eosdem meos tanquam suscipe-
rem. Hæc dicens spiritum exhalauit in pace, Ita-
que illi creuere ad istam usq; primam adolescentiam
apprime in mitioribus literis eruditi, aut quantum
ad tuas doctissimas uoces excipiendas in publica pro-
fessione uidentur mihi profecisse, ad te iussu meo uen-
turi sunt, tuasq; manus exosculaturi, teq; ex me plu-
rima salute impertituri. Hanc iccirco pubescentem
etatem

*ætatem habilem ad otia literarum humanitati tuæ
 sic etiam, atque etiam cōmendem necesse est, ut nihil
 unquā mihi tui, tuarumq; uirtutum studiosissimo gra-
 tius, aut maius efficere possis, quam si tua (ut soles)
 paterna charitate eos amplecteris, & sæpe hortabe-
 re ad cursum gloriæ, quam studijs præcipue maxima-
 rum scientiarum parare homines solent. Spero, &
 confido tibi morem eos gesturos, sicut iam uideo ob-
 sequi paratos, Dabunt tibi (ut credo) ansam aman-
 di adolescentum conditionem, nisi sese mihi amabiles
 præstitissent, non tantopere mihi probatos ad te scri-
 berem. Micant eorum sane ingenui mores, & bre-
 ui tua opera adhibita illustrabuntur summis disci-
 plinis. Ut ergo illa fuit parentum cura, quo mi-
 carent, sic tua erit pietas, qua illucescāt his artibus,
 quæ liberis hominibus dignæ sunt. Non enim his
 defuit hætenus præclara educatio, optimisq; peda-
 gogis adhibitis mirifica institutio, Nunc porro ad te
 confugiunt nō uelut ad publicum politiorum litera-
 rum magistrum, doctoremq; excellentis. sed tanquā
 ad mecænatem bene institutæ iuuentutis, qui tuo
 munere in illis iacias fundamenta breui euadendi in
 magnos, & excellentes uiros, & à quo condiscant
 (ut pleriq; hodie fecerunt primarij) currere cursum
 laudis. Hos tuæ personæ, & incredibili benigni-
 tati tuæ tam studiose non cōmendassem, si in illa esse-
 mus Rep. Platonis, ubi nimirum quicumque filij ha-
 bentur*

Lucilli Phil. Epist.

bentur cōmunes quo ad pietatem, amorem, aut chri-
stianam charitatem, non autem quoad prolem. Iam
pridem hæc monstratum, & meum non modo ani-
morum diuortia simultatesq; creauerunt, sed etiam
ius omne ciuile, & criminum condiderunt. Verum
tu es fere pater urbis, paterq; omnium in docendo,
Iccirco plurimum nominis, & famæ apud diuersas
gentes tibi comparasti, & adhuc retines, retenturus
item apud posteros diu, quo tibi in hac luce mortaliū,
aut potius curriculo moriendi nihil potuit accidere
(crede mihi) felicius, neq; Deo, opt. max. charius.
Quid? Quod tu minimè ignoras, & mihi in medio
erūditorum cœtu sæpe dixisti, nihil ad numen acce-
dit propius, quam panspermia seminare uirtutum,
beneq; altas radices disciplinarum colere, & custo-
dire, ut edant fructus temporibus suis. Socratis dia-
logum cum Theage in libris Platonis, quem græce le-
gere nuper placuit a te perluctum puto sæpissime,
cuius si nunc non est tibi in promptu, & expedita re-
cordatio non tædeat in manus resumere. Magnam
enim ex repetita illius lectione percipies uoluptatē.
Recognosces enim quantum studij, & pietatis sit ad-
hibendum his, uelut stirpibus, ut pullulent, germinēt,
fructus deniq; edant uberrimos, Erunt hæ plantæ
tuis satæ industrijs, tuo excultæ studio, hæ palmæ ali-
quando tua cura, & diligentia concrescent ad laudē
tuorum præclare factorum. Nemo erit, qui tibi nō
bene

Tomus primus. 15

bene optarit, non bene dixerit. Ego uero non desitiam quin de te, tuisq; meritis ubiq; prædicem, & fatear me tibi nõ modo deuinctum sed etiam sic debiturum, ut nullo unq; seculo debitum obliuiscar non eorum more, qui nunq; suis creditoribus persoluant, sed eorũ potius modo, qui ubi æs soluerint fœnore adhuc officij, uel beneficiorum, uel meritorum ultro se obligant. At quando erit tibi digne persolutum, aut gratiæ actæ satis? si enim recensere incepero tua ab eo die promerita, quo sane die tecum inij gratiã, uereor, ne immensum debendi spatiũ emetiri audeã frustra. Congregasti in me innumerabilia merita, quibus totidem gratias agere, aut habere nescio, Verũ, ne tuas doctis aurib; his meis uerbis obstrepẽ, neq; tibi tædia sim, qui tamen meas longiores adhuc literas cupis, ne potes qualescunq; meos tuæ fidei, tuæq; humanitati incredibili committo, & trado, atq; scias uelim (mi Egnati) te in primis tuam operã apud eos bene positurum, deinceps quicquid in illos beneficij cõtuleris in me collatum fore, atq; meum me existimaturum. Pataui. MDXXVII. pridie Idus Aug.

LVCIL-

Lucilli Phil. Epist.

LVCIL. PHILALTH.

Artium, Medicineq;
professor.

ALOYSIO IVSTINOPOLITANO
nepotum magistro doctis.

& opt.

FASCICVLVS literarum serius perlatus
est, quam putaram. Istius negligentiae cul-
pam non habeo in quem conijciam, cum te ala-
crem, & expeditum ad omne negotiorum genus sem-
per obseruarim. Eadem hora reddit & fuerunt suis
quæq;. Magni momenti est plerunq; reddidisse li-
teras opportune, quod quia scis, non curabo te facere
doctiorem. Recte factum, & prudenter actum ē,
nec minus expectabam expertus diligentiam tuam,
& singularem sollicitudinem. Proinde est cur hæc
tibi, & maiora credam. ta metsi neq; hæc minora
uideantur, ut est in comædia Terentijsuauissimi Poe-
tæ, quam Epidicazomenon uocant, Cuius tu fidem
in pecunia perspexeris, uerere ei uerba credere.
Sat est quantum accepisti, & scripsisti Chirographo
fuisse firmatum. Vtere summa perinde, ac esses he-

rus

Tomus primus 16

rus familiae, & in te, tuaq; cura totū onus consistere-
ret. Antea magister duntaxat, nunc etiam pater
ceus, & omnino columen iuventutis es. De domici-
lio prudenter. Id potius deliberandum fuit, quam
apud sororem matris meae uos habitare, quae quan-
to ditior, tanto magis quærule suae sortis est. Hanc
tamen inuisetis, & meo illi nomine salutem dicere
non negligetis. Id praecipue nepotibus mando.
Amo nihilominus eam cum sua consuetudine con-
querendi. Quae narras de Egnatio, deq; Fausto,
non mihi recentia, nec noua omnino, Id unum te
moneo, ut omni arte, & industria cum his ineas gra-
tiam. Mando Ioanni Mariae, & Iacobo, si me amāt,
ne diem quidem audiendi illum praetereant. Hanc
tibi etiam (mi Aloysi) designo prouinciam, & tra-
do, quam in domo nepotum paterna recte admini-
strasti, nunc absens fac, ut scis, qui semper nobis fui-
sti uir in quam optimus, & charissimus. Spondeo
tibi non defore unquā amicitiam nostram, nosq; fa-
cturos, ut sis semper beneuolentiae nostrae memor.
Vicetiam misi aere meo nuncium, quo quamprimum
alii fratres procurent ad uos omnem suppellectilem
quae uestro sit, & possit esse commodo. Confide por-
ro te intra biduum, aut pauloplus tuorum librorum
arcam recepturum. Pater eorum est in uilla prope-
diem rediturus, qui nisi iuuenes probe negotium con-
fecerint, non deerit, sed puta hos meo audito nūcio

non

Lucilli Phil. Epist.

non cunctari, quin expediant. Lætor uos fore pulchre inquilinos, conduxisseq; domum decenti præcio. Nec minoris, nec de teriorem laudauissem conductâ. Vitanda pro uiribus societas, nisi cum paribus, & cum quibus possit nostris intercedere s. militudo morum, & coniunctio studiorum. Iampridem calluisti sensum, & animum parentis, ac quid ipse uelim adolescentulis persuasum, Quamq; nostra exhortatione non indiges, quia multo melius ea despicias, q̃ ipsi innuere sciamus, tamen nostra interest nostro fungi officio. Vocis quidem paternæ energiam audisti, & cor emensus es, atq; ardorem, nunc meas literas puto a te magni fieri, non solum quia tuas semper uirtutes feci plurimi, sed etiam quod te unum delegi, collaudaui, probaui maxime. Dispereâ, nisi tuâ cōditionē semper suspexerim, & de te mihi multa promiserim. Hactenus bene oīa domi, posthac foris, proculq; a conspectu spero multo meliora, Arguii procul a patria illustriores rebus præclaræ gestis facti sunt. Sophi, seu philosophi cum aliquid nominis, & famæ, simulq; doctrinæ appetere cæperunt, a patria abierunt, & quocunq; iere, ibidem gloriæ studuerunt. Absens iccirco memor nostrum esto, qui sumus, qui tibi profuimus, ac prodesse uolumus, memor amoris, & charitatis erga te nostræ, memor fidei nostræ, quando tuæ quidem cōmittimus thesauros nostros, tuæq; gēmas, & summam rei, memor tuæ iam
perspectæ

Tomus primus. 17

perspectæ, & iudicatæ uirtutis, in qua demum omnis spes, & salus sita est, nostra, Tuum iccirco est te præclare gerere, atque ita, ut quam nobis ostendisti personam, eam sustineas, & collaudes. Multum enim interest nunc qualem operam adolescentibus dederis ad tuendam, & conseruandam opinionem, quam de te concepimus olim, & quam hodie tenemus, nec ullus mortaliū de animo nostro dele-re pōt, nisi tu ipse deleas. Postremo non tædeat facere hæc iubere uelim, Occidente Sole omnes domi ut sint, ostiaque concludantur, atque ut cænent, prandeant certis, & definitis temporibus. Nam horum tenuisse rationem iuuerit. Et quando plura dici non uideo necesse, semper nobis, & honori tuo consules. De omnibus, quibus opus fuerit ad me scripseris. Vale & diu. Patauius.

M D XXVII. duodecimo Kalen. Septemb.

C LVCILL.

Lucilli Phil. Epist.

LVCILL. PHILALTH.
Artium, Medicineq;
professor.

VICTORI FAVSTO GRÆCA-
rum literarum, & latina-
rum doctiss.

* *
*

SI saltem in me essent mediocria, quæ tu fore
speras omnia summa, Plane Djs immortalibus
& Musis gratias infinite deberem, Verum cer-
to scio me his debere gratias multis quidẽ de causis,
tamen nõ expecto illa summa omnia. Tuus erga me
amor tibi imponit, & uereor, ne nimium. Compe-
sca beneuolentiæ in me tuæ ardorem. Contine excellen-
tis ingenij tui uim ad omnia, qua soles tui similes ef-
fingere. hæc; primũ, & deinde tua de me spes erit
mibi ualde probata. Quod porro de me asseris, puto
uel monstri, uel ostenti simile. Non enim miles sum
leuis armaturæ, Caue item putes te a me laudatum,
ut laudes. Non. n. mutuo scabunt. Quæ tu de inge-
nio li mei laudibus cogitasti nunc, resciscas uelim hæc
uti ad hominem marmoreũ te scripsisse, qui nõ exau-
dit hoc landum genus, nisi me hisce calcaribus urgeas
ad

ad metam, aut ultra pergere, quod si habes in animo
tu quidem amice urges, sed tamen nescis quid me re-
tardet a cursu. Sui cuiq; manes. Contraxi ab utero
nonnihil morbi incredibile. Quantum detrahat vo-
luntati, & ardori studendi meo hæc infesta affectio,
tecum animo cogitare potes. Huic autem incommo-
do medetur quædam ingenij mei docilitas. Hæc lenit
demulcet animum, quoties infestat ægritudo, & me
abducit a bibliotheca librorum, Nam sæpe compe-
nsat, & refarcit temporis iacturam, Itaq; fit, ut non
queas libere me adigere calcaribus, aut quoties est in
animo tibi, Vt inscitia est, si aduersum stimulum cal-
ces, ita dura cæsetur provincia premendi quo, aut quæ
itio effici non potest, Quare quam in partem enco-
mia tua accipiam, me latet, nisi de more fecisti. Hunc
tibi ne probem, incertum est ob multitudinem assen-
tatorum, quamq; nō consueueris adulari ulli gentiū
unquam, neq; is sim, cui hæc studia cures adhibere.
Hactenus ioci gratia, posthac serio. Magister nepo-
rum meorum significauit mihi nuper epist. quàm be-
nigne eos susceperis, & quid sis pollicitus. Quicquid
feceris, in me residebit. Totum ego ex te agnoscam, ti-
biq; uni ipse referam acceptum. Sic familiam nostrā
tibi promereberis, ut nulla unq; promeritorum tuo-
rum cum ætas obscurare, tū antiquare poterit. Nō
enim hoc beneficium in solo sterili, & arido ferere ui-
debere, sed in aruis quæ soleant uberes fructus red-
dere,

C ij

Lucilli Phil. Epist.

dere, & quotānis colonos letos efficere. Nam magni refert præscisse, quē agrum excolere oporteat, quosq; proventus, et redditus accipere. Adoleſcētes parētis optimi his educati moribus, & præditi uirtutibus sunt, quibus boni, & morigerati eſſe ſolent. In primis uerecundi, modeſti, ad pietatē, ad cultū Dei diligenter inſtructi. Deinde maiores reuereri, honorare didicerunt nō inſulſi, nō inſtabiles, non mendaces, non ludis aſſueti, non contentioſi, non fugaces, nō ſtolidi, & tandē his ornamentis ſepti, quibus magis diceres nihil deeſſe ad eā ætatē informandam, nec orationes Iſocratis ad Dæmonicū, uel Nicoclē quæmpiā meliorem, & probiorē facerent. Hiſce de cauſis eos tibi maxime cōmendauī, & tuæ tradidi fidei, quoniā ſi uidebuntur idonei ad perdiscenda græca, hæc te iudice perdiscere pergāt. Rudimenta norunt, & quantum docuit magiſter, qui ſe totum tibi dicauit, & de te ſæpe mecum multa honorifice, cum eſſet Patauij loquebatur. Te duce ſperat breui Græce linguæ myſteria conſequi, Nihil hoc illi ſtudio amabilius, & iocundius. Ecquid plura? Aliās abunde ſcripſi, Nunc reſtat quicquid ſtudio, diligentia, authoritate, ſollicitudine, amicis, opibus poſſum affirmare tuum eſſe Vale. Patauius. M D XXVII. Non. Septemb.

LVCIL.

LVCIL. PHILALTH.
Artium, Medicineq;
professor.

HIERONYMO FERRARIO
græce, latineq; eruditiss.
patritio. Veneto.



DE Persij Poetæ carmine, deq; tua in illo eru-
ditione nihil habeo ad te scribere, nisi cū uo-
les experiri, an illa perrecondita sensa mihi
sint notissima, tibi paratum esse congressum, nec
meam Dialecticē, seu facultatem differendi in utrā
que partem reformides uelim. Hoc pugno. hac
dextra non utar, sed mero Musarum patrocini-
o confidam, enitarque tecum pugnare. Vincam
in hoc certandi genere, Sed ubi corona, ubi pal-
ma? Verum quia nunc aliquot gradus in Repub.
dignitatis, & honoris merito, & non sine mea ma-
gna lætitia conscendisti, non contendes amplius me-
cū de Persio, deq; illius furore recōdito, et abstruso, iā
tua te uirtus, tua doctrina, tua prudentia ad maio-
ra uocāt, Verūtāme seponēda erit hora, et dicēda in-
ter tot occupationes tuo diuino ingenio, et tuis græce

C. iij la-

Lucilli Phil. Epist:

Tatineq; literis, ne summis negotijs distractæ omnino
conticescant, aut sensim pereant, quandoquidem tu
potes cum ista tua prima dignitatis luce, cum hoc cur
su ad præmiū uirtutum tuarum, & ad gloriam his
authoribus admouere manū, qui de multiplici Rep.
& quisq; de sua optime scripserunt, Hunc. n. in mo-
dum non modo doctior, uerum etiam prudentior fies
in omni obeundo, & administrando magistratu. Quo
circa Venetæ ditionis historiam cum illa rerum græ
carum, & Romanarum in manibus sumere aliquan-
do iuuerit. Hæc ad te amice scripsi timens, ne alia in
stituta a te uiuendi ratione in hoc nuper tibi munere
designato sinas pessum iri literarum studium, in qui-
bus sudasti a puero diligenter, & profecisti mirabili-
ter. Vide porro quàm te amem, quàm sim tuarū uir-
tutum studiosus, et ueteris inter nos a puero amicitie
cultor, & obseruator magnopere, Quapp nuncium
expecto uel uerbo, uel scripto de hoc tuo magistratu
de quo ad me Egnatius scripsit cum tui quidem ma-
gna laude, seq; præfert cupidissimum, & amantiſ.
tui, cui ego multum tribuo, fidemq; adhibeo magnā,
propterea quod sincere agit, & loquitur. Cor illi con-
sentit cum uerbo contra eorum dogma, quos impatibi-
litis authores scis. Non possum non bene de con-
stantia uiri sentire, deq; illius in me officijs. De te spe-
rat oīa ualde, omniaq; fore cum summo in hac Rep.
munere. Vox illius etiam ualere plurimum solet ad
ineun-

Tomus primus. 20

ineundam, & conciliandam tibi gratiam cum senio-
ribus senatus, supremoq; ordine . Itaq; hominis au-
thoritatem non aspernabere, maxime si aues gloriam
gestorum tuorum . Hic non modo scriptor, uerum ēē
Venetæ urbis ubiq; solet de laudibus prædicare lite-
ratorum. Quâquàm, de hoc nunc me tibi non peten-
ti testem præbui, Cum illo de te in sermonem incidi
sæpe aliàs, semper sane honorifice, & cum summa tuo-
rum promeritorum spe loquebatur. Meo nempe con-
silio recte feceris, si illius amicitia habueris rationē.
Prodesse potest, & nunquam obesse, non quia igno-
rem non deesse tibi affinium, amicorum, propinquorū
fauores, & opes, sed potius quo utaris summo tui in-
genij, tuæ doctrinæ, & meritorum præcone, quo sa-
ne officio uidi functum hunc ipsum corā serenissimo,
excellentissimoq; Duce uestro, dum de nonnullis pa-
tritijs haberet uerbum . Sed non plura prudenti .
Expecto responsum auidissime, ut mihi ex uerbis tuis
liceat tibi congratulari . Vale . Patauiο .
M D XXXV . Kalen. April.

C iij LVCIL.

Lucilli Phil. Epist.

LVCILL. PHILALTH.
Artium, Medicineq;
professor.

EGNATIO MITIORVM
literarum professori

publico.

*
* *

TE domi conuenisse affinem meum gaudeo, te-
q; primum meo nomine salutasse, & dein-
de liberis suis fecisse uerbum ualde lætor. Ni-
hil enim gratius facere potuit mihi. Nec fuit ne-
cesse illud Homeri tibi in Odisea prima Quis? & un-
de uir, quæ patria, quis tibi parens, Cum enim
meo nomine te plurima salute impertiuit, nosti quis
hominum esset, undeq;, & cuius esset urbis, ac fer-
me parentum. Si non habes eius promissis fidem,
me sponso rem accipe. Vir ingenuus quidem, nescit
fallere. Quinimo fallitur, cum suis Vicetinis fidem
adiungit, Cuius eius est urbis modestissimus, & suapte
natura amabilis, Omne eius studium non modo suo
iure sancitum, sed promulgatum etiam domi, & ela-
tumq; ad liberorum commodum scias uelim. Si quis
illum

Illum sibi promereri cupit, bene de illis sentiat, & dicat. Paterno semper parcendum amor. Sic natura constituit, sic non homini solum, uerumetiam belluis ingenerauit ardorem suæ tuendæ. & ornandæ sobolis diligenter. Veruntamen œcumenicus homo est cum ad liberalitatem, & ad frugem, tum ad Parsimoniam natus. Ambidexter, qua tum dexteritate sibi plurimos deuincit, de cuius ingenio, & natura aliàs, non multis tamen lucubrationibus, nunc quia existimo omne uerbum in tractandis liberis consumpsisse, & tu id mihi paucis significas, de quibus quoniam item ad te aliquot literas exaravi, nihil aliud restat, quam tua putes officia in eos, ac si in me omnia contulisses, Nam nihilo hæc minus recipio. Erunt & tibi illi tanq; obsides, uel prædes meritorum tuorum, nec non meæ erga te beneuolentiæ tot signa, quæ quoties intueberis, spectra meorum debitorum ante oculos habebis. Reliquum Hieronymum Ferrariū, patritiū Venetū politiorum literarum, & bonarum disciplinarum, tuiq; studiosissimum gaudeo dignitatem sibi decretam consecutum. Confido fore omnino tuum. Nihil silentio prætermisi de amore, de officijs, de spe, de laudibus, de tua propensa uoluntate in illū honestandū, Credo tibi arctius deuinctum esse, tibiq; obsequentio rem fore. Magnum est enim lucrari amicum, sed continere diuinum, hunc plane seruandum tibi dico, & si

Lucilli Phil. Epist.

si non tibi, quia fortasse non eges, saltem tuis amicis, quibus queas cum uis, & cum opus, & cum bene illius opera prodesse omnibus. Tu enim incredibilem urbis Venetæ beneuolentiam tibi parasti amicorum potestate. Hæc conseruanda est, & amplificanda. Sed quid sus Mineruam, & ego hominem usus, & experientiæ plenum? Hominem senem prudentem cohortari iuuenem pudeat, qui & si mathematicus esse potest apud Aristotelem Stagiritem in libris de moribus, attamen ob imperitiæ usus & periculi prudentiam non potest attingere. Merito Telemachum uaghum illum uaghantis Vlissi filiū ut accessit ad Nestorem pudebat hunc senem interrogare de obitu, & statu patris sui. Minerua tamen illa Cæsia, ac Pallas iussit illi audendum, & fidentum. Sic meus in te amor tantum mihi fidutiæ præstat, & largitur audaciæ, ut patrem uidear familiariter alloqui, uel ad eum scribere peramanter, Itaq; boni consulas uelim, si audax nimium uideor. Quam enim semel erga te cæpi beneuolentiam, hac non destiti te prosequi, & quem amare soleo, huic bene omnia euenire opto perpetuo. His sane impulsus audeo hortari forte audentior factus, quam par sit. Non enim me clam est, quin quoscogitas tuos fore amicos, allicere hos scias. Non defunt tibi facunda uerba, non retia, non blandæ musæ. non mille modi, & mille artes. Quapropter interdum metuo,
ne

ne me sic inescaueri: , ut mei immemor audeam plus
satis , sed tamen ille in epistola prodidit , Licet nunc
audacia pro sapientia uti , Atq; illud antiquissimum
pene elogium poetarum . Audaces fortuna iuuat,
timidosq; repellit , ac sexcenta similia tu recondita
habes, quæ promissis ex animo in docendo diuinitus, &
cum summo auditorum stupore, atq; ita interdum, ut
cuncti fateantur tuam excellentem memoriam , &
facundiam singularem, de qua monimenta sunt re-
linquenda ad laudem sempiternam, De munusculo
affinis mei abs te peto , ut id tanquam symbolum
amoris erga te utriusq; nostrum accipias . Casu Præ-
tor noster uir singularis, & bene doctus de uia ad me
deflexit iterrogans quid de te audiuissem. Respondi
semper hætenus bene , atq; ita tibi cupio perpetuo
fore. Vale . Patavio. M D X X V I I.
Idibus Octob.

LVCIL-

Lucilli Phil. Epist.

LVCILL. PHILALTH.
artium, Medicinæq;
professor.

EGNATIO PVBLICO HVMA-
niorum literarum
profess.



PERLECTIS literis tuis nusquam effi-
giem fallis amoris erga me tui, quam dudum
incisam intra cordis recondita gero semper
præ oculis cum sempiterna tuerum erga me officio-
rum, benevolentiae, humanitatis, pietatis memo-
ria, atque ita, ut in ea parte animi diuina memoran-
di usquequaque non appareant nisi tuarum uirtutū
spectra mirabilium. Totum porro tui cum omni-
bus salibus, & conditionibus præclarissimis altius in
corde incisum habeo monumentum. Quod scribis
mibi iam exploratum esse, me abste amari debere,
bene tu quidem scribis, sed addo illud etiam uere ex
animo, & toto spiritu amari mihi compertum iam-
pridem

Tomus primus, 23

pridem fuisse, & nunc evidentissimum cælo, mari, terræ, de quo nec Dij, nec homines, nec feræ amplius dubitant, Iccirco quia confiteor id notissimum, uellem æque tibi perspicuum a me coli maxime, et obseruari omnibus modis, ut simul scias æque reciprocari amorem, & modum amandi, cum summum fuerit fundamentum uirtus ipsa præpotens ad alliciendo homines sapientes in sui admirationem Superioribus diebus incidi in uerbum Aristotelis usitatissimum scholæ istiusmodi, si quicquid ob aliud efficitur, multo plus ob illud effici credibile, cui si adiunxeris amas me ob uirtutem, ergo magis ipsam, prosecto argumentum dialectice habebis recte conclusum, & causam sempiternam perpetui amoris erga te mei, quinetiam æterni, modo sensus sit mortuis, & nobis cognitio rerum, uti arbitror, & arbitrandum sentio. Quod te recipis in rem nepotum meorum diligenter facturum, id tuæ ex humanitatis officio, aut potius pietatis totum agnosco, ac debebo plurimum semper, Quinetiam beasti me dum præsentis in illis perspicacissimum ingenij acumen ad omnes bonas artes capefcendas, modo posthac incumbere ad eas uoluerint, quibus etiam fortunâ aspirare addis. Sic etiam mihi persuasi, eandemq; concepi de illis opinionem, & de tua p'sensione scipsi ad optimū eorum parentem, qui tibi hac de re ait se debere maxime, Nam

Lucilli Phil. Epist.

Nam hominem hoc uerbo tibi deuinxisti, & obligasti perpetuo, quod & mihi gratissimum fuit. Cæterum quæ de Philopono græco Aristotelis interprete latine feci, prima tamen in parte Fausto misi, ut elicerem illius iudicium. Conuerti sane stilo mediocri, ne schola philosophorum candido, & perpolitato non admodum assueta ægre ferret, cum quid potius dicatur, quam quibus uerbis, & quo numero, quo lepore, aut lenocinio (ut aiunt) sermonis exprimatur plane desideret. Deinde illud etiam me mouit ad usum mediocrem scribendi, quia nulla accessio repentina efficitur. Desuescant philosophi Impolito sermone gradatim oportet. Hermolaus Barbarus ciuis Venetus sua tempestate (ut scis) græce doctissimus, quia candidissimum Themistium Plautino stilo, & uerbo uertit, non admodum probatur huic sæculo Philosophorum. Quare de industria opus Philoponi primus suscepi uertendum mediocriter. Aristoteles atticus scriptor, & copiosus iubet usitate loquendum sæpe, utque plurimi faciunt, ob id soleo Marci Tullij probare uerbum, & collaudare illud primo de finibus libro proditum, si Philosophus habet eloquentiam, laudat, si non habet, non admodum exigit, propterea quod ille res, non uerba pendit accuratissime. Hæc ad te scribi uolui ueritus, ne succenseas mihi aliquando, qui
non

non politius uerterim. Adeo es tu emunctæ naris,
tamen si senex, ut nihil non ornati, non candidi,
non recepti putes admittendum, aut condonan-
dum, cum tamen sit semper aliquid consuetudini,
& ætati concedendum. De re mea, de qua co-
ram, & uerbis tecum ægebam non promendum
aliquid, nec petendum, Nihil molire, quoad Se-
bastiani Foschareni in hac Republica Philosophi
primarij mentem norim. Quid ad filios si pater
commeruit, quamuis nec illum uideo commeruisse
pœnam, quæ tanquàm contagio proficiscatur in po-
steros. Sed caue uerbum facias tu ante quidem,
quam in illius patricij optimi animum intropexere-
ro. Si enim genitor militem uel in fide, uel sal-
tem in spe continere potuisset Germani tum non
deuenissent in Italiam. Sed utinam opibus ua-
lisset ad retinendum coactum militem. Non
enim facile eam quingentorum cohortem dilap-
sam Venetus intellexisset. Verum quid infans
pene natus huius culpæ pœnam subire debet, si
culpa, si defectio est, cum iure nulla uideatur,
& si orbatu suis rebus, omnique fundo priuatus
sit miser, cum occuparint omnia præter ma-
tris dotem? Sed de his uberius in conspectu, In-
terea curabo, an aliquorum partim animum
queam mihi deuincire, partim nonnullos præ-
bensare,

Lucilli Phil. Epist.

hensare, ut rei piæ satisfaciam. Te scio certo non defuturum, atque omnem molem amicorum admoturum spero, q̃ ut facias cum necesse erit, tibi opto, & præcor salutem, diuque uiuere. Vale.
Patauo. M D XXVII. Non. circiter
Nouemb.

LVCILL. PHILALTH.
artium Medicineq;
professor.

PETRO BEMBO GRÆCE,
Latineq; doctiss.

* *

INCREDBILE est (Petre Bembe) quāta me molestia ille tuus, quem a prandio statim ad me misisti quā tristissimus de urbe capta, de præda, despolijs de sacrilegijs, de stupris uirginum nuncius affecit. Qui casus non Venetæ Reip. modo, uerum etiam cunctæ Italiæ lugendus, & deplorandus est non sine summo, et memorabili gentis nostræ, nominisq; imperij dedecore. Nunc certe laesa

Tomus primus. I 25

re lesa est Dei maiestas, & Italiae fama maxime.
 Et Dei opt. max. quidem, cuius Clemens VII sum-
 mus, & opt. Pontifex uicem gerit in orbe terrarum,
 attamen in custodia detinetur non sine ludibrio mu-
 neris, & potestatis, qua ad numen nulla propius ac-
 cedit in terris, & qua nihil uel beatius, uel sanctius
 inter mortales nostri maiores esse uoluerunt. Etenim
 cum ille generis redemptor humani, domitorq; mor-
 tis aeternae Christus, & Dei filius, ac Deus ipse exem-
 plum caelestis eorum ecclesiae, qui sydera incolunt,
 aeuq; sempiterno fruuntur in hac luce relinquere
 statuisset ante suo quam fungeretur officio super pe-
 tram, hoc est super fidem suam fundauit ecclesiam,
 cui Petrum praefecit cum incredibili potentia ligan-
 di, & soluendi, quam qui non agnoscit, & Christi uer-
 ba cum Petro, plane nesciat oportet, sed de hac diui-
 na potestate alias longior oratio, nunc deflere est
 cum omni insigni Christiani orbis uiro hanc calami-
 tatem, hunc accerbum casum, qui simul diuina, &
 humana permiscuit, & nullam Religionis rationem
 habuit, qui celites contempsit, & pietatem uiolauit,
 dum Dei uicarium crudeles, nefarijque homines asper-
 nantur, & tanquam hostem inclusum, inque fere
 uinculis custodiunt, quem uit uperant, quem probris
 lacessunt, quem ^{cui} minitantur, quem cogunt pecunia
 grandi redimi, dum tamen spoliant sacra, dum res
 pontificias lacerant, dum bona diripiunt, dum patrimo-
 nium

D nium

Lucilli Phil. Epist.

nium Christi dissipant. Quæ omnia ulcisci uindex
 inultiarum Deus non despiciet, nec interea tamen
 summa Christiani Imperij potestas cunctari, aut per
 ferre tantam rei diuinæ ignominiam, tot opprobria,
 tot uituperia inferri, quinimo accurrere, cōuolareq;
 deberet in hanc sceleratorum manum, in hanc impio
 rum insolentiam, & crudelitatem inauditam, omni
 noq; Imperatore, Principibus, Regibus, intolerabi
 lem, Quis a pietate tam auersus, tam christiani no
 minis hostis, qui non cernat hæc facinora, non chri
 stiano, sed Afro, & Turca milite indigna, quan
 do his quidem sua sint summo honori sacra, nobis ue
 ro quia non ementito, sed uero cultu nitimur, & af
 sueuimus, minoris sacrosancta ducimus, & æstima
 mus? Quod si plurimi fierent a nobis, ac quemad
 modum decet colerentur, omnes nationes magnis se
 itineribus ad subsidium urbis, ad libertatem summi
 Pontificis, collegij Cardinalium, populiq; Romani
 conferre deberent. Roma cunctis communis patria
 communiter defendenda, ubi oraculum Christi pri
 marium, ubi sedes apostolica, ubi domicilium excel
 lens, & pantheon rerum diuinarum, quam illi excel
 lentiam non Quirinus consulto deorum, sed Petrus,
 Paulusq; utriq; uoluntatis Dei ministri dederunt,
 ac Constantinus Imperator diuino adductus mira
 culo cessit, & Religioni, summoq; Pontifici tradidit.
 Vnde ad id æui usq; hæc celsitudo, hæc altissima Chri
 stiani

stiani Imperij sedes propagavit, & permansit, sed
hodie ab Hispano milite prædæ cupidissimo diripitur
ab Heluetio uastatur, à Germano suspectæ Religio-
nis delubra, templa, aræ, edes deorum immortalium,
insignia, monumenta incenduntur, aut expilantur, ab
Italo stupra committuntur. Itaq; nihil tutum, nihil
inuiolatum, nihil non commaculatum cum summis
matronarum, & lectissimarum uirginum lacrimis,
fletu, suspirijs, gemitu cernitur, & auditur, Nunc
uim pro iure, arma pro legibus, libidinem pro conti-
nencia, licentiam pro æquitate, insolentiam pro mo-
destia, & omnino crimen, & uitium pro innocentia,
& probitate nephandi hostes exercet. In conspectu
patrum, matrumq; familiarum filias stuprant, eas ip-
sas cogunt subire quicquid collibuit, Vim inferunt
impotentibus uiri, cælibatum uitiant, castitatem in-
quinant, filios a complexu parentum diuellunt, nul-
lus pudicitie locus, nulla coniugatis reuerentia, om-
nia, ut fert libido, omnia in tumultu, in furore, in ui-
no, in alea, in scorto, omnia rapina, cæde, cruore, lu-
ctu complentur, omnia sine Deo præ oculis, & sine
metu, quasi sine iusto uindice geruntur, nec tamẽ eos,
qui providere possunt, & si Christum colunt, profe-
cto debent tantæ cladis miseret, nec insignis calami-
tatis accerbitatem perpendunt, sed summum pasto-
rem a sua sede abduci permittunt, O facimus memo-
rabile. Et tu quid de his sentis? Quid in tua histo-

D ij ria

Lucilli Phil. Epist.

ria asseuerabis? Pessime quidem nonnulli improuide
 Clementis VII consilio tantum Italiae detrimentum
 & nihil socijs belli, ac confederatis ascribunt. Nā
 si foederi steterissent, q̄ sancte iurarunt, nec uiolassent
 pacta, ac societatem ubiq; Italiae, & Galliae promul-
 gatam, & concelebratam, nec amplius. Clemens, &
 diuinus Pontifex eo uenisset calamitatis hoc tempo-
 re, ut exemplo his ipse primus esse premeretur, qui
 foederibus nimium confidunt. Quāquam de restituē-
 da ciuitate, quam caeperat bellum contra Hispanum
 hostē gerens sermo cum ministris Hispaniarū Regis
 haberetur, nō iccirco tamen a fœdere defecit, & quo-
 ties defecisset, occasio a socijs data uidebatur, cū nec
 suppetias mitterent, nec auxilia darent uni bellum
 gerenti, Ac summa belli in suum caput redigi cer-
 nebatur, cum iam primus in acie experiri hostium
 fortunam caeperit, & fœliciter progredere dum
 socij expeditionem morarentur, & manum cogere
 different, & coacta cunctarentur ad prouocandum
 hostem, quasi aperte bellum geri inter Romana, &
 Parthenopœa confinia duntaxat cuperent, nec inte-
 rim apud insubres ulla in parte hostem praelijs laces-
 ferent, cum tamen diuersis in locis appetendus esset
 idq; uideretur esse unum fœderis Caput, & Consilij
 Iudicium. Quare a Rege Gallico, & a milite Ve-
 neto pene deserebatur, Hic enim exercitus, quem Re-
 spub. imperauit, aut legi mandauit uti in præsidijs
 esset nusq̄ hostem permanentem congredi tentauit,

quod summi pontificis suspicionem quotidie augebat
magis, militem Venetum nolle cum hostibus pugnare
sed duntaxat cogitare de salute imperij sui, & deser-
uanda militia, ne amissa urgeretur pro ditione sua
demum bellare dix. Memor enim aduersæ fortunæ,
atq; incredibilis iacturæ, quam ægre tulit Iulij se-
cundi pontificis technis, & immerito, Ob id caue-
bat studiose, ne in similem fluctuum tempestatem,
& magna ammittendæ potentie pericula deueni-
ret. Solus ob hæc Clemens VII fæderis onus, im-
parq; uiribus, & ærario suo sustinere coactus. (Nā
sine nūmo riget bellum, & facile dilabitur cohors)
quo cōfugeret ad auxilia imploranda, si socij non mis-
sissent, non habebat. Quapropter in media arena de
idoneo sibi consilio, & auxilio cæpit prudentissime co-
gitare, quale nactus idoneum ausit interpellare p ol-
licitationibus, uerbis, nuncijs progressū hostiū, quoad
tamen ictum fædus re ipsa uellet cum hoste pugna-
re aut impedire, aut quoquomodo tentare, & infe-
stare, proque sua parte agere opportuna, & iuxta oc-
casionem oblatam. Erat in animo Clementis optimi
& summi Pontificis exterar nationes e sinibus Ita-
liæ propellere, quam orbis partem quia uidebat a
Deo, & natura mari, & montibus circumscriptam,
& ab alijs disclusam, iccirco cogitabat æquum, & iu-
stum fore, ut queq; natio suam incoleret regionem,
eaq; frueretur, quæ cogitatio Clementis amplissimi

D iij de

Lucilli Phil. Epist.

de Italiae libertate non potuit altius descendere in pe-
ctus sociorum belli, quin putaretur, & haberetur to-
ta simulata, Iccirco diffidebant, & diffidendi causa
fuit retenta memoria cuius esset consilij Iulius secun-
dus, quasi quisq; successor eiusdem uoluntatis, dubiaeq;
fidei, ancipitis animi, inconstantis uirtutis iudicari de-
beat. Si porro fides fuisset in his, in quibus esse debe-
bat, hodie Roma Princeps, Cardinales, Senatus, ciues
Populusq; Romanus ad tantæ cladis fastigium non
peruenissent, nec bona ecclesiæ, atq; utriusq; fori in-
sectionem incidissent, nec tanta librorum suppellex
partim lacerata, partim usta fuisset, ne nunc aggre-
gem ad hæc incommoda, & detrimenta quot collegij
pontificis contumelias, quot nefaria facinora tolera-
rint. Hæc pudet ad te scribere, quæ cum summo
pudore etiam nuncius tuus narrabat. Taceo quot in
fugam conuersi Roma decesserint, destituti pene ui-
tico. Venetias Aegidius Cardinalis, & Tranen-
sis ambo confugerunt sibi tutum locum, nisi eodem
accederent nusquam fore opinantes. Aegidium
Patauium uenturum propediem nuncius mihi tuus
asseruit, quem inuisere opto, ut ex eo plenius cogno-
scam de hac aduersa, & iniqua fortuna aliquid, præ-
terquam qd hunc ipsum intelligo humanioribus lite-
ris, & musis operam dedisse ualde & nunc his uale-
re admodum. Cæterum Italiae fama magnam ia-
cturam fecit hac tempestate, quæ quondam sola to-
tius

tius orbis terrarum imperium tenuit, Quid igitur
Barbari praesentes, quid futuri de nostra discordia
dicturi sunt, domicilium olim Imperij, nunc templum
Catholicae fidei Sedem uicarij Dei, Collegium praestan-
tissimorum hominum, oraculum pietatis, praesidium
bonorum, propugnaculum uirtutis, Gymnasium bo-
narum literarum, profugium, & columen doctissimo-
rum manu Barbara, & impia oppressum, atq; si diu
praematur cito deletum nemo non uidit? Quis hac
de causa non doletet uicem Italiae? Quis non obiur-
garet dissidia potentum? Quis non fleret omnibus
imminentem seruitutem? Serpit enim indies latius
haec pestis, cuius iugum nisi depellatur a ceruicibus
nostris, breui serui omnes futuri, de quo etiam, atq; et
posteritas uiderit. Nunc uero ad tuam singularem
humanitatem uenio, cum nuncium ad me miseris, qui
mibi tot facinora sine literis tuis recitare tametsi plu-
ra multo alia tibi dici se audiuisse mibi fassus sit, quam
quae dicenda mandasti. Scripsi ob id etiam ex uerbis
aliorum quaecumq; honeste, & uere scribi posse existi-
maui. Aegidium Cardinalem huc Patavium profi-
cisci aueo, una enim & te ad urbem e rure tuo uen-
turum, eumq; amice inuisurum opto. Tum ero tui
comes, modo de tuo aduentu me rescire facias diem,
Id interim tibi promitto ad eum me non sine te ac-
cessurum, quem nondum de facie cognitum obseruo,
& ob famam perpolitae doctrinae uehementer colo,

D iij sed

Lucilli Phil. Epist.

sed rumor quidam increbrescit de pestilenti morbo,
quem Deus optimus ab hoc Gymnasio auertat, a quo
discedere cogerer, & si frequens iuuenum digladi-
atio me hinc decedere urgeat. Tam factiosa, & in-
solens Vicetinorum natio, ut hanc nostra ferre non
nisi ægerrime possit, & tamen de nugis & chimeris
more iuuenum digladiamur, Ego quia non possum
non interesse uoce sociorum stimulante, satius fore
ad requiem studiorum meorum duxi si hinc Bono-
niam proficiscar. Te interea forte alloquar,
& quicquid mihi consilij præbueris,
maxime probabo. Vale, at-
que diu feliciter.

Pataui. M D XXVII.

Idibus April.



LVCIL-

LVCILL. PHILALTH,
Artium, Medicinæq;
professor.

HIERONYMO FERRARIO

græce, latineq; eruditiss.

* *
*

VIX e tuis manibus elicere queo ad te scri-
bendi argumentum, quod raro scribis, ac fa-
cis illud Horatiij. Et toto non quater anno
membranam poscis. Valde ob id suspicor te uel ar-
duis implicitum occupationibus, uel aduersa (quod
Deus auertat) impeditum uoletudine, uel paruiface
re amicum. Quod scribis aliquando, inde cōiçcio nō
parui fieri nostram a puero fere consuetudinem, sem-
per deinde bonarum disciplinarum studiis accurate,
& diligenter confirmatā. Quod tibi aueo semper,
& opto optime, nulla opinor te molestia ægritudinis
laborare, Reliquum igitur a tuis metuo negotijs, quæ
hoc beneuolentiæ officium tardent. Postq̃ enim in-
teruallo locorum disiuncti sumus, nisi per literas qui-
mus colloqui, cuius colloquiij nōte tædeat quæso, quo-
niā me nunq̃ piguit tuas humaniss. elegātesq; literas
legere, neque pigebit, etiam si millies scripseris.

Accepi

Lucilli Phil. Epist.

Accepi tandem literas tuas, quas ad me misisti Patavium, cum modo sim Bononiæ. Nostri fecerunt, ut ad me perlatae sint. Discedendi ab eo Gymnasio causa fuit tumultus. Nescio, an de eo factus sis certior & de moribus iuventutis, cui nisi prouisum sit, princeps quotidie magis ruet in arma. Agitur quædam magis, magisque indies inter Vicetinos, & Brixienses discordia, serpitque quotidie longius, quæ quidem male mea torquet, & uexat studia. Calluisti tu dudum animum meum, & quam sint mihi, & ocio meo literario illæ digladiationes infestæ. Verum huic meo discessui illud incommodum accidit, ut est ad me præscriptum, ipsum inter digladiatores numerari, de quo abs te peto omnem in modum, ne quid Venetijs contra me decerni feras. Quod si istuc properare cogar, non ero piger, ne sit calumniæ locus, ne ut innocenti imponant onus nocentum. Certo (scio nullam in me culpam reuera) & iuste conuerti posse, quamquam in me nonnulli facile latrent, meque absentem incusent. Desinant uelim mihi banc notam inurere, hacque solitudine iniqua occupare, & premere. Tuae (mi Hieronyme) sunt partes ad defensionem meam inimicorum calumnias infringere, quippe qui potes debilitare aduersarios meos, repellere uim euentitæ querelæ, ac pro me eiusmodi niti, ut cognoscant te strenuū presertim innocentiae defensorē. Qua de re, deque omnibus negotijs meis si aliquot literas

teras mihi exarare uolueris, posthac unguentario,
seu seplasiario nō longe a columnis in foro Diui Mar-
ci tuto committere poteris. Hic etiam, ni fallor
tibi meas est redditurus. Postremo me lætitia com-
plesti cum fatere in eisdem literis te unum obtinuisse
multis posthabitis munus, & dignitatem. Id to-
tum mihi crede e tua doctrina, & uirtute pendet,
cuius iam odor cunctis Reipub. naribus suauitatem
redolet. Nisi enim ex his, unde nam pendere di-
xeris, cum tibi adhuc iuueni, præclaro tamen obti-
gerit gradus antehac senibus dignus. Hic sane mul-
ta præbet inditia. Primum pietatis in te patriæ, ac
beneuolentiæ incredibilis. Deinde esse aliquot in
Repu. primarios, qui tua promerita adnimanuertunt,
pendunt, ementiuntur dignissime, Iccirco non est
principio bene agendi despondere, aut demittere ani-
mum, & si sæpe iter uirtutum perdifficile, asperū,
inuium uideri solet. Nam Dij uirtutibus tandem
deesse non possunt, quarum illi authores, & quas
tanquā dant mortalibus dona. Plerique sunt in
Repub. Veneta eiusdem, & maioris ætatis iuuenes,
ditiorisq; et antiquioris generis, incredibilis fauo-
ris, qui nunq̃ prehensare destiterunt. At uero tu
uirtutes adiutrices habuisti, quæ prehensare dudum
nouerunt. Quod porro nunc uides fortuna etiam
comite factum, hoc spera indies maiora, uti ego præ-
uideo fore, non quia amor erga me tuus huc spei
impellat,

Lucilli Phil. Epist.

impellat, sed uirtus tua quia fundamentum sacrum,
 & sanctum meritorum tuorum animos tibi ciuium
 conciliauit, obstrinxit, neque nunc cogit non modo
 bene sperare, uerum etiam cuncta tibi optare felici-
 ter. Veruntamen uelim ignoscas ardori meo, si
 amice quaedam tibi suppedita uero ad augeam Rei-
 publicae tuae erga te honestandum propensionem,
 quoniam nunc es uelut persona in Theatro, in quam
 optimates, & primarij maxime intuebuntur, & de-
 figent oculos, obseruabuntque inuidi quid, & quantũ
 gesseris, Idcirco tibi persuaderem, ut quam expe-
 ctationem patriae tuae de te ipso excitasti humanitate,
 gratia, morũ probitate, facilitate incredibili, doctri-
 na mirabili, hanc ipsam omni studio, & cura susti-
 neas, aut etiam augeas, putesque te iacturum pri-
 ma non opinionis, & gloriae huius ætatis fundamen-
 ta solum, sed plane etiam futurae, Multum inte-
 rest si tibi principia bene habent. In Hesiodo pro-
 ditum est initium esse dimidium totius, his prætipue,
 quibus est animus ad Rempub. capeffendam accede-
 re, si te porro præstiteris uti cognitus es in hoc pri-
 mo aditu dignitatum, illustrabis uestigia, & curri-
 cula ad maiora, nec tua uacabit opera unquam, nec
 locus deerit. Semper in optima opinione, semper in
 munere, modo non desis magistratui, hic tibi ultro
 obuius erit. Quare incumbe toto pectore ad has co-
 gitationes, & profecto incumbes cum tua perrenni
 laude.

laude. Quæ sane ad te scripsi non quia tu non multo melius hæc perspicias, quam ipse, sed quia addendus erat stimulus amoris huic cursui tuo, nolui deesse officio meo. Quod me amicissime incitas ad usum studiorum, ut sinam edi in lucem commentaria illa græca a me primum latine facta, tibi obsequar.

Iam conuenit inter me, & typographum. Auspicati sumus. Nicolao Rodulpho Cardinali inscripsi quædam, non quia mihi promerear pensionem annuam, nec quo aliquid sperem, sed potius, ut eius modi sit hoc illi monumentum ob doctrinam græcarum literarum, quam certe callet. An istud

tibi uideatur, quoniam adhuc integrum est, & te certo scio mihi fidelissimum amicum esse, cupio ex te cognoscere. Vale.

Bononia. M D XXVIII.
Ralen. Ianu.

LVCIL.

18 Lucilli Phil. Epist.

LVCILL. PHILALTH.

artium, Medicinæq;
professor.

EGNATIO LITERATIS-

simo, & amicorum opt.

* *

SCRIPTIS à me, & iam obsignatis literis
tua mihi schedula reddita est de negotio tuo,
sed quia tabellarius statim recessurus erat, nec
manere tantisper uoluit, quoad de illo per literas te
facerẽ certiozem, iccirco non tibi mirum, si te ante
oppresserint hæ, quas ad te scripsi pridie Non. No-
uemb. quàm quæ date sunt ad schedulæ responsum.
Conueni hominem. Sed is obtruncuit primum, uideba-
turq; pene immemor illius ratiunculæ deducendæ,
At resipuit, ubi illum hoc monui unum, cogitare be-
ne primum, quo cum ageret, sin aliter, non sibi pro-
futuram hanc simulatam facti obliuionem. Iccirco
ad memoriam reuocauit diem numeratæ pecuniæ.
Iureiurando non quæsito, nec postulato tum sibi non
esse soluendi copiam affirmauit, se tamen iuratus re-
cepit quo tempore sibi primo, quod breui fore asserit
facta

facta fuerit potestas restituendæ pecuniæ, tibi satisfacturum. Adduxi etiam testes, ne diem prætereat promissi, ne rursus debiti obliuiscatur sui. Sed caue isti quicquam credas. Homo est perfrictæ frontis. Persoluit inficiando, atque ubiq; illi domicilium, necnon omnia potius habet in persona, quam in ære, uiuit indies pauper, & inops. Fugam pro sponse accipere solet, attamen uxorem, & liberos habet. Assuevit huic modo, tum illi imponere, ne putes hunc nuper fraudem fecisse. Sed nescio qua sorte hic tibi fuerit præ manibus. Numerationem tuam conuertit in usum suum equidem omnem. Scripseris ob id quæ uoles, curabo diligenter omnia, nec patiar tibi defieri quippiam in hoc negotio, nec fraudem effici. Si porro is promisso steterit, nihil cum legato, alioquin urgebo usque ad quadrantem, ut discat in hoc suo mercatu, & dolo neminem decipere, & te præsertim, qui habitus semper fuisti integer, & prudens. Veruntamen una hirundo uer non efficit. Semel hic nebulo te elusit, ne posthac eludat, prouideto, Ego uero exspectabo diem debitori præstitutam. Non uidetur ante conueniendus, postquam tuo nomine ipse ausi præscribere illi certum solvendæ pecuniæ tempus. Deinde ita conueniam, ut iudicium sine strepitu, & summatim fiat. Interea me ama. Sebastianoque Foscareno doctissimo dicito meis uerbis salutem, cum erit tibi obuius, ad quem

Lucilli Phil. Epist.

quem scripsi de illius rei summa. Auide leius li-
teras cupio. Vale. M D XXVII.
Tertio Idus Nouemb.

LVCILL. PHILALTH.
artium Medicineq;
professor.

SEBASTIANO FOSCARENO
præstantiss. philosopho.



ET si sero, perraroq; meas literas accipis, in
causa sunt occupationes tue, ac studia, quæ
quoties tecum bene animo reputo, me tibi a-
scribendo deterrent, quasi nõ æquũ esse putem te in-
terpellare, aut tibi occupatissimo addere etiam Bian-
tis dolẽum, quod si etiam uoluere uelles non est tibi
uacuum tempus, id quoniam considero, uti etiam
considerare decet, me temperare sæpe soleo ab hoc
quamuis beneuolentiæ testimonio, & amicitiae officio
dignissimo, Veruntamen ad quem lubentius scribam
te nemo superior occurrit de rebus præsertim serijs,
& mihi omnino necessarijs, quas nunc non est ne-
cesse pluribus

cesse pluribus recitare tibi, quippe qui non semel, sed
persæpe omnia percepisti. Renouare modo tibi me-
moriam non licet, ne uidear tuæ diffidere uoluntati,
& animo erga me beneuolo, nec expedit tuam exci-
tare prudentiam, quia loci, & temporis opportuni-
tatem habes in animo. Scis enim quemadmodum
res gerenda sit, & cum tractanda, si tamen sæpius
eadem de re ad te scripsi, nō mirere, nec stomachere
uelim, quoniam me urget cupido redimendi patrimo-
nij tandiu amissi, cuius fructus usurpat immerito fi-
scus, ne dicam uerbum inique. O fortunam imma-
nem, & periniquam, Accerbissimum enim est se
non posse publice defendere, neque ab ullo defendi,
sed tamen procurator meus, atque patronus explica-
bunt quid demum a tua peterem humanitate. Quæ-
cunque accident sum ipse laturus, si male, grauius,
si bene, æquo quidem animo. Non postulantur alie-
na, sed nostri fundi, nostri olim iuris omnia. Verum
officia tua in me à te profecta, etiam si non bene me-
cum erit actum, semper erunt gratissima, Quicquid
feceris, approbabo, quoniam confido te ea esse factu-
rum, quæ maxime in rem fore meam iudicabis. Co-
gnoui iandudum tuam erga me beneuolentiam cum
te attente audiebam philosophiam docentem. Per-
spexi partes tuas, suauitatemq; ingenij, officij, huma-
nitatis, quibus fretus duxi semper meas literas apud
te pondus habituras, meque, & res meas a te pluri-

E mi

Lucilli Phil. Epist.

mi fieri, q̄ & tu declarasti superioribus literis quinto idus April. tua manu amantissime subscriptis, si quidem perscripseras neminē quā te malle non modo restitui omne patrimonium cum recto dominandi iure uerum etiam sarciri emolumentum fructuū, atq; usuram, qua quidem uoluntate cum nihil iustius, tum nihil amantius percipio. Si n in te esset positum, non dubito, quin rationibus meis, iustitiæ, æquitati fuisset prouisum, Quia uero non est, sed in magna rogatorū multitudine constituiū uideo, ubi multa capita, multæ sententiæ, hinc a te etiam, atq; etiā peto, et quæso ut quibuscunq; rebus poteris; Poteris autem pluribus, patrocinio prospicias meo, meq; iuues maxime. Ego in ea Rep. nullum nactus sum te beneuolentiorē, amiciores, & quem uideam plane ueri, & iuris defensorem, constantem, & optimum. Si enim tui similibus Senatus Venetus refertus esset hodie, non laborarem. De eadem re scripsi ad Marcum Antonium Valerium tui amicis. Rescripsit se mihi nō defuturum, modo res proponatur, ac dolere interim occasione non præbita, Quamprimum iccirco sibi dari nouerit, se suscepturū erga me officia, atq; parteis tanq̄ parētis optimi pollicetur. Huic commentarios Alexandri Aphrodisei Græcos a me nuper, et primū latine conuersos de locis argumentorū, quos Topica Aristotelici appellant propediē dicabo, sed nō ante quidē, quā chategorias Simplicij Græci interpretis

Aristo-

Aristotelici latinas fecero tuo nomine inscripto extare, & in uulgus bene latine apparere. Te. n. delegi unū ex omnibus, cui hæc optime potuit lucubratio nuncupari, quippe cum prima omnis philosophiæ rudimenta, & summa rerum capita compræhendat. Quondam circumferebatur quædā editio nec græca, nec latina, quam homo utriusq; linguæ parum peritus edidit. Si tuis illa in manibus est, facile deprehēderis nihil non uere de doctrina hominis scriptū, non uti hodie faciunt ambitiosi pedagogi, parumq; prudentes, qui alienos labores sibi uendicant duobus, tribusue principio uerbis mutatis ignari dialēcticæ, philosophiæ, ac medicinæ, quos hæc uestra Resp. antiquiss. illustriss. primū arguere, deinde si pergerēt facere, lege ambitus, aut furti punire deberet, sed hac de re aliās, nūc tuis erga me promeritis Gymnasia debebūt, quibus erit horū cōmentariorū latine facta accessio. Cæterum in te, tuaque uirtute oēm spem repono negotij, ut magis reponere nō queam. Non desunt tibi amici, nō authoritas, nō gratia, non laus, quippe qui perfunctus oībus muneribus cū summa semper magistratus, & gradus laude præter supremū Reipub. omnibus chariss. gratiosus, amiciss. Quid superest nisi corona, et dignitas ducis, quæ ē tibi merito debetur? Quare obsecro te, atq; obtestor per oēs uirtutes tuas, promerita, dignitates, ut meū iustū, et pium negotium ita tractes, ut aliquando possim tibi omnia,

E ij uitam

Lucilli Phil. Epist.

uitam, studiaq; recepta referre. Vale. MDXXVII
Quinto Kalen. Decemb. Bononia.

LVCIL. PHILALTH.

Artium, Medicineq;
professor.

ALOYSIO IUSTINOPOLITANO
nepotum præceptori.

TAM & si Patauium illuc quidem literas
tuas misisti ignorans meum discessum, & cau-
sam discedendi, tamen hæ Bononiam conuo-
larunt, Tria itaq; tibi sum explicaturus seriatim.
De literis primum. Mane accepi, dolebamq; stoma-
cho. Liberasti me, simulq; dedisti mihi augurari ti-
bi bene illud euenturum, si Medicinæ te adiunxeris.
Eodem die cogitavi responsum. Venisse arcam, sup-
pellectilemq; librorum tuorum gaudeo, & nihil de-
esse uobis, multo uehementius. Fac, ut uir sis, ut i
hactenus præ te tulisti, de quo prudenti satis posthac
literas meas tuto accipies ex manu unguentarij, qui
domicilium habet ad forum columnarum, cui etiam
secreto dederis ad me tuas. Scripseris sæpe, etiam
si tractu longiore a uobis absom quamquam spero
uos non biennium isthic fore. Patauium tandem
proficiscendum est. Interea da operam, ut hinc di-
scedas

Tomus primus. 35

*scedas doctior cum adolescentibus, & bene morigera-
tis, Ad id pertinet summa morum. literarum, &
officij tui. Deinde de meo discessu non mirandum,
Magis mirari debuisses, si intra digladiatores per-
mansissem, a quibus mea natura abhoret. De disces-
su scripsi ad affinem meum parentem adolescentum
uernaculo sermone. Nec expectavi responsum.
Nosti dudum negligentiam, aut tarditatē hominis.
Bene omnia exequi solet, sed lenius. Confugi ita-
que Bononiā quasi ad columnen ocij literarij cum bo-
na animi pace, & quiete. Iamq; omnia mea istuc
perlata sunt. Vnum reliqui apud te e penetralibus
cordis mei negotium nepotum, in quod toto pectore
incumbas uelim, ut de eo quemadmodum abs te tra-
ctetur non deerunt, qui mihi significabunt. Hæc
non scribo timens, aut suspicans te nobis defuturum,
sed quia uereor, ne ineant cum improbis societatem
illi, & tu breui perire uideas quantum tua cura, &
diligentia edidisti, & coluisti magnopere. Redeo au-
tem ad discessum, quem antequam adornarem cū
Lazaro Bonamico uerbum feci, quo cum mihi ma-
gna fuit consuetudo, et iam ante suam profitendi pro-
uinciam. Tum ille comes erat Episcopi, quem Al-
tini, seu uulgo Torcelli uocant. Itaq; uetus inter nos
amicitia intercedit, cum porro tibi erit tempus pro-
ficiscendi Patavium, hunc græcæ, latineq; doctum
non de fore tuis studijs existimo, cui non unis literis.*

E iij te

Lucilli Phil. Epist.

*te commendabo plurimum, mea tamen mens est, ut
 quoad mitioribus, literis & musis animum attendis,
 incipias aliquid Dialecticæ audire, de qua reseruo ad
 tempus scribendum. De mea salute, deq; omni meo
 statu nihil, nisi optime Expectamus Clementem sum-
 mum Pontificem, & Cæsarem. De aduentu certi ni-
 cij. Multa quotidie parantur. Hinc signa appa-
 rent aduentus. Si quid noui fuerit, & id scire aue-
 bis, non prætermittam, quin scias. Postremo de cau-
 sa discedendi tantum tibi significo, q̃ nequeo tot con-
 trouersias sociorum audire. Assueuere inter se ma-
 nus conserere, q̃ æquo animo tulissem, nisi me coegis-
 sent e domo egredi, & cum illis arma accipere. Se-
 mel, aut bis licuit id facere, sed assuescere non est in
 rem meam. Quare mihi consului cogitans de di-
 scessu, & opinor bene mihi; & Musis consultum,
 unus ero in bibliotheca mea, & solus in uia, totus in
 libris explebo sitim meam meo nempe arbitrato in
 ipsis fontibus. Non erit qui me conclusum auocet,
 qui me abducat aliò, qui me deterreat a cæptis, cum
 præsertim & hic habitent dii, summiq; philosophi
 Ludouicus Bucca Ferrea, Pellegrinus, Medicique
 optimi, atq; Romulus Amasæus elegans, & perpo-
 litus humaniorum literarum æque græce, atq; lati-
 ne professor, qui mihi maximo erit adiumento ad id
 quod cupio. Equidē uertit Xenophōtis opus grecū ad
 modum latine, & recte quidem. Interea esto bono
 animo*

animo, & perge sicut cœpisti, ut una esse, atque uiuere possimus aliquando; Vale. MDXXVIII.
quarto idus Septemb. Bonomia.

LVCILL. PHILALTH.
artium, Medicineq;
professor.

PETRO BEMBO GRÆCE,
Latineque perpolito.

TANDEM reficiendi uires, & recreandi animi causa proficisci recta in Nucarium aui mei uillam Aegidius Cardinalis doctiss. tuique amicissimus constituit, cui quam infesta fuerit febricula cum piruita scis. Huc item uenturum Gabrielem ordinis Heremitarum magistrum tui studiofissimum, aliquotq; dies nobiscum mansurum, ut belle, laute etiam ipse in uilla fratris sui a nostra non lōge recipiat Cardinalem ne ignores, scripsi breuiter. Gratum certe tam nobis feceris, quam gratisimum, si ad conuiuium properes huc nostrum. Nam interuallo itineris non admodum abes. Intra enim trium horarum spatium mane conficies iter. Eritq; sane tempus colloquēdi bene lōgū, Nec pudeat uenire q̄so etiam si ad tuum Nonianum nos minime inuitasti.

E iij Nam

Lucilli Phil. Epist.

Nam Nucerio potius iter est Romam, quam Noniano, iccirco Cardinalis Romam proficiscens, aue potius reuersurus ad lares nostros accedere statuit. Si aues uoluptatem percipere ex doctissimi hominis sermone, & amicum affari ante discessum te expecto & rogo, obsecroque mirum in modum. Nostrum si non symposium more Græcorum, conuiuium saltem modo nostro melius honestabis, præsertim cum sine in manibus nostris aliquot tui carmina uernaculo sermone composita, quæ nos supraquam tibi credibile est, uehementer delectant. Si ueneris, non aliò, quam ad tuum Nonianum persuade tibi uenturum. Et parauit tibi cubiculum Soli, ut sine quadra tuo libito utare, & uiuas id temporis iucunde. Si enim hic non mei amore adduci uis, saltem per genium tuum, deosque penateis nostros te obsecro, obtestorque, ut properes. Vale. M D XXVII. Tertio Kalen. Septem. e Nucerio.

LVCILL

LVCILL. PHILALTH,
artium, Medicinæq;
professor.

GABRIELI ORDINIS AVGV-
stinianorum præfecto.

* * * *
* * * * *

DE tuo aduentu ut audiuius, undique su-
mus ipsi perfusi lætitia ego, & auus meus.
eoque magis, quod summo desiderio expecta-
mus, & cupimus fratrem tuum, Aues uenatorias
congesimus ad illud uenandi genus, quod scis, Ni-
hil defuturum puto, modo accipiter Buteo suo bene
fungatur munere. Vtinam siluæ uicinæ essent, ue-
natio fæstinior uideretur. Deest porro uel lucus, uel
cælum, non autem nobis uoluntas, qui hætenus de-
dimus operâ, ut nihil ad conuiuia peragenda deside-
retur, itaque nihil est, quod cures parandum, Et
omnia, musica, & ioci, ac præmia certandi decreta
sunt. Quamprimû placuerit, nos sumus in prom-
ptu, Vnum optamus, nuncio pridie nobis significa-
ri aduentum, quàm istinc ad nos abeat, ut coqui
sui muneris reddere rationem non habeant, & nos
non

Lucilli Phil. Epist.

non accusas ignaviae. His de rebus Petrum Bem-
bum tui amantissimum, meis literis, ac nuncio cer-
torem feci, necnon inuitavi etiam obtestatus ipsum
per deos penateis nostros. Vereor, ne pudeat ac-
cedere, sed tamen nullam subesse pudendi causam
docui, Scripsi ad fratrem tuum mihi charissimum
non cunctari, quin ad nos euolet. Dum scribebam
haec ad te nuntius uenit, qui eum in uia reliquit.

Ante Solis occasum adfuturum affirmat, mox de-
creueris de itinere ad nos. Et uinea nostra dabit
odorem suum. Graeca uina, & quae solent a merca-
toribus in onerariis nauigijs, aut nauibus e Pelopo-
neso suauiora, atque salutaria Venetias aduehi, non
deerunt. Prandio primum, alia uero potionibus
suauissima aggregauimus. Vale. ex Nucerio.

M D XXVII. pridie Kal. Septemb.

LVCILL.

LVCILL. PHILALTH.
artium, Medicinæq;
professor.

AMPLISS. CARDINAL
*Aegidio Viterbiensi Græce, Hebraice,
Latineque doctissimo.*

* * * *
* * * * *

CVM supremo eius di ei Sole, quo te die Patavio discedendum, & Romam postridie cogitare dixisti a me pro tua singulari benignitate, & incredibili uirtute postulaueris, ut sæpe ad te aliquod meæ erga te obseruantiae signum perferri curarem, idque etiam in campo Nucerio, & aui mei uilla repoposceris, pro eo ac debui tibi abeunti has exarare literas constitui ratus hoc fore tuæ personæ gratisimum, quod cernis me iam tibi obsequi, moremq; gerere. Nec saluus sim (Aegidi lux, & decus Cardinalium) si dies, noctesque non meditar id temporis, quo tibi meus in te animus ostenderetur, & uiderer simul incepisse tua mandata facere. Nam pluris aestimare soleo exemplaria uirtutū summarum, quam ipse forte tibi persuades.

Quo

Lucilli Phil. Epist.

Quo esses in numero literatorum, iam pridem ex uerbis maxime eruditorum cognoui, nunc in colloquio tecum meam asserui opinionem, & confirmaui eatenus, ut te pro certo habeam doctissimum. Nuper uersus tui cum epistola quadam ad Iacobum Sana- zarum hominem nostra etate in utraque lingua, uer- uacul a & latina limatum, & urbanum in meas de- uenere manus cum summa lectionis uoluptate atq; oblectatione præcipue, qua incredibiliter affectus calamus sumpsi ad te de hoc poematis genere scri- bendi. Lyricum est, atque oda, quæ nunquam in palinodiam transferri potest. Cuncta uera, & quæ ad uterum beatæ uirginis attinent diuinitus, quibus quidem de rebus laudauissem perpetuo heroicū pan- gi, quoniam altum, & coriphæum est, non humile, nec abiectum. Deprehendi unum in oda, & lyra tua suauissimum, quod mihi perplacuit, & cuique perplaciturum sentio. Tam belle carmen Franci- sci Petrarchæ uenaculo sermone conditum in latinis transtulisti, ut non potuerit ad uerbum, & ad rem traduci melius. Quoties confero, cecinisti tu melius uel æque. Nec parum fuit tua florenti ætate hu- iusmodi cecinisse, quando ipse quidem senserim magis arduum uersus uernaculæ linguæ conuertere in la- tinam, quam suaptæ minerua pangere. Hoc enim liberum est, illud uero ea lege conde ndum, ut ab ar- chetypo ne quidem uerbo liceat digēdi. Iccirco fuit
inter-

Tomus primus. 39

interdum difficilius *A*pellis grammata imitari, quam ex se studiose aliquid pingere. Hinc *Vergilius* se superasse mihi uisus est, quoties *Homeri* uersus latine faciebat, quam cum suo diuino furore sine imitatione canebat. Verum crediderim. ut musæ, & charites a ueteribus inuocatae cæptis fauebant, ita tibi, tuoq; carmini parentem *Christi* aspirasse diuinitus, quo hæc tua oda resonaret dulcissime, legi ob id sæpe & quoties omnia uerba examinaui, & diligenter appendi toties uidebatur suauior, & amænior, Sed de *Virgine*, deq; carmine aliàs, nunc *Romam* contendis ad pristinum domicilium tuum, in quo licebit requiescere, & si non inter libros bibliothecæ tuæ *Græcos*, & *Hæbreos* utinam non consumptos, quoniam adhuc adhibita cura, & diligentia redimere minoris forte poteris, quam suspicare, quod ut facias, èt, atq; etiam obsecro, ne tot rerum diuinarum, & humanarum mysteria a maioribus conscripta perpetuo *Letheo* obscurentur, quod commemorare & si forte est refricare uulnus summi forte doloris tui, tamen id eo effici animo persuade tibi, ut recuperetur *Pallas* iniuria hostium de tuis ædibus distracta, atq; abducta. Interdum plus ualent monimenta scripta librorum, quam arcæ nummis refertæ. Vt enim animus corpori ancellit, uisq; ingenij corporis robori, ita animi diuitiæ præstant opibus fortunæ. In hac enim non expectata *Populi Romani* calamitate

Lucilli Phil. Epist.

tate, nec praeuisa quantum inter animi, & fortunæ bona intersit, plane potuisti pernoscere. Nam fortuna ab iniquis hostibus tibi adempta, sed animi diuitiæ a nullo eripi potuerunt. Quocunq; tecum contulisti. Quæ ob id sunt fortunæ putato tanq̃ instrumenta uicissitudinis, nec diliges nimium, ne amissis doleas. Magnum id fuit Epitæcti nostri e porticu stoicorum non digressi documentum. Quocirca ad suppellectilem librorum incumbere recuperandam, quibus uelut organis te conferas ad portum uoluptatis, & fælicitatis humanæ, Vnde item doctrinam haussisti causam imaginis tuæ apud mortales, & nominis sempiterni, Tua te uirtus, & scientia extulit in hæc honoris, & muneris celsitudinem. Tua præstantia in græcis, hebraicis, latinisq; literis te cunctæ Europæ reddidit illustrissimum, amplissimum, præclarissimū. Ego equidem pluris duxerim tuam rerum scientiā, quam opum amplitudinem, quod quidem a me uere, et ex animo scribi ex eo maxime cognosces, quia semper istuc ipsum factum Leonis X. max. Pont. ubi te cooptari in collegium Cardinalium, inq; illorum numerum uoluit referri, maxime probaui. Nam multos uel generis coniunctio, uel forte diuitiæ huc dignitatis adduxerunt, te autem sola doctrina euexit, Lætandum ob id tibi maxime puto, qui uiam angustam uirtutis, & perdifficilem tuo itinere aperuisti cum mercede, & gloria uirtutum tuarum. quod et si solent

Tomus primus. 40

solent plerique fortunæ tribuere, ego interdum ascribo prudentiæ & homini scienti foro uti, Quando & tu quidē in quotidiano sermone ex ore elabi hoc uerbū sinebas. Mūdus decipi uult, Decipiatur ergo, Qui nimo uita hominis est ludus sophistarum. Hodie una sola sapientia in præcio eēt, in foro bene uendere, Cæterum tibi gratulor perualde redeunti ad forum mercatus, ubi requies tibi, et ocium erit cum musis, et sacris literis operam nauaueris quo ad uoles. Expecto uel scheda certiolem fieri de tua ualetudine, de itineris prosperitate, atque de omni statu tuo, quem spero, & opto fore felicissimum. Hactenus tibi bene esse sine molestia ex his intellexi, qui istinc ad nos proficiscuntur, quiq; exosculati sunt tuas doctas manus, qui de te multa prædicant, & uidentur maximè salutem tibi percupere. omnia ferunt hactenus bene. posthac Deus atque Dii omnes cælestes tuum iter fortunent, & te mei memorem faciant uelim. Vale.
M D XXVII. Quintodecimo Kalen. Ottob.
E campo Nucerio.

LVCILL.

Lucilli Phil. Epist

LVCILL. PHILALTH.

artium, Medicineq;
professor.

GASPARO CONTARENO

primario Philosopho, & Theologo,
Græce, & Latine doctiss.



ET scripsi ad te dudum, & literarum tuarum
unas accepi perbreueis, tuoque more doctas,
atque suaueis, ad quas serius forte respondeo,
quam decuit, & quam forte expectabas, sed si cau-
sam tarditatis expetis declarari, nullam crede aliam
nisi quod putem te assidue occupationibus districtum.
Iccirco nollem his meis leuioribus tuas doctas aures
perstrepere, tuumque animum a grauioribus, & me-
lioribus negotijs auocare, in quibus quicquid otij su-
perest sepe soles ^{consumere}. Adde me non facile abundare ar-
gumentis, quoniam ad te scribere uirum nostræ æta-
tis doctissimum, summi iudicii, exactæ prudentiæ,
quem omnes hodie confitentur rei literariæ prima-
rium, non est cuiusuis, nec ⁱⁿ consulto. Et nosti tu in-
genioli mei tenuitatem, Quapropter quoties ad te co-
gito aliquid tabellario, aut amico literarum me da-

tu-

turum, multo ante mediter hypothesim oportet.
 Ac nisi tuæ literæ facundæ prudenter, comiterque
 scriptæ mihi suppetias aliquando darent, certe non
 haberem quid exarare possem. Euenit porro nescio
 quid mihi præ manibus, dum admiror in tuis literis
 scientiam, & copiam incredibilem, & cum insisto be-
 ne perpendens omnia singillatim, nihil emetior, nisi
 uenuste, ornate, eleganterq; scriptum, Nihil redun-
 dat, ut in meis quædam uidetur loquacitatis, aut ma-
 gis garriendi, nugandi; licentia, neq; deficit. Aeq;,
 dilucide omnia cum quadam sermonis grauitate con-
 scribis, & me cogis in doctrina tua diuinitatem, &
 in eloquentia maiestatem etiam admirari maximè,
 Dum iccirco meditor te imitari, quo nihil libentius,
 nihil alacrius facio (utinam possem) laboro ualde in
 legendis uerbis apte, & his, quæ cursim, succisuiq;
 boris (ut aiunt) a puero in summa fere semper ad-
 uersæ fortunæ tempestate arripui. Quibus fit, ut
 sim sæpe tardior in respondendo, quam æquum sit.
 Hæc de longo scribendi interuallo, deque causa tar-
 ditatis. Deinde audisti (ni fallor) quæ insignis, la-
 chrimabilisq; calamitas superioribus diebus Romæ
 incidit, & quæ iactura, quæ clades summo sit Pon-
 tifici illata, quæ Cardinalium Collegio, Senatui, Popu-
 loq; Romano strages. Aegidius homo Viterbiensis,
 & Cardinalis optime literatus istuc ad uos confugit,
 ad quem salutandum, cum istinc Patavium recreandi

F (ut

Lucilli Phil. Epist.

(ut opinor) animi causa uenisset cum Petro Bembo una profectus sum postridie, quò cum ego, & Bembus unam horam fuimus, multa; de accerbitate casus intelleximus, deq; accepto detrimento, ac de iactura librorum, quorum aliquot nobis recitauit magni momenti, usq; magni ad rem christianam confirmandam, Hos flere, aut dolere amissos magis uidebatur, quam quicquid argenti, aut nummi perdidisset, quem dolorem cum ipsi fando aut lenire, aut tollere studeremus, nihilominus eius uicem dolebamus. Ego uero præcipue illum hortabar bono esse animo, propterea quod eos spes erat redimendi paruo præcio, uel quanti posset, quamquam desperabat id uenturum opinatus omnia in tumultu, & præda periisse. Non poterat in spem adduci pro certo habens neminem fuisse qui in tanto metu, & fuga curam eorum tenuerit. Quod si aliqui ab Hebreis seruati casu, aut redempti sunt præcio, totum id fortuito accidisse credebat, sed tamen id non sperare se affirmabat. Bembus autem pollicitus se illi quotquot inuenisset libros de re sacra hebraice scriptos missurum, consolabatur interim operam dare uoletudini, ut recte se haberet, & firmior fieret, Nam illi erat pituita molesta cum febricula, qua leuatus Romam cogitabat se confestim reuersurum, ubi sibi melius fore arbitrabatur, At uero nos illum cohortabamur, ut rectius saluti, atq; quoad optime confirmaretur operam nauaret, nec se ante uellet dare uicæ, tamque longo

longo itinere, in quo uitæ inesset periculū utq; suæ me-
mor dignitatis, consilij, prudentiæ esset, ne repugnāte
ui morbi uideretur sese in discrimen iecisse moriendi,
Interea obsecrabatur, ut se contineret, donec leuare-
tur ægritudine, deinde uero esse in campo Nucerio
cælū clementiss. sciret, ubi simul animum recreare,
& uires corporis breui reficere poterit, præsertim
cum illac iter etiam sit Romam redeundi, itaq; mor-
bo liberatus nondū firmior ad aui mei uillā uenit, in
qua a nostris amicissime, & splendide receptus ali-
quot dies nobiscū moratus intra q̄ t̄pis spatium suas
asseruit uires, & pristinam artubus reconciliauit fir-
mitatem, Quæ ex eo ad te scripsi, q̄ si Venetias uene-
rit hominē tuo cōmodo literatiss. & digniss. Cardina-
lē reuistas, quo cum mihi fuit de tua doctrina insigni
longa oratio. Dum. n. ille Sebastianū Foscharenū in
philosophia maxime laudaret, & Nauagerium lega-
tum (ni fallor) ad Carol. Hisp. Regem in mitioribus
literis, & præcipue in carmine, non potui me conti-
nere, quin exilire in campū tuarū laudandarū uirtu-
tum, & disciplinarum maximarū, quas audiebat at-
tente, & magna sane cū uoluptate, affirmabatq; te
aliās nouisse, atq; reputauisse in literis præstantiss.
non solum peripatheticæ philosophiæ, sed etiam in
sacris, atque ciuem Rei publ. Venetæ primarium,
cui ego uerbum addidi forte nimium audacter, sed
tamen uere, hodie illum non habere rationem po-
litiorum literarū, & utriusq; philosophiæ, tam eius,

F y quam

Lucilli Phil. Epist.

quam utraque Grecia nobis peperit, quam illius a Christo de cœlo deuocatæ, nisi Contarenum nobilissime gentis, & uarijs doctrinarum generibus, perornatum nouisset. Deque commentarijs tuis honorificam mentionem feci, itaque in eius animum igniculum inieci te alloquendi, & mirifice diligendi. Icirco gratissimum erit, si politiorum literarum reuideris alumnum, Iocundissimum erit colloquium. Vt nam interesse possem, ne uerbum quidem periret, si quidem nisi graue, & auditu, memoriaq; dignum facere poteritis. Voces enim prudentum, & sapientum exaudiendæ, atque auscultandæ sunt. Hæc de Cardinali doctissimo, Reliquum ad literas tuas uenio officiosissime scriptas, in quibus uideo exemplaria uirtutum, archetypum benignitatis, & indicia tuæ de me susceptæ, confirmatæq; opinionis, Cumq; de tuo erga me animo, atque de studijs meis, deq; modo, & methodo studendi ad me rescripseris diligenter, diuidam omnem illam tuarum literarum significationē dupliciter, Et primum non est cur repetas me abs te plurimum diligi. Totum id pro certo habeo, & quotidie semper significantijs ex tuis erga me officijs adnimauerto, ob id in partem confero meæ fortunæ a te mirifice amari confisus integritate ita animi tui, ut sperem hunc tuum amorem aliquando mihi magno usui fore, & plurimum ad id ualiturum, qd animo concipio. Vir enim omnibus fere ornatus disciplinis,

Tomus primus. 43

nis, cuius optimus, patritius de tua patria optime meritus, in tua Rep. præpotens, in consilio habitus sapientior, in auctoritate maiorū quem cæteri intuentur, cuius præterea uerba auscultant, atque ex oraculo quasi intenti uoces excipiunt. Te omnes suscipiunt, Te colunt optimates, Te Senatus grauissimū Senatorem appellat, & Populus Venetus defensorem iusticiæ, amicum libertatis patrem patriæ inuulgat. Quæ quidem omnia perse magna uidentur, Sed illud maximum, atque diuinum sine inuidia ab omnibus amari & coli. Quibus facile adducor in eam sententiam, ut possis me tua auctoritate iuuare & patrimonio recuperando facere satis, in te omnis mea spes. Obdurui quoad tibi uideretur sumendum esse initium a petitione fundi, qui est in ditione Brixiensi, quo & si facio nihil inuitius, tamen aliquando faciendum est, ne tacitus, & immerito priuari heres uideatur. Verum non urgeo, nisi cum placebit, & tuo quidem cominodo, & quando uti bene foro noueris. Iccirco quo tibi commodius, id mihi gratius est. Confido bonitati tuæ incredibili, & nunquam satis laudatæ prudentiæ tuæ mihi fructuosæ. Non enim bonitas animi, & uoluntatis tuæ est, quæ te solum efficiat bonum, sed item benefica pluribus usui, adiumento, Prudentia uero uirtutum moderatrix, & norma actorum si cum iusticia coniuncta est, non sinit opprimi impotentes. Quoties igitur mihi subit

F ij in

Lucilli Phil. Epist.

in mentem te utraq; peditum esse cumulatissime
erigor ad spem recuperandi quæ testator reliquit fi-
lio, & qui potuit condere testamentum, & multo an-
te condiderat, & codicillorum beneficio confirma-
uit, Quod si codicilli a damnato læsæ Maiestatis ni-
hil conferunt, attamen testamentum ante perfectū,
& absolutum ius habet, quamq; inique accusatus, &
falso delatus non potuit nisi damnari iniuria, & nō
iure, presertim absens, & qui audiri non potuit, &
cui pena prius rogata, quam sententiā fuisset decla-
rata. Sed quid ego hæc tecum garrio, quia nosti tu
melius quid causæ queat conducere, quam ego istuc
ipsum deprecari? Proinde uelim tu tibi faceres uer-
ba, quæ tuam erga me gratitudinem ad id compelle-
rent, quod paucis tibi percipio esse persuasum. Dein-
de quia quædam sapienter de studendi ratione præci-
pis, ago tibi debitas gratias, atq; debebo semper. Hūc
quidem modum, & eam normam mihi præscripsi, &
colo magnopere. Nulla. n. dies dabitur sine Musis,
& sine Oratore, sed suis tamē præfinitis diei spatijs.
Grauiora rerum studia mane a prima luce. Ante
uero stomachus imbecillis nō patitur uigilias nec fert
laborem. Cum porro horizontem seu nostræ uidendi
aciei finitorem Apollo conscendit, his admoueo ma-
num, & a prandio post duas horas, cuiusmodi salutē
consulo, prouideoque morbo ne seuiat a cunabulis in-
festo mihi. Verum gaudeo te mihi persuadere, quo
sa luti

saluti prospiciā Mineruā sequar, quæ nō minuit ner-
uos, sed quæ moneat, ne quid nimis, quod quidem
facio memor Flauij, qui cecinit. Est quoddam pro-
dire tenus, si non datur ultra. Hæc certe recordor
& aliquando illud. Viue, uale, si quid nouisti re-
ctius istis. Attamen nequeo terere tempus, si ali-
quando pono libros, ut genio indulgeam, tum non oc-
currit ioci species, quæ me ualde delectet, nec possum
ferre uolubilem in ludo fortunam, cuius uim, iniu-
riam, odium quoties memoriæ mando, cum me ab
utero parentis fere inique bonis spoliarit, incommo-
dis omnibus complerit, non queo non grauitè, &
permolestè ferre. Quare statui non utendum mihi
foro fortunæ, quæ ceca peruersa, iniqua, totius cor-
ruptelæ origo, ac fons malorum est, Tum enim læ-
tatur, & uoluptatem capit, cum me ludere, uexa-
re, torquere potest suo modo, Quid ergo faceret,
ubi me in suo ludendi regno uersari cognosceret?
Non dubito, quin eluderet, & amissa pecunia in-
cenderet sanguinem, & præcordia, meque furore,
& ira compleret. Quare putauit melius fore, si pro-
cul abero ab imperio eius, & uirtutis uestigia obser-
uaro tempus omne, Hæc cogitata scio tibi proba-
ri, nescio autem quibus interponere commodis bonas
boras atque studia possim, nisi me admoneas di-
gerere quæ ingessi, & ingero, & interea feriari,
quod si admones, facis tu quidem sapienter.

F iij Sed

Lucilli Phil. Epist.

*Sed alget uenterculus, desideratq; plus forte, quam
queat concoquere. Vnde noui ingenij mei inbecilli-
tatem, nescio tamen quo fato syderum rapiar huc ar-
doris omne adolescentis ætatis tempus conficiendi
in ludo literarum, nec alio abduci patior. Quo de fa-
to, deq; sydere, ac horoscopo aliàs, nunc disruior
animi non esse mihi inculpatam corporis salutem con-
cessam, qua totos dies sane bene in ipsa literarum pa-
lestra consumere possem, Verum impediior nonnun-
quam, & quo tempore præsertim conficior, tabescoq;
cura, & ardore aliquid legendi. Sed si datum mihi
fuerit, ut ex hoc natiuo morbo me in libertatem sa-
lutis asserere queam, non intermittam ullum tempus
ludendi in hoc ludi genere. Magnum est assueuisse lu-
dere, a qua consuetudine naturæ germana abstrahi
non facile est, & maxime si cum oblectatione huic in-
tercedit coniunctio. Tu uero me mones, quia sum
monendus, ne amplecti cupiam, quæ diu retineri ne-
queunt, Hæc omnia iam pridem cognoui salutaria
præcepta, atq; aduerti ex penetralibus cordis profi-
cisci, tamen pro tua, quæ est clementissima natura
mibi ipsi consulere iubes. Faciam, & providebo ma-
xime, ut bene ludere discam, atq; iocari cum musis
sepissime. Vale. M D XXVII. Sexto
idus Augusti. Patauius.*

LV CILL.

Tomus primus. 45

LVCIL. PHILALTH.

Artium, Medicineq;
professor.

ALOYSIO IVSTINOPOLITANO
nepotum magistro.



QUAM te ualde semper beneficijs uincere
semperq; stipe annua augeri curauerim,
nemo te ipso teste melior, & maior. Nec
defuit tibi unquam studium meum, nec mea diligen-
tia, præsertim cum adnimauerterem quæ tu in rem
nostram familiarem quotidie magis efficere conaba-
ris, Qua de re etiam, atque etiam me recepi nunq;
tuæ sollicitudini, & tuis curis defuturum, neq; a pro-
missis hætenus defeci. Nam te eruditum cuiusmo-
di scis sine spe, sine opibus, sine ulla suppellectile te
domi suæ retinuit affinis meus existimans, si tua te
merita aliquando nostro generi conciliassent, non te
illi minus charum fore, quam liberos, attamen hæte-
nus æque nobis fuisti charissimus. Et ne nunc no-
stra erga te promerita, egregieque facta enumerem
unum te moneo amicissime, ne tibi desis, posteaquam
ipsi

Lucilli Phil. Epist.

ipsi etiam si pro te aliquid fundi profundere contig-
rit, tibi esse subsidio decreuimus, Ad me nuper de-
latum, quam istic adolescentulis habenas relaxaue-
ris. Nos quidem a te absumus, Dij tamen inter-
sunt, & præsunt, qui me hac de re fecerunt certio-
rem. Id credas uelim. Adolescens qualiscunque
sit, nisi cohibeatur, in præceps agitur, quoniam solo
sensu, libidineque mouetur. Attende obsecro ubi
es. Nimirum Venetijs, qua in urbe suapte natura
mirabili Sirenæ, Harpyæ, corrupti mores, societates in
fidæ, ludi sunt, ac quicquid pariter boni, & mali cum
quadam libertate in ciuitate libera porrigendi ma-
nus quocunque libuerit. Istic panspermia sunt om-
nium uitiorum & uirtutum. Ad quicq; latus uen-
ti. Quare cum in puppi sedeas, & tuis sint in ma-
nibus, gubernacula, prouidebis, ne in media fluctuum
tempestate demergas quicquid congeffisti ad speci-
men uirtutum, & emolumentum laboris. Compe-
scito prudenter, ne philodoni, sed philomathi fiant.
Ad hæc gerenda habes præcepta Isocratis suauis-
simi oratoris conscripta ad Demonicum, uel ad Ni-
coclem. Vtranque orationem legas uelim græce.
Sedebis enim in puppi longe instructior, & quo, &
qua nauigare noueris sine naufragio, cum peruidere
poteris, ne secus eueniat. Hæc scripsi non usque-
quaque diffusus uirtuti tuæ. Iampridem periculū
feci de animo, de probitate, de modestia tua. Illud
potius

Tomus primus. 46

potius cogitavi me his literis ad te facturū, ut altius in pectus descendat memoria administrandæ provinciæ, cui præfectus & summa cum laude, quamquam parenti, & mihi animus sit uos reuocare Vice tiā, & deinde insequenti anno uos simul mittere Pataviū, ubi Gymnasium disciplinis florentissimum, & percelebre omnium sermone, & uoce est. Tantisper da operam, ut æque tibi, ac tuo muneri satisfacias. Affinis meus ad me scripsit de omnibus rebus tuis. Commonefeci, ne desit. E me quanti decet, non quanti bibliopolæ æstimant. Solent sæpe pluris uendere. Iusto prætio ueneunt libri summa decem coronatorum, plus profundere non licet, quā quam persuaderem tibi emptionem istam differendā quoad Pataviū proficiscare. ibi erit hæc usui magis. Verum id uti charius tibi. Literas tuas expecto de omni statu uestro. Meo nomine Egnatio, & Fausto salutem dixeris. Ego ualeo ut soleo. Fac, ut cum uestra salute, & ualetudine tu, & adolescentes animo, & disciplinis ualeatis. Vale. Bononia.

M D XXVIII.

LVCILL.

Lucilli Phil. Epist.

LVCILL. PHILALTH.
artium, Medicinæq;
professor.

IOANNI MARIAE
nepoti suo.

EPISTOLA est a te mihi scite, & graui-
ter scripta non tua tamen manu, Vereor etiã
ne tuo quidem sensu. Vt cunq; ma te studio,
diligentiaq; & feceris hac grauiorem. Quod descri-
bis beneuolentiam auem in plumen sine rostro, &
nnguibus, phasma hoc tuum animo assequi non pos-
sum. Solus œdipus sphingem in Sophoclea Tragœ-
dia nouerat. Veruntamen experiar commentari,
quid ego de benenolentia sentiam. Erras hoc cœlo
nostro toto, si meam erga te beneuolentiam uolare
sine plumis putas. Nudus, & perspectus tibi sem-
per fuit meus in te animus, non nuda tamen uolun-
tas. Vtinam possem & amoris adiungere ampla be-
neficia, teq; augere patrimonio, ac cumulare ample
redditibus, nihil, nec tempus ullum prætermitterem
in hac industria, inque te amplificando sic, ut unde
quaque perfluere copia rerum, & Cræsus alter ui-
derere

Tomus primus. 47

derere, sed cum decem dotare oportuit, tuæque genitrici satis impendere large, nō remansit unde emūgere quis queat, nisi sanquinem exugere uelit. Quo circa non beneuolentiam, sed me implumen tuo penicillo depinxisti, ac sine rostro, & unguibus, quippe cum non sit, unde arripere, & uix reliquum ad tuendam uitam mediocriter, et sumptum suppetet. Quod si ignoras, nunc id primum a me discas uelim, atque intelligas patrimonium satis amplum tibi ad bene uiuendum, tuaq; interesse istuc ipsum adaugere opibus, & illustrare uirtutibus. Interim genitor tuus & ego omnem operam nauabimus, qua cum fratre tuo possis non solum bene, uerum etiam beate uiuere. Ob id uobis magistrum apprime doctum adiungi curauimus, nec defuimus hactenus uobis imperitiendo quicquid usui esse posset, & ad uestri generis laudem pertineret. Quod si studijs optimarum artium, & maximarum scientiarum animum applicueritis, per breui spero, & aueo fore unde locuples gloria redundabit. Hæc de tuo beneuolentiæ commento, in quo laudo ingenium, sed collaudare non possum nunc aliter, quam hoc librorum munusculo, & qualecunque sit, grato animo ad uos mittendum duxi, ut intelligatis quæ sint instrumenta opibus cumulandis idonea. Hæ animi opes ueræ sunt, quarum est firma, & sancta possessio nusquam, & nunquam uobis defutura, Aliæ uero in manu fortunæ facile perire

Lucilli Phil. Epist.

perire solent, aut ferre in media tempestate nau-
fragium, Sola uirtus iacturam non patitur, nec
uectigal soluit, & si parum inuidiæ subeat, cui mor-
bo mederi poteritis, si illud Terentianum observa-
ritis. Ut sine inuidia laudem inueniatis, & ami-
cos paretis. Sed ad comparandam amicitiam, &
retinendam nihil uirtute præpotentius. Amicos
qui uitio parat, eodem amittit. Virtus ita animos
conciliat, & iungit, ut discludere nec supremum
diei fatum possit. Nam & ab obitu superest iucun-
da amici recordatio, & sæpe illius repetita
laudes uigent. Quare bono animo hoc
munusculum recipietis tanquã
monimentum cohortatio-
nis meæ, et beneuo-
li erga uos
animi.

Reliquum la-
tine sæpe, græce
nonnunquam tempus tri-
ueritis. Sit græca lectio mera
accessio, illa uero latina pernecessaria.
Vale. M D XXVIII. Bononia.

LVCILL.

LVCILL. PHILALTH.
artium, Medicinæq;
professor.

ALBINO LVDIMAGISTRO
Brixienſi.

* * *
* *

EGO quæ uellem, omnia tibi maxime conducere arbitror, idque niſt tibi penitus perſuadeas, non eſt cur tua cauſa lōgius progrediar. Explorabis ab amicis, ſimulq; ab inimicis diligenter, an tuæ doctriinæ habita ſit ratio. Sed noſtro officio defuerunt iudices. Palma, & corona tibi per nos non deerit, ſed nuſquam tuta fides. Altercatio uſq; ad horam prandij. Suum quiſq; præferri cupiebat amicum. At uero ipſe tuum, Nondum aliquid decretum, cum erit, & tu id ſcies, ſed obſecro te, ut ſuſcipias curam, & cogitationem digniſſimam tuæ doctriinæ. Nam cum periculum facerent experirenturq; accerrime de diſciplina inter ſe illo die competitor, hic tuus familiaris exalruit primū, deinde metu pene percuſſus ne uerbū quidem recte fecit, quaſi totum illud certamen literarium ſomnium ſibi eſſet,

Quare

Lucilli Phil. Epist.

Quare sibi præcluserit aditum sperandi de hac conditione, Quo igitur modo illi proficere possim mea commendatione, cogites uelim, & quam primum rescribas, Cæterum a te postulo, quod debeo postulare maxime, ne in tuis ad me epistolis elucubreris tot amici laudes. Satis enim est a te laudabili, & laudatiss. uiro semel laudari, Dum enim cumulas tot encomia, iniuriam facis iudicio, & opinioni tuæ. Et sine laudationibus suscepissem negotium tuum, quippe qui te amo, & amore semper te prosequar, cuius etiã signa habes multa, De uigilijs meis in orationibus Demosthenis tibi assentior, Nec ante e manibus elabi permittam, quam opera castigatio in manus politorum prodeat. Non efficiam in consulto aliquid, nec confidam temeritati consilij mei. Adhibebo omne studium, curam, & diligentiam, ut lux eas potius desideret, quam euolent in uulgus sine iudice, et sententia. Romulus Amasæus, quo cum sæpe de mitioribus literis mihi sermo est uir in primis doctus, perspectus, tuique amantissimus bene sentit. Tu tamen amice facis cohortatus me ad id, quod faciendū est, Nondum autem uidisti, quod si uidisses. consultius etiam hortatus esses. Sed uideris. Interea cogita quid de tuo amico deliberandum sit, si audacter se gessisset in eo certamine de humanioribus literis, non conquiescerem autequam omnem amicorum authoritatem profudissem, quo ille conditionem

Tōmus primus. 49

& locum obtinuiſſet. ΒΕΛΤΩΙ ΕΙΩΘΑΝ, tibi ſilen-
tium uidetur. Vale. M D X V I I I.
Pridie non. Martij.

LVCILL. PHILALTH.
artium, Medicineq;
profefſor.

HIERONYMO FRACA-
ſtorio Veronenſi
Phyſico.

**
**

CVM ad Benaci ripam ueniſſem, & pridie
eius diei Veronæ in hoſpitio belle fuiſſem, ſo-
ciorum comitatu, & uoluntate properandi,
et perueniendi Bononiã non potui tantisper morari,
ut te inuiſerem, quem ardebam deſiderio uidere, &
alloqui Ob id remittendi ardoris cauſa exiſtimaui te
per literas alloqui, poſteaquã nō fuit facultas iſtuc
ad te ueniendi. Haſ ſcripſi Piſcheriæ ante cænã,
dumq; Carpiones bene magni piſces frigerentur.
O ſuaue genus piſcium, O beatum lacum, ſed de lau-
dibus huius nemo eſt mortalium, qui ſuauius te cane-
re poſſit, Mitto omne aliud genus. Hoc excellentiſs.

G gultu

Lucilli Phil. Epist.

gustu & optimum alimentum etiam aegrotantibus.
Magnæ nobis uoluptati fuit piscem cognoscere, &
comedisse, nec non mirum, quod alibi non capitur.
Est patrius piscis, & quasi gemma loci, Plus nomi-
nis, & famæ habet in reliqua Italia, quam ubi
oritur. Quid Trigla apud Romanos, & Ganeones,
aut nobile genus Scari? Hoc excellit omnibus, de
quo aliàs, nunc alia de re nunc primum a te institu-
ta scribendum cogitavi, quod audio abs te fabricari
homocentricos, & de his procudi opus bene doctum
ad explicationem eorum, quæ a mathematicis, &
ab Astronomis de syderibus & horum cursu adni-
maueri solent. Hæc noua, & subtiliter medi-
tata inquirunt plane testimonio subtilissimi ingenij
tui, de quo semper pollicitus sum mihi & alijs etiam
his maiora, & pollicebor semper qui preclare nostri
cõmentastologiae confutare. Et. n. cū Gaurico ho-
mini in his studijs præstantiss operã darem Patavij
aliquot dies, ut ex eo intelligerem hæc phænomena,
me ille implicuit excentricis, epicyclisq; ut uis animū
inuolutum explicarem, & adhuc tota eius commen-
tatio perobscura, & perdifficilis mihi uidetur ita, ut
etiam hæreat animus in salebris, nec certi aliquid
consequi potuerit. plane enim hæc putarim com-
menta Astrologorum, qui audent in re absolute
rotunda, qua nihil nec arte, nec natura rotun-
dus

Tomus primus. I 50

dius, affirmare salebras, atq; eminentes, & de-
 pressas spherarum partes. Nisi sint hæc homi-
 num cogitata mera phantasmata, non queo ani-
 mo concipere quid uelint, & tamen hisce trede-
 cim uolumina Ptolemæi Pelusiensis in editione
 magna redundant, in quibus omnem uim inge-
 nij, & industriæ posuit homo Aegyptius non mi-
 nus suetus fallere, quam falli, iccirco peripathe-
 tici, ac Stoici hoc genus fabulæ non admittunt,
 tametsi magna ars & subtilis est quæ sunt nobis
 perspicua, soleque illustriora posse ementitis ra-
 tionibus confirmare. Vbiq; enim gentium si qui
 suspexerint attente, atque conabuntur depreben-
 dere quæ cælestes cursus produnt, & ostendunt
 mortalibus, adinueniunt quæ celeritas tarditas
 errantium astrorum, & cum maiora, minoraque,
 ac tolli, demitti, necnon antecedere, subsequi, re-
 trocedere uidentur, ut taceam defectus Lunæ So-
 lisque labores, quarum rerum causas cum maiores
 indagare experirentur, unus post Aristillum, Ti-
 mocharem, Hipparcum emicuit Ptolemæus faci-
 le huius professionis princeps, qui partim aliorum,
 partim suis commentis exquisitius has ingeniosissi-
 me, & acutissime reddidit. Hæc nosti iam pridem. quæ
 cū sint mihi perualde suspecta, nec persuadere pos-
 sum, omnino aueo, & opto inuenire scriptorem, cui
 G. ii. fidem præ-

Lucilli Phil. Epist.

fidem præstare gestiam, Auidissime expecto tua
Homocentrica, Iam istiusmodi circumfertur per
ora uirum inscriptio, Eruet sane pergrata multis,
& mihi quam ualde, presertim cum Eudoxi Calip-
pi uetus Astronomia multū oblectet cum suis unius
centri orbibus. Vnum non sapit quod multitudo
frustra orbium, et quod omnia uisa nō declarat, neq;
enumerat cælestia. Hæc audiui item a Ludouico
Vitali hic Bononiæ homine in his per diligente, &
optime merito de hoc genere studiorum. Non me
hercle possum ferre dogma Astronomorum de excen-
tricis, quod tamen etiam Ludouicus defendit, si mu-
taret opinionem, esset mihi ualde gratum, sed huic
adhæret, atque Ostræa saxo, Vix euelli poterit,
quem crebro aggredior, inuado argumentis, tamen
deijci de sententia non sinit. Ma uult mori cum dog-
mate, quàm abduci. Ego permittam etiam perire
cum eo errore, ne uidear urgere insolentius. De
horologio, & scioterico instrumento cum scribis,
errasti in altero uerbo. Promisi, & me recepi mis-
surum ad te hemorologion de supputanda dierum
ratione, libellum sane fructuosum, cuius author
Ioannes Baptista Turrius habetur, & nescio quo fa-
to ab amico sæpe legente impetraui. qui etiam tui
peramās semper fuit homo acutus, permodestus,
ac bonæ frugi. Eius nomen, quia suppressi iubet,
non expsimam, Tantum scire licet, hunc ipsum de

te bene sentire, ob id mallet sua a te legi, & castiga-
ri in additionibus, quam à quouis altero, idq; à te quā
edatur opusculum, ne ab editione cogatur recanta-
re, quod sapienter meo iudicio facit, si cupis subodo-
rari hominis disciplinam, ad te illud quamprimum
afferri curabo. Tu uero uelim ad me crebro scribas
de uigilijs, studijsq; tuis. Equidem lætor nouis re-
bus, humaniter feceris, si aliquando cum amico cō-
municaueris, ut à te absente etiam aliquid discere ui-
dear. Vale. Bononia. M D XXXI. Idi-
bus Septemb.

LVCILL. PHILALTH.
artium, Medicinæq;
professor.

LAMPRIDIO DE VTRAQUE
lingua meritissimo.



CVM superioribus proximis diebus penderē
animi expectans habere certum uuncium,
qui ubi esses mihi indicaret, & quō tuto meas

G iiij ad

12 Lucilli Phil. Epist.

ad te literas nuncio darem, nullum reperiēbam.
 Nisi Bembus uir officiosissimus, ut tu e scis, nostrūq;
 amicissimus significasset, ad huc de tuo domicilio nil cō-
 perti esse. Incertis nuncijs ad nos afferebatur te
 modo Mantuæ esse, modo Venet. Vt porro compertū
 fuit, contri uo hæc ad te cogitavi perscribi oportere,
 qui cum per uetus esset mihi necessitudo studiorum,
 & pene a primis eruditionis meæ elementis familia-
 ris consuetudo. Et si non pauci mihi uenissent in-
 mentem, qui negotium suscepissent, tamen nemo re-
 spondebat occasionī æque, ac tu, de cuius benignitate,
 & humanitate possum mihi multa polliceri, & in
 cuius perpetua erga me beneuolentia dudum non mi-
 nimam spem consiliorum meorum posui. Atq; inge-
 nium tuum me mouit, & naturæ tuæ ratio ad hor-
 tata est, ut id audacter a te peterem, quod amicorum
 causa petendum sentio, Romulus Amasæus uir co-
 gnitus, & perspectus de mea erga te obseruantia
 certior nuper de conditione, quam in manibus habet
 laudabilem, & honorificam fecit, ut ad te quā ac-
 curatissime scriberem, Hanc si amas, & cupis, in
 tua præfigit potestate. Si uero apud te parum pon-
 deris habet, effice quæso, ne tuum in aliquo collau-
 dando uel officium diu, uel opera desideretur. Qui-
 cunq; tibi nimirum perfecti iuditiij, & ueteris ex-
 perientiae probabitur, nobis erit gratissimus, atq; ad
 obeuendum munus habitus aptior, Confidimus prebi-

tari

tari, integritati, prouinciæ tuæ, in qua administra-
tione nemo par, per pauci æquales tibi extant. Quem
in hac mitiorum literarum professione nobis com-
mendaueris, huic manda, ut quamprimum ad nos
euolet Bononiam, Deq; impensis, & sumptu in
ipso itinere nulla sit illi cura, Erit enim uel ad obo-
lum prouisum, uel omnino satis factum. Hoc onus
impositum est procuratori. Conditio est quotannis
in summa ccc. coronatorum cum uictu eius, & ser-
ui quotidiano, atq; cubiculo, Sponderet Amasæus
huic & alia commoda, Sed putat non necesse. Vi-
derit. Quo ad officium tuum, hoc ipso sperat nobi-
lissimo, & prudentissimo Cardinalis satis se factu-
rum, cum hic, & in omni prope Bononiensi, Fer-
rariensiq; agro nondum nactus sit idoneum, quem
bonæ, politioresq; literæ aluerint, quem usus per-
poliuerit, & iudicium castigarit, Itaq; ad officinam
tuam concursum est, in qua forte habes quem incus
procuderit, Itaq; tuæ prudentiæ id commissum sit,
solum a te petimus expediri quo primo tempore po-
teris & significari per literas tuas nobis. Incre-
puit (nescio) qui rumor apud nos de Ioanne-
Bernardo Feliciano perhonorifice quidem. Vide
ne recuset, & uehementer id gratum feceris no-
bis. Cæterum uidebor forte tibi audacior, qui tan-
tum uigilantiæ tuæ onus constitui imponendum.

G. iij. Veru

Lucilli Phil. Epist.

Verum fuit necesse obsequi homini de me merito.
Et tu aliquando mihi mandabis, qui mandata tua
exequar diligenter. Virtus tua fecit te dignum hoc
negocio, in quo inseruires amplissimi Cardinalis vo-
luntati, & liber esses in suscipienda conditione, si li-
buisset, Te ob id oratum uolo, ut æquum id facias,
quod amice duxi faciendum. Etenim tute scis quàm
uetus sit internus uel notitia, uel mutua beneuolen-
tia, & quandiu egregiam, & mirificam doctrinam
tuam magnifecerim, & suspexerim, Quapropter
confido quod nuper effeci, te in bonam partem ac-
cepturum, cum sit ea lex amicorum æque sibi, atq;
amico bene omnia uelle, & tibi præcipue, qui elegos
uersus ad me miseris græce editos, quibus non dul-
cior Musa, ne quidem ex Helicone, uel Parnaso un-
quàm ad me as confluxit manus. Quoties ob id ex-
osculor carmen tua Lyra dignissimum, toties animi
tuum, tuas Musas uideor exosculari, unde magnam
cæpi uoluptatem, atque admirationem odæ suauis-
simæ, cui nil addi censeo posse. Ecquid de disticho?
Verum Italia non curabit incidi in sepulcri marmo-
re, quod hodie perpauci græcorum dialectum norunt,
& qui didicerunt non amant hoc epitaphij genus tã
quam non aptum uulgo, & auræ populari, de quo sæ-
pe cum Romulo. Reliquum quàm maxime uellem
ob tuam incredibilem doctrinam, & singularem in-
dustriam tibi Dij immortales fecissent unde satis, &
ocia

ocia dedissent ad bene philosophandum cum musis, sed quoniam agellus non alit, amice hortarer, animū ut adhiberes alicui istorum beatorum, qui quo tui similes, opibus, amore prosequerentur, abundant fortuna. Hodie uirtus nuda squalet, & ante fores potentum plorat misera, & implorat subsidium. Quæso fac amici consulto tibi iter ad aliquam conditionē aut aperi angustam tibi semitā ad aliquam dignitatē, non quo affluas. Scio enim te paucis contentum, sed potius ne desideres quæ ad istam tuam philosophiam mihi uidentur pernecessaria. Quid si **Ar**arius cecinisset. O philosophi quærite pecuniam primum? Vix profecto magnam obtinet ad usum uiuendi, quem qui spernit, nullius est prudentiæ, ne dicam humanitatis. Et enim his diebus aut in phædro, aut in Phædone Platonis adnotaui Socraticā ecstasim, & illam meditationem mortis a philosophia petendam, ad quam subeundā senex cum esset paratissimus, suos auditores debuit cohortari ad illud philosophandi, uel bene moriendi genus, in quo mens a sensibus longe abducitur, & seposita, atque disclusa omnino uiuit uitam diuinitus, Quoad tamen uixit Socrates cum Xantippe, non potuit mori eiusmodi, propterea quod res familiaris summo est impedimento. Quare mi amicissime Lampridi interdum collige teipsum, introspice in hæc tempora, & hominū mores, tum erit tibi maxime probatum amicorum consi-

82 Lucilli Phil. Epist.

consilium. Ego medius fidius, & ita me bene Dij
ament, ut ex animo, & peramanter hæc ad te exa-
raui existimans consilium, si hoc indiges tibi fore uti-
lissimum. Non possum non te amare mirifice, non
admirari ingenium, non suspicere doctrinam tuam
admirabilem, non salutare tuam probitatem, tua stu-
dia, & cum potui non a limine. Enitent in te, quæ
non me solum, uerum etiam quoscunque, modo his
sit aliquis doctrinæ, & meritorum tuorum gustus,
& sensus ad amandum eliciunt inducunt, & com-
pellunt. Ne uiuam, si a primis quasi mutuæ nostræ
notitiæ cunabulis nō cæperim mirum in modum tua
præstanti scientia affici, atque expressum uultus tui
effigiem obseruare memoriter, atque animi imaginē
tui colere, quam ingenioli mei acies inspiciebat, qui-
bus uolo tibi persuauissimum esse id a me sine fūco
uerborum, & fallacijs adulationis plurimum diligi.
Postremo quod certo scio reciprocari amorem, non
patiar tibi diu de discessu a Patauio meo consilium
occultum esse. Reliqui illud tota in Europa celebre
Gymnasium, totque lectissimos uiros non mea uolun-
tate, sed sociorum consuetudine, qui me penē coegis-
sent sæpissime digladiari, & frustra tempus conre-
rere. Non est mihi quidē beneuola, nec proficit illa
Mercurij cum Marte coniunctio, Nempe illi quies,
huic rumor. Perbeati illi, qui in læua librum, &
in dextra manu arma gerunt simul. Ego ingenue
fateor

fateor me non esse ex eo numero beatorum. Alter
utrum aut ponere, aut deponere necesse est. Cau-
sam igitur habes discessus, quamquam animus non
discessit. Vale. M D XXXIII.
Kalen. Octob.

LVCILL. PHILALTH.
Artium, Medicinæq;
professor.

EGNATIO DOCTISS.

NON patiar diu abs te requiri officium me-
um. Elapso die debitori præfinito iussi huic
rationem inire. Subterfugiebat nebulo
iste. Quoniam autem res non est magni ponderis,
nisi deludi iniquo animo feras, non curavi alio age-
re modo, quam conveniri illum coram iudice. Ci-
tatus iccirco uerit in iudicium, & fassus est debitum
nescire tamen quantum certo soluere debeat. Nisi
impensæ detrahantur, non habet quid de ratiuncu-
la certi. Antequam iccirco discederet à iudicio
in summam congeessimus quicquid deberet, qui
quamuis minus se recipiat habuisse, tamen quo-
niam tu id non admodum magnifacis, sed po-
tius.

Lucilli Phil. Epist.

tius doles te deceptum ab homine nequam, & quoti-
die ludibrio pene læsum iri, simulavi, dedique nu-
merum conuenire, modo satisfaceret. Dilationem
postulabat, nec in iudicio negari potuit ob evidentē
inopiam, modo soluēdo staret. Sponsorem autem uel
uadem non inuenit, iccirco detrudi in carcerem iu-
dex uoluit, ut tuæ personæ, & debito consultum esset
ac nebuloni exemplo, ne dehinc aliquem, nedum tam
graues personas eludat. Admodum pauper, & huic
uere paupertas est onus, quam inopiam, mendicita-
temq; malim appellari cum Chremilo in Pluto Ari-
stophanæo sororem paupertatis misserimam a mor-
te horribilem. Viuit hic in diem. Habet liberos. Do-
mi nihil. nec pene est ubi cum filiis, & coniuge decū-
bat. Satis iccirco arbitror factum, ut saltem sciat, quā-
cum sibi fuit agendum, & meminerit decepisse uirū,
si tibi uidetur id, quamprimū rescribi iubeas uelim,
Neq; diu detineri potest in custodia. Confitetur ma-
le fecisse. Nihil habet, nisi filios, & hos libentissime
impertiret alteri, quos caritas annonæ, & pauper-
tas alere non potest. Ecquid plura, ipsa miseria est
Me quidem miseret quoties audio filios ante carce-
ris ostium ab eo petere panem. Quare oro te mirum
in modum, uel me ut uoces debitorem, uel iubeas illū
tum carcere liberari, & alterutrum quamprimum.
Ego etiam has dedi tabellario literas tibi statim red-
dendas. Interim mea quadra ille uiuet cum pueris
suis.

Tomus primus. 55

suis . Cæterum diu est ; quod ad me nihil de tuo statu , de salute , de studijs allatum est . Aloysius Iustinopolitanus frequens auditor tui crebro de te aliquid , aut cum scribit , semper in eius literis mentionem facit , Abs te uero perraro aliquid accipio literarum , Nolim imiteris Pythagoram samium , qui raro Locrensibus sui copiam faciebat . Mos iste obsoleuit . Et iure , quod nos non sumus nobis nati . Est cum licet se abdere , atq; silere , est item cum se exhibere amicis , si præsentibus sint , & si absentes reddere sæpe certiores de rebus suis , ut communicasse uideamur . Quare nisi crebro curabis ad me aliquid literarum afferri , te meis laceſsam ; ne nostra consuetudo ignauia , aut potius inertia elanguescat . Vale . Bononia . M D XXVIII .

LVCILL.

22 Lucilli Phil. Epist.

LVCILL. PHILALTH.
artium, Medicinæq;
professor.

FRANCISCO SAVIONO
legum perito.

* * *
* * *

AD extremum epistolæ tuæ, quam a te proxime accepi, primum respondebo, quod in philosophos adnimaueitis, quasi immemor uerbi in primo pandectarum, seu de digestis libro, capiteque de iusticia, & iure hæc obliuioni mandaueris (ni fallor) philosophiam non simulatam affectantes. Quid nam iureconsultus, & si hodie admodum barbare, & sine delectu dicendi, & uenustate sermonis Gymnasia tantam disciplinam, tamque uiuentibus ciuilitate necessariam exercent, nisi eam philosophandi partem profitseatur, quæ ad bene, beateque uiuendi rationem pertinet? In hac qui primi elaborassent studio, diligentia, cura, philosophi appellabantur, Iupiter, Rhadamanthus, Minos, Licurgus, Solon, Pythagoras, Socrates,
Ari-

Aristippus, Stoici, & septem illæ de legibus, de-
que moribus sectæ. In hac, quod tu te scis, & a
me audisti centies dici Plato, & Aristoteles suda-
runt, & reliquerunt pesteritati monimenta, Non
omnia extant Aristotelæa. Non libri de iusticia
quatuor, de Rep. duo De regio, & imperio duo. De
Rep. Platonis libri duo, De legibus Platonis libri
tres, De iustis, & se purgandi modo quatuor. To-
tidem legum, & uiginti octo de rerum ciuiliū di-
sciplina, quæ incuria heredum huius Philosophi
facile peripatheticorū principis rei literariæ amissa
iacturam intulerunt, & detrimentum fecerunt ma-
xime. Hæc si in tuas uenirent manus, legum peri-
tia facile uidebere auctus, tametsi e legibus Platonis
cognosces, an sit philosophiæ munus de hac doctrina
differere? Equidem tua pace dixerim quod Tullius
in oratione pro L. Murena addidit istius modi. Itaq;
si mihi homini uehementer ocrupato stomachum mo-
ueritis, triduo me iuriconsultum esse profitebor, sed
illud asseruabo, nihil esse in istis tuis codicibus legum,
quod in libris ciuiliū, ethicorumq; Aristotelis, atq;
in Dialogis Platonis de Rep. de legibus non an-
te per scriptum reperies, Macte, & tu inter-
dum studio librorum nostræ philosophiæ, nec tam
pertinax in hac uoce eris. Frigent philosopho-
rum leges, quod sine imperij Iussu, & consu-
le uersantur in manibus Hominum eruditorum.

Quoniam

32 Lucilli Phil. Epist.

Quoniam si nostræ frigent, & tuæ algent nisi fundamenta a nostra de moribus disciplina petatur. Atque reuera rigent, quoties nihil conferunt uel lucri, uel usus professoribus, id tamen commune est cum cæteris disciplinis, quæ non pariunt uel fortunam, uel gloriam, attamen sapientie septem Græciæ temporibus habebatur turpis, & abiecta illa professio, nec non sophistica & mechanica procul dubio, unde homo quæstum, & lucrum facere sibi proposuisset, Solum quidē celebrabatur illa nobilis, cui nulla stips quotannis, nullum stipendium, ne honorarium quidem, sed dumtaxat honoris & gloriæ premium fuisset constitutum, & præscriptum. Non uidebatur illis priscis beatis nobilitas posse cum munere mercenario consistere, nunc uero secius multo. Sed temporibus illis hanc floruisse opinionem si cupis scire, facile erues ex annalium uetustate, atque ex dialogis Platonis, cum Socrates ludit sophistas, Gorgiam, Protagoram Hippiam, qui omnem possessionem in quæstum contulissent, non ergo nobilis iudicabatur disciplina, quæ sereret quæstum & meteret lucrum, nec causa nobilitatis pendet e lucro, neque leges a nostris conscriptæ diligenter sine Deo Principi, & consilio naturæ in lucem exierunt. Hinc quanto Deus cunctis antecellit, & natura superior, tanto leges nostræ tuis præferri deberent, attamen & nostras de manibus philosophiæ tanquàm de manu Herculis

nu Herculis clauan extorquere ausi sunt nonnulli,
 & asserere se in iudicijs, in controuersijs, inq; omni
 administrandi genere, quæ ab illis gesta si tanq; phi-
 losophi attigerunt, & pergunt etiam, atque etiam
 persequi, nulla plane est, nisi de umbra controuersia,
 & pugna, contra si tu usq; eo scientiæ nostræ inquā
 rerum optimarum, & maximarum aduersari cupis,
 ut à disciplina ciuili se pares philosophiam, crede mi-
 hi te atque malæ fidei, sineq; titulo, & iure possesso-
 rem perinde de hac tua opinione deiiciendum esse,
 Verum non possum adduci, quin iure consultos existi-
 mem profiteri philosophiam non simulatam, non ca-
 uillosam, non quam Gymnosophistæ, non quam qui
 olla, & pallio, aut qui de nebulis, & fumo philosopha-
 ri uoluerunt. Horum enim mentio est in nebulis
 Aristophanis comici poetæ. Quare amico hortan-
 te, quo cum tibi uetus, & magna amicitia est, & qui
 tibi omnia studia, & officia pro nostra necessitudine
 debuisse confitetur, ac se præstiturum recipit desine
 uniuersum spernere, & partem eius laudibus extol-
 lere. Tu enim contempsisti philosophiam, & tuam
 legalem disciplinam extulisti, cum pars non queat
 aliqua illustri laude celebrari, quin & in totam re-
 dundet. Ac uide, ne tibi quis ignorantiae famam
 inurat, si quidem nomen philosophiæ proficitur sa-
 pientiam, quæ sane quidem in numerū suum omnes
 eruditiones, & disciplinas aggregat, iccirco illi nemo

H scite

Lucilli Phil. Epist.

scite, & prudenter maledicere potest, quam omnis
laus occupauit, nisi conuicio maledicentis notari non
cures, cum alioqui turpissimum sit in Gymnasio bo-
narum artium, & maximarum scientiarum uersa-
ri de aliquo male merito, & precipue de philosophia,
qua nec melius, nec maius donum humano generi
Dij immortales dederunt. Quæso icoirco, ne more
Tyronum, aut imperitæ multitudinis te geras, qui
quo suam artem excellere alijs ostentent, cæteras ui-
tuperant, Hodie & quidam minuti, plebei; publici
professores, qui potius longo usu, ut Psitacus Vale,
aliorum uerba referre didicerunt, quam suo ingenio,
& industria ueram doctrinam consequi, incusant,
artes liberales, & damnant in Gymnasijs publicis,
propterea quod ipsi ignorant, quasi Arithmetica,
Astronomia, Musica sint fabulæ, nec homine sapiēte
dignæ, attamen hos male de uirtutibus, deq; cōmuni
usu meritos publica stipendia alunt sophistas, cauil-
losos, ineptos balbos, & barbaros nomini, professio-
niq; linguæ latinæ, politioribusq; literis insensos, de
quibus non nunc plura, uenio ad legale encomium
tuum, q̄, me summa uoluptate affecit, non solum q̄
esset opus mei amāti, eiusq; qui a me unice diligitur
uerumetiam quod uere laudas non satis unquā lau-
datam legum scientiā, in qua extollenda merito lau-
dibus ad cælum usq; tu in locos communes incidisti
argumentorum, quos nescio, si dialecticen non didi-
cisti

Tomus primus. 58

cisti quem admodum cumulaueris, Cognoui ob id acre ingenium tuum, & solertiam incredibilem, quamq; mihi persuadeo te dialecticum esse, & ideo a præceptis, & institutis huius philosophiæ nō adhorrere. Nam a principe Deo legum conditore, a natura ministra, ab imperatore, seu nuntio, a consule Senatu quasi promulgatore, ab usu, necessitate, commodo, & fine tot argumenta depromi curasti, quæ omnia, quia breuiter, dilucideq; comprehendisti, fecisti tu quidem gratum mihi, & sapienter, atq; eo gratius, quod nihil in epistola prætermissa illa philosophiæ uituperatione scripsisti non lectu dignum, non eleganter, non facunde, quo iure ad me bellam epistolam, & perpolitam dedisti, quam quidem per pauci iure consulti horum temporum perfecissent, Vnum annotaui, de quo tibi nihil obligarim, neq; sentiam me debiturū qd de me admodū philosophāte spē concepisti præterq; quod totum despero fore, Me enim noui, & utinā pernoscerem, sed quantum cognoui, non eum me sentio, quē tua gratia suo penicillo depingit. Hanc semper magni aestimaui, & tuæ humanitatis partes, Deniq; rogas cum fuerit otij a me tibi dari aliquid literarum, Vt scias, nunq; otij, sed tamen aliquot bonas horas præscribo obsequijs, atq; officijs amicorū. Hoc uetus est mihi institutum, non fraudabo consuetudinē meam. Vale mi amantiss. & optatiss. Sauione.

MDXXVIII. pridie. Non Feb. Bononia.

H ij LVCIL.

Lucilli Phil. Epist.

LVCILL. PHILALTH.
artium, Medicineq;
professor.

MARCO ANTONIO
Flaminio.



ELEGANTISSIMÆ literæ tuæ
perpolita manu scriptæ animum erga me tuū
præsetulerunt, indices cogitationum tuarum
& ardoris tui, quo flagras me Romæ uidere, ut cre
bro colloqui possemus, de quo ualde te amo, et eo plus,
q̃ mei memoriam in corde firmo incisam retines tā
to a te interuallo disiuncti. Est quidem, quod non
ignoras memoria facultas animi, qui incidere, scul
pere, pingere, atq; infundere nouit, & in tabella cor
dis pingit, in marmore sculpit, in metallo incidit, ne
de his artibus plura, ego sane altius mei imaginem in
corde tuo duxerim sculptam, quod tam longe absen
tis meministi, & ab eo die, quo una fuimus Veronæ
cum optimo bonarum literarum Alumno Io. Math.
Giberto Episcopo Ciuitatis prudentissimo, & officio
siss. uiro, & de libro undecimo metaphysicorū in lō
gum

Tomus primus. 59

gum produximus sermonem. Cum porro diu id eue-
 nerit, plane putabam initam illam beneuolentiae ra-
 tionem abs te obliuioni mandatam, sed cum uideam
 retentam, & reuocari, incitariq; rursus ad illud mu-
 tuis officijs certandi genus, nescio quid non tribuam
 tuae benignitati, & humanitati. Cūq; certe prior te
 ad id idē allicere debuissē, nescio qua frōte possim, et
 qua arte inhumanitatis meae aut tegere, aut excusa-
 re errorem, Tu uero, qui mei exemplum memoriter
 tandiu retinuisti, rogo obsecroq; , subuenias reo, &
 patrocinium utcunq; suscipias facti, q̄ quia te factu-
 rum confido. (Non. n. solum centum stadijs es uir
 optimus Graeciae, ut Aristophanes aliquando in ne-
 bulis commentus est, sed plane multorum in Italia)
 non deprecabor ueniam, sed posthac resarciam obli-
 uionis tempus crebrioribus uel literis ad te, uel nun-
 cijs, n.odo hēc mea assiduitas tibi aliōqui semp occu-
 patifs. nō afferrat fastidij, aliqd aut satietatis. Interī
 gaudeo tibi bene esse, & iccirco bene, quia fruerē
 ocio literarum tuo modo, & ad satietatem, & eo ma-
 gis gaudendum, quia hoc gaudes, neq; in isto theatro
 omnium fere populorum anhelas, nec cogitas semi-
 tam ad gradū ambitionis, nec ad cumulatiores opes,
 Viuis Deo opt. max. Viuis uirtutibus, et Musis in tua
 officina, quae cudit et procudit semper aliquod carmē
 et aliquid soluta oratione praeclarum. Cæterū grata
 est mihi uehementer memoria mei tua, quam ut con-

H iij serues

Lucilli Phil. Epist.

serues perpetuo uelim, posthac efficiam ne pro rei
causa agas in iudicio & presertim pro tali causa, in
qua erubescere oportet, cum officio amicitiae desu-
mus. Vale. Bononia Kalen. Nouemb.

LVCILL. PHILALTH.

artium, Medicinæq;
professor.

ALBINO LVDIMAGISTRO.

QUOD mihi honore tuo nihil est antiquius,
non tuli amicum nostrum denuo in mediā
descendere arenā, nec attingere illū puluerē
pereruditum, quem competitores noui longe doctio-
res superioribus calcare contendebant. Qua de re
nouum dolum machinari ceptum est, ut omnis pote-
stas diligendi ad Romulum Amasceum fuisset trans-
lata, quod ægre, & iniquo animo tulerunt consules
loci, sed tamen non potuit nostrum desiderium com-
pleri. Idcirco dubitanti mihi, ne nostrum consilium
deprehenderetur, mutandum fuit. Itaq; prouisum
est amico tuo alia ratione, de quo existimo per literas
eius te factum certiozem, sed id item illi designatum
munus est, quoad felicior occasio euenerit. Reputa
nos

Tomus primus. 60

nos non defuturos, atq; omnem rationem habituros honestandi amici, quo usi sumus ualde familiariter in nostro cōtubernio. Est profecto uir optimus, & cuiusmodi mihi descripsisti, sed timet, & parum habet audaciæ. Gaudeo te esse in ea opinione apud Gōzagam Card. ampliss. qui te pro rethore urbis statuatur designare. Sed gratulor multo magis ipsi optimo Cardinali, q̄ in eam curam incumbat, ut bene doctis rethoribus inuentus in politioribus artium studiis excrceatur. Abundas tu quidem melioribus disciplinis & flores optimis moribus cum uitæ illustri & perspecta probitate. Quibus adductus ille princeps dignissimus de te cogitauit sicut sane cogitandum erat, proinde ad me primū scripseris quid tibi hac de re acciderit, & si mea opera tibi aliquid in hoc negotio præstare potest, omnem me præstiturū, atq; adhibiturum impense certo decernas uelim. Sed si ocij habes aliquid, & cum habueris item uberiores literas tuas expectabo. Vale. Bononia. M D XXXIII. Tertio Idus Maij.

H iij

LVCIL.

LVCILLI

PHILALTHAEI

Primi Tomi

LIBER SECVNDVS EPISTOLAR.

LVCILL. PHILALTH.

Artium, Medicinæq;
professor.

Lazaro Bonamico.



VBITO fere istinc dis-
cessu meo dolui nulla
alia quidem de causa, ni
si quod reliquerim collo-
quia tua deliciarū mea-
rum. Cum enim inge-
nii pene defessas vires ī
ista philosophia, inq; illo
mibi sumpto græca la-
tine exprimendi onere uidissem, ad tuas doctas vo-
ces accurrebam domum, modo tibi aliquid otii esset,
isticq;

Lucilli Phil. Epist.

istcq; tecum, ne etiam huius temporis mihi fieret iactura, flores legebam doctrinae tuae incredibilis. Disputabatur saepe de rebus diuersis, hisq; grauissimis in omni quadripertita philosophia eatenus, ut non abhorrerent a more philosophandi nostro, in quibus quidem ea erat nobis concessa libertas hac inter nos lege constituta, ut quoties collibuisse alterutrum sustinere in aliam nobisliceret diuitiarum, & colloquiorum partem diuertere. Iccirco & tuas Musas, & tuam presertim Rethoricen tibi, quo nostrae aetatis oratore non cogitabam quicquam diuinius obijcere consueueram tum primas Aristoteli, tum contra Ciceroni dandas esse, ac Quintiliano notam inurendam esse addebam de illo genere declamandi, atq; cum caepisset id consilij, oratorem uidelicet cum sua disciplina parere perfectum, hanc facere aborsum coegisse, non quia oratores multi, perfecti nulli, sed quoniam dediscere uiderentur, qui eius praecipitis solum steterissent, Multa ob id de Hermogenis editione, de AEschine, de Demosthene de Xenophonte, de Isocrate, de Marco Tullio summis quidem oratoribus sermo incidebat, & plerunq; de his in utranq; partem disputabatur non maledicendi causa. (Absit haec maledicentia pedagogorum, & nescientium professio) sed potius terendi ocij causa in his, quae nostrum praecipue eblectauissent animum

num, & pulcherrime tractarentur ad intelligentiam cudendæ, & perpoliendæ orationis. quo in studio maxime uersabatur laborum tuorum fructus, uigiliarum perpetua laus, & famæ maiestas ad extrema pene Europæ orarum delata. Quid de illa tua de poetis Græcis censura plane illustri, quam tamen ipse, qui neq; Musis satis, neq; ingenio admodum possum asserebam de industria multis difficultatibus obstructam, & controuersiis implicitam, & cum poteram, te argumentis onerabam interdum forte ad fastidium, quo e tuo ore promerem, quæ doctis maxime probarentur. Perfacile recordeor quot memoriter narrare solebas, & quæ interpretari mihi pro tua, quæ est humanitas, & modestia non grauabare. Tum attente omnia domi tuæ, quoniam non æquæ me, ac in comædia nebulæ poetæ Aristophanis Socrates Strepsiadem rudem instituit erudire, ut quoties a me percontabar aliqua, respondebam ad rem, nec admirabar, si in Geometria saltum pulicis emetiri audebas, aut strepitum cicadæ ex ore, uel altera parte effici asserebas, & contendebas cimicibus esse intestina, aut in Astrologia Lunæ cursus circino, uel planisperio non astralabio, aut meteroscopio more Thaletis, qui delapsus in foueam suspensa dioptra carpebatur ab ancilla ostendere conabar

Lucilli Phil. Epist.

conabar, aut ignire supputationem in Arithmetica, aut cantorum artem profiteri, hæc ex te tanquā ex oratore cognoscebam, qui arte nouisset hæc mihi persuadere, uerum te prouocabam ad differendum sæpe subtilius. Itaq; fruebar ea consuetudine suauissime, & obseruabam officium amicissimi interea, & doctissimi uiri non sine magna animi uoluptate, & tum maxime, cum admodum laudibus efferebam commentarios Auerhoidis, quos omnino laudari æquo animo non ferebas propter sæpe deprauatos locos atq; corruptos, quos tanq; amendis debuissent redimere in decoram, & sanam lectionem uendicantes, qui tantos progressus in eo genere philosophandi fecissent. Non enim acusabas hominis subtilitatem in differendo, sed perfidiam in defendendo quæ alijs paradoxata putabant, atq; mutilata, & corrupta in contextu authoris, necnon redundantia, parerga. Quo circa & ipse cogebatur in suis commentarijs homo Cordubensis Hispaniæ Beticæ ingeniosus nullius religionis, sed hostis nostræ natus in ea provincia antequam christiano imperio subijceretur, & nomine istiusmodi insigneretur sæpissime pendere frustra uerba, & examinare ea, quæ nunquam Aristoteles cogitauisset, in quibus legendis qui elaborāt plane oleum, & operam perdunt. Iccirco rursus quasi ab orco instaurandos hos commentarios esse decernebas, & traducendos in conspectum eruditorū, quæ

Tomus secundus. 63

quæ cum tu uere, & prudenter sentiebas, tamen te
argumentis laceſſebam, ut id etiam, atq; etiam confir-
mares, quod placebat iudicium, & ſententia, ceu axio-
ma, & proleptis maxime eruditis in philoſophia.
Hoc iudicium aſſeueravi ſemper tuum fuiſſe ubique
eruditorum, & plane affirmabo ſemper, quamquàm
maleuoli, pertinaces hæc a me dici putant, quod Græ-
corum ſtudia plurimi uideor facere, & quosdam iam
auſus ſum latine conuertere, qua in opinione non ui-
dent hi ueri quicquam. Si græce norunt, in mani-
bus ſumant diligenter loca, & uerba numerent, atq;
appendant, nec non conferant cum ipſo contextu
Ariſtoteleo in commentarijs huius interpretis, &
plane deprehenderint ubi ſuperent uerba, ubi defi-
ciant, quæ ille infarciat, quæ permutet, quæ tranſfe-
rat, quibus ſenſa delumbet, obſcuret, mutilet. Vtinã
hæc uitia in eo non fuiſſent, cæteroquin ipſe lauda-
uiſſem uiri operam perpetuo, Nec detertere lecto-
rem ab illius commentatione ſtatui, aut decreui his
ſane uerbis, quippe cum in ea eatenus bonas horas
conteram, ut obſeruem quæ bene recipienda, quæ itẽ
uitanda ueniunt, quod & alios diligenter facere mo-
nerem modo inculcata uerba, externa, peregrina ab-
oleant, antiquent, & deſecta reſarciant, ementitaq;
caſtigent, Verum ſunt nonnulli perperam institu-
ti, atq; inducti qui cum audiunt aliqua in ſcriptore
menda, totum damnent, & lectionem aſpernẽtur,
quod

Lucilli Phil. Epist.

quod nemini suaderem faciendum, qui ueræ, solidæq; disciplinæ gnarus uideri uellet, aliter non fuisset ullus author lectitandus, nullus sumendus in manibus, nisi alioqui diuinus, & qui nullam in labem incidere posset, At uero si homo est, non potest non abesse ab aliqua nota propius. Maleuoli uel inuidia, uel maligna perse natura est aliqua & interdum perpauca adnotare aduerso ungue non autem collaudare fructuosa, & ornamenta laborum, sed de illo odio inueterato, & animi tabe, ac de maledicentia aliâs, nunc de meo dolore, deq; causa dolendi hætenus, post hac ratio fuit discedendi nationum contentio, cuius nâ causa non liberos, sed arma in manibus cogebat continere, in quibus non solum impendebat uitæ discrimen, exilium, sed etiam iactura temporis, quod mehercle fraudassem. Nam studiorum causa, non decertandi cipatione istuc ueneram. Itaq; si his consulendum fuit, & ardori meo prouidendum, decedere, atq; digredi oportuit, in quo sane digressu, & sæliciter quidam animus ab amicis, a tuis dulcissimis, & doctissimis colloquijs non potuit recedere, Etiam acies ingenij mei te intuetur, tuamq; admirabilem, & perpolitam doctrinam admiratur. Etiam mentis uis non circumscripta locis ubi est, tuisq; differendi congressibus fruitur. Etiam memoria te in suo scriniolo fidenter seruat, atq; sic obinet, ut nulla unquam temporis

ris diuturnitas nulla posteritatis obliuio possit eripere, Quod si tecum quo ad corporis conditionem corā de multis in uario artium genere disputare non queo familiariter pene, & diligenter, tamen id faciam per literas interdum, & cum uacat, modo & tu respondere possis non occupatus maioribus negotijs. Hunc quidem ad modum nō permittam tuo in pectore, tuis in præcordijs igniculos me amandi tabescere, Escam subiiciam ardori, ut conseruetur flamma beneuolentissimi, amantissimiq; erga me animi tui, quæ perire non potest. Et fuere qui suo acutissimo ingenio ignē perpetuum sine ulla extinctione, & noua, recentiq; esca tueri conati sunt. Sequar horum dogma etiam si poterō, sin aliter, adhibebo escam igni, & amor tuo. Nam & Vulcanus summi ingenij faber in sua officina aculeos ferreos sagittarum cudit amor, qui aureos uiros Ispnelum, & Aitem coegit amorem reciprocare, ut scis in Idyllio Theocriti duodocimo, ne nunc de symposio Platonis ad te perscribam, & duo decim amoris miracula mea lyra tibi canam qui flagras amore uirtutis, & uibras illius hastas quocunq; Iandudum defixisti in corde admirationem doctrinæ tuæ, eloquentiæ, gratiæ probitatis morū, quæ ornamenta personæ tuæ mandanda sunt sane literis non quasi solum tui monimenta, uerū etiam tanq; exempla posteris imitanda, de quibus aliās, nunc de sorte, quæ obtrigit mihi in hoc discessu hæc uelim accipias,
Est

Lucilli Phil. Epist.

Est mihi cepta cum Romulo Amasæo consuetudo utilis, & laudabilis græce, quod non ignoras, & latine doctissimo, De te persepe mentio fit honorifica. Vtrique certamus fere in teipso laudando. Quibus coniecturis adducor in eam opinionem, ut de te bene sentiat, Hoc decernerem tibi uideri gratissimum oportere, laudari a doctis. Spero domum huius breui fore officinam politorum ingeniorum, quæ & si hætenus fuit semper literatorum, tamen nunc quidem cum delectu eiusmodi, de quo per literas quicquid erit faciam, ut scias, Quæso mandes, si mea opera tibi usui esse contigerit, atque persuadeas rogo me neminem in te observando, & colendo plane ardentiozem.

Vale.

M D XXIX. duodec. Kal. Noue.

Bononia.

LVCILL.

LVCILL. PHILALTH.

Artium, Medicineq;
professor.

BOLOVACENSI IVRIS-

perito, & græce latineq;

doctissimo.

** *

O MI Ioannes Belouacensis uerreor, ne ue-
teris nostræ consuetudinis postea uidelicet
quam factus sum absens, oblitus sis. Nihil
adhuc a te mihi literarum datum est, nihil allatum,
nec uoce alicui me salutatu uenire iussisti. Hæc sunt
magna obliuionis tuæ indicia, & non perpetuæ be-
neuolentiæ erga me tuæ. Nisi excusas hoc tuum si-
lentiū mea subita, & tacita istinc profectione, qua-
te hæteuus latuerit me abijisse, Verum hæc excu-
satio apud me parum ponderis habet, quoniam soles
diuertere sæpe ad domum, seu domicilium nostrum,
in quo ubi me non inuenisti, facile suspicari de meo
discessu poteras. Quamquàm item responderes tibi
non fuisse perspectum, quò me applicuerim, Ne igi-
tur ulla sit posthac excusatio, mecum animo consti-
tui tibi significandū istis meis, & mea manu scriptis

I literis

70 Lucilli Phil. Epist. I

literis me Bononiæ esse, An bene sim, & cum meo
commodo, ethymologia quidem nominis plane indi-
cat. Bononia enim ut dicas bona omnia me iudice ti-
bi tam præclara, & nobilissima ciuitas, si huc uene-
ris testis erit. Cœlum aliquanto subtilius, & cœno-
tria nostra alumna uinorum hic fere plurimum exal-
bescit. Et ater Bâchus est magna ex parte melle
dulcor, raro pungit, & austerus. Mihi nec palato,
nec temperamento amica sunt dulcia uina. Annona
mediocris, Honestâ cum ciue, & populo consuetudo
Publici professores optimi in utroque iuris, & artiũ
Gymnasio. Quid quaris? Diŷ penates cuncti bene.
Raro itur ad arma, in mera libertate, ut est etiam in
medio urbis uexillorũ ele mentis inscripta, nulla præ-
cipue data studiosis iuuenibus digladiandi. Quare
fruar ocio ista discendi, & græca latine uertendi sua-
rissime, & sine stimulo cum alio decertandi, Quare
te hortor amice, & pro necessitudine studiorum, quæ
internos intercedit, ut cogites ad nos de itinere, Quæ
paulo supra ad te scripsi, clara quidem et testata sunt
si porro bonitas tua, atque solertia responderit hor-
tationi meæ, & opinioni, quam semper habui de te
gaudebo, & te uenturum quamprimum ad nos ex-
pectabo. Est item mihi in animo cohortari alios
amicos, & præsertim Louaniensem istiusmodi fe-
re ad iter suscipiendum, qui ubi uelint humaniter,
prudenter, amabiliter perpendere, cur hæc illis si-
gni-

Liber secundus. 66

gnificentur, quisque se facilem profecto praebebit cohortationi. Ego dubio procul uestrum cuique bene euenire opto, nisi ob id uobis hanc ad nos profectiorem profuturam existimarem, & belle, iocundeque fore, ne uerbum scripsissem quidem. Accedit hic, quoniam mallem uos quietam, & honorificam in Gymnasio uitam, quam sollicitam, seditionosam, plenamque periculi degere, meas partes esse facile intellexi, ut per meas literas cohortatos hic uenire uos impellerem, quas tradideris legendas Louanienti, & si nudius quintus dedi ad illum epistolam longiorem, functusque sum amici officio. Cæterum tibi penitus persuadebis me non habere amiciorum in Italia, quinetiam nusquam, & nunquam alium, quod tamen uultu tibi, ac corde, opere, diligentia reputo iandudum fuisse perspectum. Helionoram Iuuenem septuaginta annorum, & FAVstinam Lusitiosam, distortæ buccæ & barbaram quæso meo nomine dissuauiere, & completare, En caue, ne premas complexum. Vna enim appellauit ad iudicembis, & ter ad Principem, Erat sibi magnalis, & magnus libellus cum morbo Gallico uereor, ne adhuc sub delegato lis sit, Altera autem uix genibus flexis inuocat lignū sanctum, & ueneratur, necnon cum nostro Fracastorio Medico, & Poeta excellen. canit.

I I C I I

I ij

Salus

Lucilli Phil. Epist.

Salua magna Deum manibus sata semine sacro
Pulchra comis, spectata nouis uirtutibus arbor
Spes hominum, externi decus, & noua gloria mundi.
Atque rogo, & obsecro te mirum in modum, ut
semel ad cenam hanc FAVstinam accersas, cui iu-
bebis canere hos uersus. Nihil quidem illa bucca
& cantu faestiuus, Semel praerisu. (Aderat
tum etiam in prandio Petrus Aretinus homo, quem
nosti in eo sale, & ioci genere pereruditus) sensi
precordia diuelli, Quoties mihi illa imago uultus,
subit in mentem, illa buccae concinnitas, illa uox ca-
nora, illa oculorum contentio, non possum non risu
perfluere, etiam cum scribebam, uix cohibere uim ri-
dendi potui, sed ubi iocatus fueris, defiges tu omne
cogitationem, & mentem in ipsa ad nos profectio-
ne, Et apud nos ioci, & sales. Vale. Quinto Cal.
Nouemb. Bononia.

LVCIL.

LVCILL. PHILALTH.
artium, Medicinæq;
professor.

LEONICO PHILOSOPHO
primario græce latineque
doctissimo.



ET si existimo te aliquando incidisse in admirationem absentiae meae, cum te sæpe inuisere consueuerim, atq; in domo tua disputare præsertim de rebus, quæ ad philosophiam de natura pertinerent, tamen ab eo die, quo die istinc profectus sum, cæpi mecum animo constituere tibi scribendum esse, atque delendam admirationem ex animo tuo erga me gratissimo, Iandudum mearum apud te quærelarum summam nosti. Non potuissem quicquam proficere, si in ea turba, & tumultu, quem nationes ciebant mihi manendum statuissem. Qua-

I iij re

22 Lucilli Phil. Epist. T

re consulto hinc Bononiam me recepi sperans animi
 quiete nullam temporis iacturam me facturum, nec
 fraudaturum uel fatum, uel genium, qui me ad iter
 disciplinæ capeSSendæ direxit, atque in ea uoluntate
 semper ad id ætatis continuit. In hoc tamen disces-
 su unum me sollicitabat, & fere angebat reliquisse
 colloquia doctissimorum hominum, in quorum es al-
 bo scriptus fere primus, precipueque in philosophia
 peripathetica habitus es hac nostra ætate doctior,
 de qua sæpe erat inter nos sermo dum mihi my-
 steria, abditasque naturæ causas explicabas magno-
 pere in commentarijs Aristotelicis tractatas, ic-
 circo memor tuæ doctrinæ, nostræ consuetudinis,
 tuorum erga me meritorum ægre discedebam, a te
 sene optimo uitæ integerrimæ, & animi sinceri, quē
 ut cumulaSti disciplinis rerum optimarum, & maxi-
 marum, ita perornasti, & illustrasti humanis, atque
 heroicis uirtutibus, quibus fama tui nominis perua-
 ghat, & ad oras Europæ extremas transmitti-
 tur. Ut certe hæc tua corporis in senectute pul-
 chritudo admirabilis cernitur, ita animi candor,
 ac maiestas coniectura deprehenditur. Cum enim
 corpus (ut est in cratilo Platonis) sit quasi gre-
 cæ non soma, sed signum, plane illud etiam fatentur
 Platonici pulchritudinem corporis esse inditiū eius,
 q̄ est in animo, itaq; enitet probitas, magnitudo, uir-
 tus

Liber Secundus. I 68

tus, excellentia usque eo personæ tuæ, ut nemo non uideat, nemo non loquatur. Quid dicam de ista tua senectute, quæ uel morbus, uel grauis hominibus uideri solet. tibi autem decus, & ornamentum, & memoria antea actæ uitæ, ac studiorum tuorum longa, & diuturna recordatio? Est certe iocundum recordari se uixisse diu, sed bene uixisse, atque beate nihil felicius. Et tu ad id ætatis tuæ uixisti, & beate cumulatus quidem præclarissimis uirtutum imaginibus cum suo item meritissimo præconio. Equidē accidere nonnunquam solet optimis uiris, atque doctissimis illud, non celebrari uoce, & sermone, ac laude hominum, sed de te, deque commentarijs tuis, de singlari scientia rerum, & usu sermo iam pridem increbruit, atque percrebrescet indies, & uberior, ac fufius in altera luce post obitum, & forum presens inuidentium. Est quidem pene insita quædam inuidia homini alienæ felicitatis presertim uiuentis, Ob id lætandum tibi est, quia in uita honores amplissimos adeptus es, & à morte præclara monimenta studiorum tuorum iam literis mandata, iam memoriæ prodita posteritatem omnium seculorum memorem continebunt dignitatis, & famæ tuæ amplissimæ. Verum de his, cum plus ocij, nunc redibo ad discessum meum cuius causam, & consilium exposui tibi uerissime, Dolori aut meo, I. iiij quia

Lucilli Phil. Epist.

De hoc su-
per pag. 4.

quia Lazari Bonamici, tuiq; & Zimaræ, ac ami-
corum consuetudine careo sic mederi statui, ut loco
uestrum delegerim Romulum Amasæum, Ludoui-
cum Buccæ Ferreæ, alios item bonarum, & poli-
tiorum literarum alumnos, cum quibus partim in
philosophia, & partim in arte dicendi, & Musis
aliquot horas absumo præcipue cum eos uacuos a
munere, & a negotiis queo reperire, Hic ager al-
tius fundit, & suauissimos fructus profert. Hæc
officina cudit semper aliquid nobis auditoribus egre-
gium, Hæc consuetudo iam bonis auspicijs instituta
proficit quotidie melius, de cuius prouentibus faciã
te quam sæpissime certiores, modo & tuo commo-
do ipse tu de omni statu, tuo, prospera q; uoletudine,
de studijs tuis officium reciproces scribendi, quando
nil dulcius, & charius mihi, quam te ~~omni~~ per literas
alloqui, nec quicquàm gratius fore tibi deditissimo uni
mihi fore existimabis, quam simbola, & signa ani-
mi erga me tui ad me sæpius dare, De Philoponi
commentarijs & tu quæso feceris uerbum cum Lo-
uanienti amico utriusq; nostrum, ne perire sinat me
as eius generis uigilias, quas si recuperabis, feceris
tu quidem mihi gratissimum, presertim si censebis
edendas in lucem, Malim ego tuo stare iudicio, quã
cuiusuis huius temporis uiri. Tu unus pro omni-
bus uideris mihi optimus censor, summi Iudicij, &
plenus eruditionis, Verum in hac tua censura per-
cupio

Tomus secundus. 69

supio potius uere, quam blande corrigi nostra, si qua in parte deficiunt. Nam nunquam quicquam mihi, meoq; animo charius fore existimabis. Adhuc integrum est posse sane quidem per purgari mendis, quibus æquum est, & maxime opportunum liberare tua optima censura. Nam iam pridem constitui nihil in uulgus a me permitti exire nisi consulto doctissimorum hominum non recedens a precepto Platonis in libris de Rep. quando hic quidem plane decreuerit edendū nihil antequam iudices uiderint, & deliberarint publicandum, esse, Verum perlegere omne operis uolumen tibi summo tædio quia existimo fore, satis putarim, si aliquot paginas legeris, & olfeceris quid præstiterim. Non defuit uoluntas, sed uis ingenij, & doctrinæ, proinde emetiare uelim ardorem saltem perficiendi, si non potui consequi studio, & diligentia quantum desiderat pereruditorum congressus, postremo si animus est homo utens corpore, ut est in Alcibiade Platonis, ubi animus, nimirum & homo, nulla ob id inter nos intercedit locorum intercapedo. Te amplector, te uideo, tuas doctas uoces auribus excipio, ausculto, defigo oculos in illam uenustatem oris tui, in specimen, & maiestatem dissferendi, nihil tandem est, quod non uidere uidear, quoties recordor ueteris consuetudinis nostræ. & pene familiaritatis, dum ad domum tuam tanquam ad officinam sapientiæ ego & perpolitiores iuuentutis

Lucilli Phil. Epist.

tutis confluebamus, Floruit hæc tua officina quoad
istic fueram, puto etiam florere, iccirco pene deside-
rio conficior ex literis tuis cognoscere quem in modū
sit frequens congressus eruditorum, atque de omni
euentu rerum tuarum, Quapropter exosculabor
tuas quamprimū accepero suauissimas literas. Vale.
M D XXX. De mense octobri. Bononia.

LVCILL. PHILALTH.
artium, Medicinæq;
professor.

IOANNI BAPTISTAE
Opizoni Ticinensi phisico
doctissimo

PERTIMVI semper mihi suspicanti nullum
esse meo morbo remedium, nunc autem non
uerendum, nolim, uelim hoc durum ægritudinis
genus patienter ferre cogar. Secunda illa tua re-
media, atque presentia mihi fore putabam perinde,
atque scripsisti. Nihil enim de hypochondrio uere,
cum etiam infestet supra, atque infra, Tum quidem
oculos, buccam, aures, tum suram, fæmora, pedes.
Non est in corpore denique locus præter cor, quem
hic morbus non laceffiuerit iniuria, mobilissimus, &
nusquam certam sibi sedem præscribens, nisi in toto
pe-

pene corpore. Illud incredibile quasi effingi pro cap-
 tru loci auram, uel flatum istiusmodi, Si enim ab-
 domen, a ut uentrem obsidet, amplissimus est. Am-
 pliorem occupat regionem, tumque me quatit mira-
 biliter, nisiq; resisterem præsertim cum urgeat cer-
 tis Lunæ schematibus, paruo negotio deciderem, si
 uero alias corporis partes inuaserit calidior, gelidior
 fit uti loca sunt, quæ transmittit, Quapropter mihi
 persuasi dandam esse operam Hippocrati Medicorū
 facile principi, ut inquiratur, ne sit in tanto autbore
 locus, qui morbo istiusmodi consulat, quando quidem
 hætenus nihil ad molestiam tollendam contulere ad-
 hibita remedia, Tantum enim abesse, ut illud ad atrū
 humorem pertineat in hypocondro, ut nihil uideatur
 alienum magis ab hoc genere morbi, De aura illa
 pueri grammatici, eiusq;, qui scribendi manus assi-
 due exercebat mentio est in libris Galeni de locis af-
 fectis, Verum inter hanc, & illam multum inte-
 rest. Qui mihi sumere bieram Galeni picram persua-
 dent, æque quidem persuadent, atque uenenum fere,
 aut mihi ipsi inferre manus, Nihil buic morbo hor-
 ribilius, Ne quidem fert illam uulgatam seplasio-
 rum. Qua de re Bononiæ adij Hispani Medici pu-
 blice profitentis phronesim, & consilium obsecrans
 ut prospiciat morbo, quo cognito & perspecto ex mul-
 tis pcoctationib. cepit admirari, & asseuerauit, nisi
 tabescat aura, et deficiat tps diuturnitate, nō ēē ma-
 gnā

Lucilli Phil. Epist.

gnā spē ponendā in redimenda Salute, sed providen-
dum omnino, ne increbrescat, & uebementius affli-
gat. Ab utero contractum hoc morbi genus cen-
set; aut uitio obstetricis dum ex uterinis me separa-
bat, & umbilicum componebat. Incuria enim eius
forte commissum fuisse putabat, ut aura concludere-
tur, de quo decreto, & consilio nescio quid sentiam.
Vnum illud mihi constat, affici male. Vnde uero, la-
tet, & perdifficile cognitu est, atq; grauius eo, quod
me hortatur studiorum prouinciam relinquere, nihil
q; facere inuita Minerua. Ego uero malim omne m-
neruum, omnem spiritum amittere, quam abduci ab
hac prouincia, aut deduci de ocio literario mihi sum-
mæ oblectationis, & infinitæ prope uoluptatis.
Nam a puero me hoc Gymnasiij genere assuefeci, &
sciendi ardore, cuius spē quidem uiuo, & pene con-
ficior desiderio innato disciplinas consequendi, quo
item sustentor. Si quidem per id tempus, quo uer-
sor in legendo aliquo probato authore, nihil de hoc
peruerso morbo cogito, nec afficior. Quoties contra
cogito, & defigo mentem in eo, tanto quidem accer-
bius me angit, quanto altius defigo cogitationem.
Itaq; leuor potius assiduitate, legendi, quam premor.
Quid tu ergo de isto morbi genere? Vbi nam librorū
ue l'annalium offendisti tam grauem, & duram no-
xam? Vbi item Hipp. Galenus, AEtius, Oribasius,
AEgineta? Vbi Auicenna, Auerhois, & reliqui ex
officina

Tomus secundus. ⁷¹ 69

officina medicorum de hoc genere monumentum reliquerunt? Quare legendis Hippocratis commentarijs dabo operam omnino, & si quid offendero, tecum libentissime communicabo. Perraro simile accidit. Sed tamen despero succurri posse. inueterauit nimium & fixit callum, atq; obduxit. Quamquam adhuc fuit confidendum, tamen misit altius radices cecitas, de qua non scripsero plura, sed conuertar ad ea studia, quibus nunc rem Medicam illustrare conaris, Prope diem lux expectat commentarios Galeni graecos & tua manu, tuaque opera correctos, Andreas Asulanus non se solum, uerumetiam tota medicorum collegia tibi ob eas lucubrationes debere fatetur, quippe qui manca, mutila saepe loca absoluiisti, & reformasti tantum opus ad usum salutis humanae non mediocriter necessarium. Nam sine Galeni doctrina mortalium nemo rite, recteque mederi, artemque excellentem, & diuinam profiteri potest, quod quia perspectum, non experiar id probare diligentius Erit & tempus, atq; occasio, & locus aptior ad haec confirmanda. Caeterum haec scripsi ante lucem, quod bene mane amicus meus hinc discessurus erat, atq; quicquid possum, tibi tuaeque humanitati polliceor, & tra-
do. Vale. Bononia. MDXXXI. tertio idus April.

LVCIL .

Lucilli Phil. Epist.

LVCILL. PHILALTH,
artium, Medicineq;
professor.

PETRO BEMBO ORNA-
tissimo uiro.

*

HVI quamdiu filet nostra consuetudo mutuo
scribendi? Cum ad uillam fundi Patauini
tuam uenissem confecto sermone de re lite-
raria, deque eius ætatis politioribus hominibus redi-
turus Patauium tuis uerbis admonitus fui, ut sæpe
aliquid ad te literarum darem etiam de rebus mini-
mis, ne intermitteretur illud amicitiae perueteris in-
ter nos officium. Respondi tum tibi more gerendum,
& obsequendum esse. Verum habita personæ ra-
tione de grauioribus esse scribendum dixi. Quan-
quam mea pusilla, & leuia semper mihi uideri solent,
tua tamen grauisima, & lectissima existimantur,
quandoquidem de pectore tuo non queas nisi magna
& admirabilia promere. Mirificam autem mihi
in ipso discedendi momento hoc uerbo dedisti uolu-
ptatē, me uelle memorem esse eius, a quo amarer
unice

Liber secundus. 72

anice. Dulce quidem uerbum amoris, ubi cor consentiat. Cum Homero, Porticuque Stoicorum Chrysippi. Zenonis, & Peripathetico cuncta in corde loco, nec rationem in capite, iram subter præcordia, & in corde, cupiditatem uero in Iocinere separo. Cor domicilium summum facultatum, in quo incidi altius monumentum uirtutum tuarum, tuorumque erga me meritorum, in quod quoties intueor, quod sæpe facio quidem, non possum non esse & tui memor, & tui studiosus, & maxime cum in te perspicio unde omnino, & semper ab omnibus probis, eruditisque diligere debes. Non percurram nunc tuas laudes, tua promerita. Cui enim tu amicus, huic semper sincere, cui faues, omnino fauorem sentiat studes, De quo bene, & honorifice, de eodem uere sentis. Integre, ingenue, libere, & pro uiribus tuis omnia. Quare te amo plurimum, & obseruo maxime, nec deficiam in obseruando homine, qui me plurimi semper fecit, utque spero facturus est. Ex omnibus enim rebus, quas mihi colere, & admirari delegi hisce presertim temporibus nulla est tam sancta, tam insignis, quam uirtus tua, Existimes ob id uelim a me amari uerissime. Utinam mihi tantum facultatis esset exprimendi quo flagrem ardore uirtutum tuarum. Nam id tibi fuisset euidentissimum, Quoniam non possum, aut nescio uerbis id consequi, fac igitur tu tibi uerba, qui cecinisti mirabiliter
sæpe

Lucilli Phil. Epist.

Sæpe regnum amoris cum latine, rum etiam uernaculo uerbo, tametsi uaria sit amoris natura, nec unus & idem amor sit uenus, & amicitia, nec idem uirtutis, & pulchritudinis corporatæ desiderium, uel cupidus. quippe cum hæc fluxa res sit. Virtus per se æterna, beataq; habetur. Verum de utroq; amoris genere in conuiuio platonis, nunc diu est, quod ego Petri Bembi ornamenta colo, diligo omniq; honore, obseruantia prosequor, cuius ut tu indies auges causam, ita ipse etiam, atq; etiam obseruo arctius, & diligentius te uirum omni laude cumulatissimum. Ecquem uirum? Quem inquam Indus, & Atlas minor, & maior norunt, Lucent iam ubiq; gentium amplissimæ uirtutes tuæ. Nemo mortalium has non suspicit, non colit, de quibus hætenus. Reliquum increbuit unde nescio rumor te paucis post diebus Romam reuersurum, quod si cogitas, quæso significes mihi. Cupio te nobiscum hic Bononiæ esse. Veruntamen non possum adduci, ut de Roma cogites, quoniam uulgi fama expectat summum Pontificem, & Cesarem uenturum utrunq; Bononiam, quo de aduentu legi epistolam grandem, quam scripsit proxime his diebus Farnesius Cardin. ad Pyrrum Maluicium mei amicissimum, & ciuem primarium. Quocirca te Bononiæ fore speramus qui profitemur poliorum literarum genus, de Corona, & triumpho Caroli quinti Hispaniarum Regis Imperatorio non scribam,

Liber secundus. 73

scribam, nisi quod uulgatissimum est. Celebrabitur Bononiæ. Quotidie increbrescit sermo hac de re. Quæ digna historia tua erit descripta magnopere. Hæc scripsi tamen si certo sciueram hæc tibi præclara. Et scripsi ieiune, incondite. Idcirco ne nauseam tuo delicato stomacho moueant perualde uereor. Quapropter peto a te rescindi has meas literas & quasque; quas posthac ad te pferri curabo, cum e manu huius adolescentis ætatis nihil promiqueat perpoliti, aut bene iudicati. Exemplar tamen seruabo domi, & custodiam quoad perpoliam rude ingenium meum & stilum ornabo uirtute, & maiestate scribendi. Id plurimum ualiturum spero ad proficiendum quotidie magis. Non enim iudicium sine usu perfici potest, nec eruditum ingenium sine arte, neque doceri sine studio, & uigilijs, Vt enim ab unguiculis, & cunabulis infans asufescit cibo uiuere altricis quoad dentes miserit, ita animus in primis nudus disciplina gradatim conscendit, & meliora capessit. Non enim corpori illabatur animus eruditus, & doctus, iandiu explosa est illa Pindari cantilena, qui cecinit nihil aliud esse disciplinam, quam reminisci rerum, quas animus obliuioni mandauit delapsus in corpus, quod dogma in Memnone Platonis recitatur, & habetur ob id Platonium contra quã uidelicet in Philebo de summo bono, & in Timæo de natura, quibus in locis origo disciplinæ noua in

R animis

Lucilli Phil. Epist. I

animis traditur. Qua de controuersia cum philoso-
phis differendum est, nunc uero tecum familiariter,
& amice agam, ingenueq; fatebor commentum me-
rum de disciplina, quæ memoria, & recordatione
recuperetur, Ratio nostra expers omnis eruditionis
ita nobis principio indita est a natura, ut inter infan-
tem, & belluam parum intersit, Quinimo solertior,
& firmior interdum procreatur belluæ conditio:
Itaq; studio, cura, diligentia perdiscenda est ars di-
cendi, & scribendi ornate, & eleganter, Hinc quoti-
die studeo limare orationem, & numerose scribere tã
græcæ; quam latine diligentissime, De tua porro li-
ma cupio scire, Equidem imitari non desisterem, si
modum limandi orationē indicaueris, hoc tibi debebo
semper, tibiq; uni referam acceptum. Nam præ-
cepta artis oratoricæ quotidie in manibus habeo, nec
unquam depono, nisi cum uersor in libris garriëtium
philosophorum, qui male suum principem sequi uidē-
tur, cum enim sumunt in manibus Dialecticē, &
Rethoricē, ex utraque quidem arte omnem exa-
ctam dicendi rationem cognoscere possunt, Quine-
tiam obseruare illam cum platonice, tum Aristote-
licæ orationis maiestatem, At uero quo ineptius &
impolitius scribunt, et loquuntur, eo arbitrantur hoc
seculo uideri doctiores, Insigne, & notabile uitium,
de quo alias, nunc quo tibi sit perspecta ratio studio-
rum meorum, & mihi consilium afferre possis in hoc
mee

Liber secundus. 74

meo progressu ante meridianū tempus omne cōsumo
in Dialectica, et Rethorica simul. hucq; refero Her-
mogenem. Aristotelem Dialogos Platonis, ubi ma-
xime disputatio est de his liberalibus studiis, atq; ope-
ra ciceronis addo, mox admoueo philosophiæ manū,
si tempus est mihi ante prandium concessum, a quo
totum illud pomeridianum partior in perlegendis
Medicinæ libris, et authoribus, quos probatos habet
cum uero uacat Gymnasium a publico munere profi-
tendi hos dies poetis græcis tam comedię, quam tra-
gedię Aristophani, Sophocli, Euripidi, atq; Hesio-
do Homero, Pindaro, latinisque operam nauo, Sed
confero latinos cum Grecis, Hosq; lego a prandio.
ante uero, oratores, quos scis, De quibus ad te memi-
ni scriptum. Rescribi placuit, ut ex tuo sensu educe-
rem quid ad hunc meū ardorē adiumento esse posset.
Gratissimū feceris, et nulla unq; obliuione delendum,
si me inueris, & dū per anfractus, et inuia loca erro,
me reduxeris ad cōpendiū, confido intelligētiae tuæ,
iudicio, & cōsilio, quoniā te ars docuit, imitatio auxit,
usus perfecit in hoc genere scriptionū. Quod si auda-
cter id cōtēdo a te cōsequi, haud tibi mirū. Et. n. uetu-
stas amicitiae, et tua sūma erga me beneuolētia iam a
pueritia pene p̄specta dedit audere mihi, sicut tua do-
ctrina limatissima, et p̄polita fecit, ut ad tuū consiliū
confugerē, cæterum suppudet te pluribus obsecrare,
Mea enim in te fides uetat id impetrare multis. Ex-

K 4 pecto

Lucilli Phil. Epist.

pecto responsum, Idq; tuo commodo conscripseris.
Non urgeo, si occupatus es grauioribus, De tua ual-
etudine, deq; studijs tuis aueo maxime nuncium,
uel literas tuas. Vale. MDXXVIII. Kalen.
Octob.

LVCILL. PHILALTH,
artium, Medicineq;
professor.

BERNARDO FELICIANO.

NIMIS prudenter instituisti domum tuam
officinam bonarum, & politiorum literarū.
Non enim ludum aperuisti pueris, & pe-
dagogis. sed uelut Gymnasium his, qui optimarum
artium, & maximarum scientiarum elementa, &
mysteria cognoscere cupiunt. Et boni, nec non suis
temporibus summi oratores, Gorgias Leontinus,
Protagoras Abderites, Hippias, Isocrates sua do-
micilia constituerunt tanquam scholas his, qui artis
oratoriae praecepta perdiscere uellent, de hoc tuo in-
stituto nuper mihi nunciatum est, & de congressu
nobilium, atq; de frequenti iuuentute erudita ma-
xime, quod laudarim, sed uideo non necesse, il-
lup

lud potius cohortandum intelligo, ut quia auspica-
tissima fundamenta iecisti honorifici instituti, pergas
id perficere, & tueri perfectum. Nuncio sane tibi
id fore ad perpetuum encomium, & gloriam operū
tuorum, Quid nam homini sapienti uel melius, uel
gloriosius euenire potest, quam homines Dijs similes
reddere? Nam in fabricanda humani corporis mo-
le Deus animum fingit, & formāt sui similem, natu-
ra uero corporis membra conficit, attamen animus
imago Dei sola quadam sibi indita facultate peditus
discendi magistrum desiderat, qui facultatem illam
perficiat & cōpleat. Iccirco magnum munus est, &
nobilis prouincia animos reformare, alere, educare,
& quam simillimos Deorum efficere. Quod si ani-
mus bene doctus a Deo nobis tribueretur, non desi-
deraretur quidem opera sapientis. At uero pro-
creatur cuiusmodi possit informari disciplina rerum,
quarum mysteria, & abditas causas meras indagare
conatur, uerum uide quo nempe modo tecum per li-
teras philosophari decreuerim, quippe cum stoicorū,
& ueteris Academiæ tum hæc tum illa amplecti
dogmata uideare. Vnum est nulli obscurum Huma-
no generi corpus proceræ staturæ, ut contemplator,
indagator esset rerum cælestium, homo atq; causarū,
quæ maxime abditæ, & abstrusæ essent. Aptum
porro natura effinxit corpus animo, quem circunde-
dit sensibus tamquam nuncijs, unde rerum cognitio-

R iij nem

Lucilli Phil. Epist.

nem acciperet, Auditus is sensus est uocis, & sermonis, qui magistri maxime indit in animo sciētiā, presertim si indoles bona adiumento fuerit. Vnde & bene, beate uiuendi primordia affert. Dij aut, & parentes solum uitā conferunt nostro generi. Quinetiam e morte, hoc est ex ipsa cecitate mentis ad uitā reuocat. Quid ignarus nisi mortis imago? Quid rudis, nisi picta, aut incisa effigies in marmore? Quid ignorantia, nisi mors animi? Quare bene illi solent disputare, an plus parentibus, uel magistris debeamus. Et cum rationes afferri soleant in utranq; partem, non possum ego cobibere assensum, quin protinus magistris plus deberi affirmem. Magnum quidem esse, & uiuere, Et hæc genus ferarum habet Magnū salute frui, & suis muneribus optime fungi, sed tot etiam rationis expertia obtinent animalia. Nam multa robore, ceu Elephas, Leo hominem superant, multa sensibus, multa actionibus uitæ humano generi antecellunt, quæ omnia existimantur in cæteris uiliora, quod rationi, & menti minime iuncta sunt. Ratio sola hominem efficit, Mens sola hunc diuinum reddit, ingenium refertum artibus, & disciplinis hoc solum hominem ab homine dirimit, et gloriosū perq; beatum facit, quare te aperuisse officinam eiusmodi gaudeo, in qua nobilissimam iuuentutem cum græce, tum latine institues, & exercebis Isocratico modo, & more, ut uel historiam condere. uel perorare, uel
philoso-

philosophiam interpretari, & leges noscat arte adhibita, & stilo maxime perornato. Et certe non officinam modo, uerumetiam Theatrum aperuisti spectatoribus uirtutum tuarum. Nunc in conspectu erunt, quæ recondita uidebantur. Nunc ingenium fælix tuum ad omnium adipiscendarum disciplinarum momenta apparebit in uulgus, Nunc scientia, nunc iudicium nunc usus, nunc magistra omnium illa tua docendi uel facilitas, uel modestia singularis prodibit in lucem, Quapropter tibi persuadeas te peruelim fore in docendo oratore alterum Roscium, in erudiendo philosopho Socratem, in constituendo historiographo magistrum, et antistitem. Mitto septem liberalium artium studia, quibus plane es ornatus omnibus, Reliquum, quia tabellarius instat, auguror tibi bene euenturum cum summa laude, & emolumento hoc susceptum munus, & onus de quo, & de statu tuo ad me scribas, ut primum poteris, obsecro. M. D. XXXI. quarto idus April. Bononia.

Lucilli Phil. Epist.

LVCILL. PHILALTH.

artium, Medicinæq;
professor.

LEONICO PHILOSOPHO

doctissimo.

DEDI ad te tabellario literas forte longiores, quam expectabas, quod quidem ex tuis amice, & comiter scriptis facile intellexi, in quibus tu paucis, & compendio pene multa perstrinxisti prudenter, Hoc autem efficere nescio nondum singulari tua doctrina peditus, & perbeatus, cuius si aliquam partem studio & solitudine consequi potuissem, perbreui multa, & magna ad te exararem. Nunc ignosce si mearum uerbis redundat, aut non atticissat contextus epistolarum, Nondum enim didici paria uerba sententijs reddere, atq; appendere momenta sermonis. Hoc est proprium homini, quem diuturna poliuit, & limauit professio. Illud sceuolæ sapienter dictum, neminem mori posse antequam sit natus, Necesse primum nasci, &adolescere quoad ætas floreat, moxq; senescere, & demum occidere uix ingressus sum hætenus ad fundamenta

Liber secundus. 77

menta artis, uix primoribus cæpi labris degustare
 modū, & formam scribendi, Quare apte scribere, &
 breuiter, ac dilucide nondum meum est, nondumq;
 mihi cogitanti summo studio, & impense totos dies
 in hoc exercitiij genere consumere permissum est Da-
 bo operam, si Diij uoluerint tamen diligenter, ut quo-
 tidie magis proficiam. Interim cupienti, & optan-
 ti mihi ob uarias, & inter se dissidentes interpretum
 commentationes ex te cognoscere quo pertineat ex-
 ordium libri auscultatorij Aristotelici, & quibus
 contineatur. respondeas uelim. Non enim dubito
 quin docilem reddat lectorem, suum dum patefacit
 consilium de primordijs rerum, quæ generatim ex-
 positurus est quot, & qualia sint, atq; beneuolum,
 cum duplicem aperit uiam, & monstrat cum imbe-
 cillis ingenij nostri ex notioribus nobis unam, tum
 alteram ex euidentioribus intelligentiæ perfectæ hu-
 mani generis, & deniq; attentum ordine præfinito
 progrediendi ab uniuersis, communibusq; ad singula.
 Sed illud controuersiae plenum de uniuersis quæ sint
 & nunquid hæc nobis, aut naturæ notiora uideri
 debeant. Nam si e media illa turba interpretum
 promere quid sentiendum sit uoluerimus, non ue-
 rendum, quin uniuersa notiora nobis dicantur, &
 magis confusa, atq; communia, uerum si oculos con-
 uerteris ad seriem lectionis Aristotelicæ, ordo alter
 apparebit, Nam a notioribus naturæ orditur pri-
 mus

Lucilli Phil. Epist.

mus sane liber, si quidē instituit primū scriptioni mā-
dare prima initia rerū, materiā communissimam, &
formam utranq; notissimam naturæ, & nobis ab-
strusam, Quare si ab uniuerfis auspicandum est
usque ad singula, & hæc uniuerfa unde author in-
gressus est tradere fundamenta rerum sunt natu-
ræ, & non nobis præclara, proculdubio conclusiun-
cula sequitur, ut hæc uniuerfa naturæ, non no-
bis sint notiora, aut ordo mentiatur lectionis, Qua-
de controuersia si quid habes, quæso ad me breui-
ter scribas. Nec te celabo quid consueueram in-
sedanda illa referre. Equidem mecum animo cogi-
tabam alium esse ordinem tenendum in his expli-
candis quot uidelicet & quæ essent initia rerum, at-
que alium in tractanda rerum physicarum disci-
plina. Si quidem ad exploranda principia ex uni-
uersis, hoc est ex confuse acceptis, quæ partim di-
uisione, partim consensu, in ductione assumuntur.
iter facere oportuit, sed in percipienda rerum natu-
ralium scientia necesse illud fuit, imitari scilicet na-
turam, a cuius notioribus sumendum fuit initium,
cuiusmodi primus liber facit historiæ naturalis in-
gressus iacere materiam primam, & formam, nec
non priuationem certe primordia rerum omnium
physicarum, Quapropter in perquirendis initijs re-
rum a nobis clarioribus ordiendum, hisque confuse
notis, sed in condenda reliqua historia rerum maxi-
marum

Liber secundus. 78

*marum amplectenda fuit series naturæ genitricis,
 & cuiusmodi in procreando illa tenet ordinem, ita
 magistro Aristoteli omnino doctissime uidebatur
 consentaneum historiam scribere. Illa a primis ordi-
 tur ortum, hic historiam. Quid quæris? Nihil o-
 ne plus, si hæc fuit mens exordij. An uero fuerit,
 tuam desidero censuram, modo me, & quid uelim ca-
 pias. Suspicio non percipi, propterea quod ex-
 planare luculentius, & breuiter ignoro. Cer-
 to scio sentire me cum Alexandro Aphrodiseo post
 omnes natos Aristotelis interpretes nulli secun-
 do. Vtinam abstinuisset leuioribus interpretatio-
 nibus, profecto nos liberasset hac molestia, quip-
 pe qui plures eiusdem orationis edidit, inter quas
 hanc delegi, quoad potui emetiri progressum autho-
 ris. Quod si tu melius, & acutius sentis, rogo ne
 graueris nobis significare sententiam tuam, de qua
 te amabo etiam, atque etiam ualde, quin etiam
 conciliabis tibi sodales meos, qui id scire percipiunt.
 Authoritas enim personæ tuæ, atque tua illustris
 doctrina monumentis literarijs dudum expressa nos
 commouit, ut abs te id posceremus, & mirandum
 in modum peteremus non diutius pati, quin nobis
 gratum facias, debebunt hoc tibi maxime amici.
 Hæc fere habui, quæ te scire uolui nostro æuo om-
 niū philosophorum præstantissimum, atq; eruditorū
 suffragijs*

Lucilli Phil. Epist.

*Suffragijs omnibus primarium, nec ob id cogo respō-
deri, nisi placuerit tibi, quamquàm huius exordij in-
telligendi spem in tua doctrina, & humanitate posi-
tam habeamus, Postremo de commentarijs Philo-
poni latine factis uehementer dubito, ne Louanien-
sis sodalis, & amicus meus eosdem aliò transtulerit,
commentarios quidem nunc accipio, qui in libros de
posteriori resolutione latine conuersi sunt non adhuc
omnino accurate nec admissim. Desideratur multa,
& quædam petunt castigari, iccirco ne c in alienas
manus deuenire, nec in lucem proferri uellem. Cum
tuo commodo quæso feceris cum illo de his uerbum.
Scis enim quid hoc seculum politorum probat, uel im-
probat. Si porro illud opus amisit, spero tua cura re-
demptum iri. Vale. MDXXXIII. Vndecimo
Kalen. Martij Bono.*

LVCILL. PHILALTH.
Artium, Medicinæq;
professor.

LAZARO BONAMICO
Doctissimo.

SI quando tuam perspexi modestiam, & tuam
singularem prudentiam, nuper maxime in his
literis, quas Perinello tui, ac mei studiosissimo,
& peramanti ad me dedisti cum graueis, elegante-
isq; tum precipue te dignas. Dum enim hic ador-
naret iter Bononiam, literas tuas accepit istuc ad
me perferendas, Et enim una de causa, qua & ipse
impulsus iter ad hoc Bononiense Gymnasium consti-
tuit, iccirco facile est cognoscere quid nos a tuo com-
mertio, uel potius suauissima consuetudine auocet, de
quo abunde superioribus literis scripsi, nunc ob id de
modestia tua omni foro, & seculo laudabili non pos-
sum reticere quæ in mente mihi pariunt admiratio-
nem, primum excellentem doctrinam tuam fama,
& sermone multorum prouectam etiam ad exteras
nationes, non assiduis laboribus, & lucubrationi-
bus tuis, sed Deo optimo, & præpotenti tribui cupis
unde omne donum, & bene datum ad nos proficisci
asse-

Lucilli Phil. Epist.

asseueras tu quidem non solum cum Christi seruatoris nostri apostolo, uerum etiam cum Timeo Locrensi pythagorico in ea nobili, & permagna de natura disputatione cum dona ille a Dijs præberi nobis, & præcipue unum philosophandi, quo nec melius, nec maius dari posse docuit attamen (mi Lazare sapientissime) dum in omnibus quæ ad bene, beateque uiuendi rationem pertinent bonitatem immensam Dei agnoscimus, etiam quid, & quantum in nobis sit emetiri debemus. Nos primum nati ad libertatem qua ob culpam nostri generis amissa deinde gratia Dei ad pristinam reuocati, atque redempti habemus nonnihil in nobis uel uituperandum, uel collaudandum, si nostrum est uel adduci, uel abduci, aut recusare, aut admittere, Nam & Mundi ornamento quod spectabile est, & aperienti oculos, atque suspicienti contemplationem referri acceptam debemus, nisi tu porro indole, ingenio, studio, diligentia, assidua commentatione contendisses preclaram, & admirabilem rerum optimarum disciplinam consequi, nõ per breui adeptus fuisses hanc famam doctrinæ, hoc nomen excellentissimi uiri, quale tibi indidit perpetuus in capescendis artibus, & disciplinis labor, & cura Enumera singulas ætates tuas, quarum tibi sit memoria pene recens, nulla quidem tibi succurret in mentem non plena laborum, & uigiliarum, ut mea
semper

Liber secundus. 80

semper oppressa molestijs . Quam primum ingressus bonis auspicijs es primarum a lingua latinæ audire a præceptoribus diligenter præter indolem aptam ad maiora studia assidue his dedisti operam , & eiusmodi , ut in ea teneretate nunquã de manibus bonorum scriptorum libros deponeres . Totos dies uersabaris in schola , & ocio literario . Raro feriæ tibi , & nunquam intermissio studiorum , iccirco breui magna ingenij subtilitate ad dialecticem , artem uidelicet de omni re in utranque partem differendi , & ad græcas literas te contulisti , in quibus , & in omni philosophia , oratoriaque arte profecisti mirabiliter , atque sic , ut cuncti industriam , & diligentiam admirarentur . Hæc tua , & Dei sunt opera , ego uero laudare soleo quæ ad te attinent non ignarus ab hac summa bonitate cuncta promi , & ad nos manare diuinitus , sunt sane nobis opera quæ Deus tradidit , ut nostra essent , atque ex his illustraremur , quæ existimo laudanda tanquam hominis ornamenta , quæ & si a Deo , a quo nimirum omnia proficiscuntur , tamen cætera nostra , quia nos ornant , & illustrent & a nobis asseruantur , & coluntur magnopere . Quare bene quidem facis , ut occurras arrogantiæ , elatæq; menti cuncta tribuēs Deo , non autem recte omnino , si non agnoscis & tuis meritis deberi aliquam laudem , & palmam .

Hæc

Lucilli Phil. Epist.

Hæc de tua modestia , reliquum de singulari prudē-
tia tua , quando quidem me hortaris ad peragenda,
quæ capi iandiu non sine tuo consilio , & iudicio.
Hortatio tua amica , atq; amantissima est , & in me
exhortando facis amice , & quanti me facias plane
ostendis . Ob id insigni probitati tuæ , & integrita-
ti debeo multum , fateborq; quoadiuuam me debitu-
rum . Verum non te fugit quàm perdifficile sit in
tanta obscuritate rerum , inq; recondita arte disse-
rendi uersari omnino latine , eoq; magis , quod non
suenta sunt latinitate gymnasia . Ac dialectica quæ-
dam habet propria uocabula , quæ si mutaueris , nulli
proficienti dialecticè perspecta erunt . In commen-
tarijs enim de priori resolutione nisi uerbis usu rece-
ptis sententiam expresseris , nemini latina erit
probata conuersio . Nosti quam multa usu trita
iandiu , quæ latine dici non possunt , immo aliter la-
tine proferri solent . Græcæ protasis uertitur pro-
positio , quæ certa oratio est ueri uel falsi index , &
nuntia , attamen apud probatum oratorem , qui la-
tine sciat propositio significat quicquid proponitur
ad dicendum , & tractandum , uox ergo admodum
ambigit , usus tamen potuit sic , uti nemo queat , si cu-
pit intelligi , aliter uertere . Quid item de syllogismo ,
quæ uox græca iam usu magistro pro latina habetur .
Emittere tu hanc uocem reddere latine siue conclu-
sam compræhensam uoces rationem , nihil uide-
bere

Liber secundus . 81

beris reddidisse, quod probetur a schola, & collaudetur omnino, perge adhuc latine facere,

de omni, uel nullo, Et ne sexcentas uoces græcas enumerem, quæ minime latine dici queunt dabis tu mihi hanc ueniam, si huic dialecticorum foro uerba commodauerim non solum in his commentarijs, sed etiam in reliquis huiusce abstrusæ, abditæq; artis, in qua sudaſti tu etiam diu, & cuius ope cæteris oratoribus habitus est hoc sæculo doctior. Coegit pene pariter me, & philosophiæ certa ratio, & formula dicendi, a qua non possum abhorre in his præcipue conuertendis, quæ non alio, quàm usitate loquendi modo conuertere potui, non dixerim omnia, sed duntaxat quæcunque uidebam non posse dilucide exprimi ad usum scholæ. Quo in genere per multa passim occurrent, nec tibi non sæpius notata forte. Qui proinde admonent, & cupiunt latine ubique dici, quid cupiant plane ignorant, æque ostendunt nescire abunde res phsyicas ab Aristotile magnopere tractatas. Vere mihi illud uideor esse dicturus, nec Ciceronem potuisse omnia uerbis aptis, & suis græca in latina conuertere. Quoties in Academicis, & in libris aut de finibus bonorum, aut de officijs, deque natura deorum, & alibi attendo quædam ab illo latine conuersa pene despero fore cum id fecero. Legant uiri docti quæ ille interdum latina fecit, & uiderint, an immensum, infinitumque onus

L sumat

Lucilli Phil. Epist.

sumat is, qui omnem philosophiam græcam uerbis latinis illustrare promittit. Ego uero tantum oneris non imponam unquã homini etiam ocio, studioq; ac doctrina facultatæque oratoria abundantia certo sciens a nullo id prudenter suscipi, et præstari posse, quod si effici posse tu cogitas, plane cernis, quantum cognoscere, ac sentire nequeo. nisi mea ætas nõdum ea, quæ tua uiderit. Verum si multa complecti cæpero, & enumeraro, proculdubio his latina pariter non reperiēs respondentia. Sed satius est nunc suppressere, ne mea nunc disputatio altius emergat, & terminos epistolæ transiliat, quando ipse quidem etiã mecum animo constitui conscribere opusculum de modo conuertendi græca latine, quem & si Tullius parens eloquentiæ, & dicendi magister omnium doctorum consensu primarius ad extremum libri de optimo genere oratorum attigit, tamen admodum concisum id fecit, iccirco non complectar in hac mea ad te epistola amplius, quam quæ ueteri nostræ amicitiae congruunt, & semper congruere uoluisti. Nũciatũ est nuper mihi te uelle publice insequentis anno orationes Demosthenis græcas profiteri, Vtinã interesse mihi datum, uel concessũ esset, nõ periret quidẽ dies sine me auditore, qui experiundi causa tres olinthiacas, quatuor philippicas, unamq; de pace, alterã uero de immunitatibus Rhodiensium, nec non de emērita legatione iñ AEschimẽ cōuerſi more, et modo, quo sē
sus

Liber secundus. 82

sus dilucide psonet, et si saepe uerba conticescunt. Verū si qua ars est, et facultas oratoris, quoniā quidē est ac perse magna, atq; diuina. hęc tota elucet in ea, nēpe oratione, cui est de ementita legatione. Nomē Genus habet iudicale, omne quidē uersatur ī accusatio- ne AEschinis, et defensione amicorū ac Oratoris. Sed accusatio plus ualeat, & ualuit nimirum damnato AEschine, Nō probarim quod ignari contendūt, eā uidelicet in genere deliberatiuo habitā, sed eadē cōtineri quacūq; arte, et industria oratoria, nec non et q̄ sine arte pręmeditata ultro sese offerunt, atechna ab Aristotele sūmo dicendi magistro in primo libro Rethoricę ad Theolectē uocata sapienter, Nā quatuor de AEschine accusaturus Demosthenes, primū quod a Philippi legatione reuersus ad patriā nihil ueri retulit, dein quod psuasit Reip. et populo Atheniēsi, nihil ad usū nisi Philippi psuasū esse cōtēdisse. mox mādāta ægre, et cūctāter fecisse, demū neglecta tēporū occasione a Philippo largitionibus, et pecunia grandi corruptū fuisse quibus cōuictū a iudicibus illū petit extremo supplicio cōdēnari, nihil omittit. Oratio igitur huiusmodi sic mihi semp uisa est facta diuinitus, ut post natos oratores nihil ea cogitare possim diuinius. Huic accedit illa de corona, quam Cicero se latinā fecisse affirmat. Hęc certe magna est sed paulo dicta inferior. Verum dabitur quandoque tempus conferendi aptius, nunc desiderio conficior

L. ij prope

Lucilli Phil. Epist.

prope te audiendi, *Attentissimè* quidem præberem aures tuis uocibus, & doctrinæ nunquam satis laudatæ, mei proinde loco habebis ne potē natum in oppido patriæ tuæ, quod Bassanum uocant ex germana primario nupta, qui græce, & latine scire optat. si istuc te adiuerit fac queso, ne tuam gratiam, & operam desideret. Debes tu in hoc magistratu, & munere quidem omnibus, sed inprimis patriæ tuæ, atq; amicis, qui te plurimum diligunt, & observant maxime. Cæterum tecum animo considera quantum ponderis literæ tuæ apud me habuerint. Expedita sunt omnia secundū uoluntatē tuam. Secure, et tuto mittūtur. Equidē in tuas manus sunt (ut spero) uentura. Græce omnia scripta sunt ab exēplaribus deprōpta diligenter. Nihil te offendet, nisi manus librarij, attamē facile deprehenderis quicquid erratū est. Hæc autē si celerius mitti cupiebas, nō tabellario, sed librario ignosce. Non potuit opus absoluere ante id temporis. Vtere, & serua, quod spero interdū ualitura hæc plurimum apud posteros, cum deposueris de manibus, ad nos remiseris. Erit id pergratū. interim reputes uelim omnia mea tuis esse parata cōmodis, meque inprimis tuum ære, (ut aiunt) & libra, Caue putes me ob absentiam tui immemorem factum. Fero te semper in oculis non instar illius apud Aristotelem, cui icto in temporibus inimicum uidere uidebatur, sed eius potius, qui spectrum reliquerit

Liber secundus . 83

querit in corde humanissimi, & clarissimi uiri de me optime meriti. Non enim obliuioni mandauit nostram consuetudinem, et quanta me semper comitate, benignitate amplexus sis. Ingrati animi est, atque abiecti hominis beneficia non recordari, presertim huiusmodi, quae ad illa diuina prope accedunt. Quis non horum ergo tibi deberet? Quis non se uirtutibus tuis perpetuo deuinctum fateretur? Vereor tamen, ne haec tanquam de more scripta interpreteris, & me putes potius elogium perpolitae orationis, quam amoris erga te mei in hac epistola edidisse. Aberras tu si id arbitrare eiusmodi factum, toto quidem elogio. Quamuis omni cura, & solitudine ad illud incubo, ut latine, ut eleganter, ut ornate, ut numero- se, & docte scribam, tamen id nondum consecutus. quibus possum uiribus, & numeris tibi in animum inducere uelim a nemine amari ardentius, quam a meipso, de quo periculum fecisti, et quo cum aliquando communicasti quae ad decus tuum, & gloriam spectabant, itaque cogites obsecro me non inaneis lagenas obsignare his uerbis, neque puerilem eloquentiam cupere. Rursus experire, & quoties tibi libitum fuerit, nouerisque perpoliendae orationi energiam subesse. Vale & semper. M D XXXII. Nonis Septemb. Bononia.

L ij

Lucill.

Lucilli Phil. Epist.

LVCILL. PHILALTH,
artium, Medicineq;
professor.

HIERONYMO FRACASTORIO
physico Veronensi græce lati-
næque doctissi.



VIGESIMO die postquam ad te scripsi,
cum essem Pischeriæ ante cænam tuas li-
teras accepi Bononiæ humaniter, & ele-
ganter scriptas, & quod mirũ, uerbotenus ad me-
De Benaci lacus laudibus, mirum. Verum in Stra-
bone, & Pliniano codice tertio de lacubus Italiæ
præclara mentio est. Benacus uero, unde Mintius
amnis a Mantua non longe, nec longiore tractu pro-
ductus si Geographiæ Marini, & Ptolomæi fides
præstanda est in latitudine abest a medio pararello
gradibus quinis, & quadraginta, & ab insulis Ca-
narijs, quas fortunatas appellant ab occasu in ocea-
no duobus & triginta secundum longitudinem, Cæ-
lum habet illustre. Ventis subiicitur, qui sæpe ex an-
gustijs montium flant non sine unda, & alto lacus
motu,

Liber secundus . 84

motu, Inde nautis imminet periculum Circumscribitur finibus, nec miliaribus continetur quadraginta uel paulo plus. Edit carpiones pisces suauissimos, quos alibi nasci nemo adhuc mortalium nouit, parit & alia piscium genera, hæc tamen cum alijs communia, Transmisi bis, aut ter ad Saloniensem agrum peruectus nauicula. Quare de loci maiestate, & lacus Laudibus non est cur ad me fusius scribas, De homocentricis potius aliquid expectabam, quibus in orbibus adnimmerentur quæ apparent in cursu errantium præsertim astrorum. Non enim me latet quasunque planetarum sphaeras homocentricas esse, conuertique circa idem centrum, quod est uniuersi medium, terra nempe, & mari conglobatum, sed illud me angit, an quelibet sphaerarum una sit, aut pluribus constet orbibus, qui sint apud te Omocentri- ci, apud ueteres Astronomiæ authores excentri- ci, atque epicycli. Sphaera rotunda moles est, cuius medium æque abest ab extrema peripheria, hoc medium uocant centrum eius, a quo pariter recedit extremitas rotundi ambitus, quod persuasissimum habeo mihi quoties in figura plana uel circino circulum describo adamussim rotundum, ubi nil emineat, nil depressi uideatur, uel quoties a medio puncto produco linearum tractus usq; ad rotunditatē linea rotunda conclusam æquales, interest

L iij inter

Lucilli Phil. Epist.

inter circulum, et sphaeram, quod ille figura censetur
plana, haec uero solida moles, & corporea est, Haec
dudum inter elementa Geometriae leguntur, neces-
saria tamen tyronibus astronomiae, cum quibus &
id notabile est, uniuersum hoc, quod & alio nomine
ab elegantia Graeci Cosmon, & latini Mundum ap-
pellant bipertitum esse, partem superam habet aethe-
ream, caelestemq; Deorum immortalium habitatio-
nem, quae nunquam incidit in sensum homini, depre-
henditur autem stellarum luce, partem & inferam
obtinet elementorum quatuor, sed supera nouem
sphaeris Hipparco, & Ptolomeo authoribus, aut
decem recentioribus, & his, qui tres motus in octa-
ua Sphaera obseruarunt, mea uero censura octo con-
tinetur. Infera autem tribus. Vna enim est maris,
& terrae, contra quam uetustas hominum tenuit, &
semper duxit orbem terrarum redimittit undiq; mari,
cum potius debuisset fluidum mare cinctum littoribus
cogitare, atq; perpetuo affirmare, quo de meo dog-
mate scripsero in philosophia, nunc a uetere Astro-
logia non digrediens altissimam, oram, quae uniuers-
sitatem cingit putarim sphaeram octauam, ubi syde-
rum, & stellarum ingens numerus est, & unus cer-
nitur motus ab ortu ad occasum intra cardines mun-
di, & intra quatuor, & uiginti horarum curriculū.
Haec sphaera unus, & simplex orbis est pluribus
astris pene incisus et insignitus, Hipparchus, Ptole-
maeusq;

Liber secundus. 85

*mæusq; commenti sunt aliū motum in hac sphaera, ne rideam accessum, & recessum quorundam astro-
rum, aut potius commentum Alchabitij, & aliorū, quos refellere longum esset. Alio loco id faciam ac-
curatius, nunc tibi tantum sat sit exprefisse quæ ho-
mocentrica esse putem. Cum porro planetæ sub or-
be octauo post prima illa ueteris Astrologiæ secula
deprehenderentur, & eorum cursus notarentur,
atq; hi præcipue, qui a diurno, & primo diuersi ui-
derentur subsignifero, obliquoq; orbe intra cardines
eiusdem effici, quot planetæ, tot sphaeras antiqui nu-
merarunt. Verum non uno seculo, neq; uno sapien-
te septem errantium numerus repertus est, nunc cō-
stat maiorū diligentia, Iccirco non plures octo sphe-
ris ausim asserere, quarum quælibet citra primā suis
est constructa orbibus. Saturnia tribus, & horum
uno mere excentrico, quem egressæ cuspidis barbari
uocant. Huic centrum tribuitur ab illo mundi remo-
tum, & in eodem excentrico epicydum orbiculum
quendam reponunt domicilium planetæ. Totidem
Ioui, Marti, Soli, Veneri orbes, ædificantur ob ua-
rios motus notatos errantium. At uero Mercurio,
& Lunæ augment numerum orbium, Quatuor enim
lunæ, & quinq; Mercurio cum suis epicyclis ascri-
bunt, Hæc ex illa uetere astronomia Ptolemei, de-
promi scis, proinde abs te peto, an homocentrica tua
sint orbes sphaerarum, & totidem quot numeravi, an
etiam*

Lucilli Phil. Epist.

etiam plures? Ego mediusfidius præter simplicem
cuiq; errati sphaerâ censuerim omnes orbes siue ex-
cētricos, siue homocentricos esse mera hominū cogita-
ta, nihilq; horum in cælo esse, Quapropter quid sen-
tiam usque ad id ætatis breuiter dixerim cuique pla-
netæ suum orbem, & hunc unum datum, Motus
autem illos uarios esse astri, non orbium, Nam
& astra circumferuntur in suis orbibus, sed cuius-
modi, alio loco explicabo diligentissime, & si cer-
to scio non placiturum tibi hoc dogma meum, dog-
ma recens contra fere omnem ueterum Astrono-
miam, sed quid si contineret ueritatem, & cælum
liberaret tam implicita, & confusa orbium fabri-
ca? Non sum certe nescius Ptolemæum acris in-
genij, & industriæ singularis hominem commen-
tum fuisse quasdam causas eorum, quæ obserua-
bantur a mortalibus, & absoluisse editionem il-
lam magnam de rebus astronomicis admirabilem,
in qua uim omnem ingenij sui præstitit. Nec pos-
sum, nec debeo inficiari acumen hominis, & sin-
gularem, atque incredibilem doctrinam, modo ue-
ris docuisset causis uisa cælestia, quæ tu alio modo
tueri ingressus es, de quo uidero. Sed interea tuis
ad me literis fac quæso, ut aliquot fructus recondi-
tæ artis tue legam. Nam reputabo me legisse hu-
manitatis, & comitatis tuæ gemmas, quibus elu-
cet uirtus tua, & omnibus grata uidetur, Hoc si
feceris

Liber secundus. 86

feceris me tibi deuincies perpetuo debito , & officio obligabis tua persona , tuaque bonitate dignissimo . Persuade tibi id mihi fore , quo nihil gratius . de quo etiam scripsi sperans propterea impetrari posse quod dudum comitas , & liberalitas animi tui perspecta ciui , & populo est . Huic existimaui fidendum , & confidendum maxime , etiam si quædam mihi tecum intercedit necessitudo , & consuetudo studiorum . postremo me aliquot annos Bononiæ mansurum scias uelim . Ecce me omnibus mandatis tuis paratissimum . quo neminem existima obsequentio rem tibi , curabo quæ uoles diligentissime , & habebō gratiæ loco , si mandaueris mihi . Non parcam labori , quin recte studiose , celeriter exequar . Vale M. D. XXXI. tertio Non. Nouemb. Bononia .

LVCILL.

88 Lucilli Phil. Epist.

LVCILL. PHILALTH,
artium, Medicineq;
professor.

ANDREAE NAVAGERIO
eloquentissimo.



EXISTIMABAM tandem fore cum
tibi daretur spatium a legationibus requie-
scendi, & animum ad præclara studia refe-
rendi, quæ a puero cœpisti cum magna omnium in
tua Rep. expectatione, sperabam præterea quando
mibi concessum fuisset suauissima consuetudine tua
frui, quam spem nuper tibi designata, atq; decreta ad
potentissimum Galliarum Regem legatio fefellit. Et
enim magnum, & laudabile, at tamen laboriosum,
hominiq; bene morigerato, & delicati stomachi, nec-
non studijs optimarum artium, & scientiarum dedi-
tissimo non diu tolerabile munus legationis uideri
solet, quo quidem te dignissimum Resp. Veneta pro-
pterea censet, quod eruditorum iudicio, & doctissi-
morum hominum sententia es omni facundiae, &
eloquentiae laude cumulatus orator, & nostri ani-
mos

Liber secundus 87

rios principum permouere, docere, impellere ad
 usum patriæ tuæ, qua arte in uita hominum nulla
 celebrata hætenus maior, uel habita est efficacior,
 & illustrior collaudata magnopere, & tu hac ipsa
 ornatus, muneris auges maiestatem, & facis ex-
 petendum. quandoquidem consuerint permulti tan-
 tum onus recusare, quod uidissent a commodis, &
 familiari cura abstrahi, nihilominus nobilitasti
 prouinciam, illustrasti dignitatem, iniecisti ob id
 ardorem, uel flammam in pectoribus ciuium ad ca-
 pescendum hoc munus a te auctum authoritate sum-
 ma, & fama incredibili. Aegisti tu oratorem,
 aut legatus obiisti munus omnibus numeris exple-
 tum. In Legato hæc desiderantur, scientia rerum
 multarum, Hinc historia maxime illi necessaria,
 Usus, prudentia, consilium, celeritas, fides, inte-
 gritas, constantia, quorum nihil unquam tibi de-
 fuit. Scientia, atque multiplici rerum humana-
 rum fretus ad Musas, & ad oratoriam facultatem
 denique animum adiunxisti, quod hæc usui Reip.
 maxime esse tibi uidebatur, & ad gloriam Naua-
 geriorum maxime pertinere. Nec certe fraudasti
 opinionem, nec frustra auspicia suscepisti a primis
 disciplinarum elementis, qui auspiciatissimum ini-
 tium sumpsisti in dialectica, & philosophia, qui-
 bus imbutus deesse fato tuo non poteras, a quo no-
 cabaris ad Musas, & ad artem dicendi. In utraq;
autem

Lucilli Phil. Epist.

autem quis sis, & quantum excellas iam carmina
tua, & orationes tuæ in utroque funere & Leo-
nardi Lauretani optimi. Veneriarum principis, &
Bartholomei Liniani indicarunt, quas cum habui-
sti attentissime audiui. Eram tum admodum
adolescens, græce nihilominus, & latine iuxta in-
res ingenij, & ætatis præditus, inde cæpi nomen
tuum, & uirtutes obseruare, admirarique quan-
do & tu de meo ingeniolo nonnihil augurabaris, &
bene sentiebas, Et nisi patria te a nobis, procul
tibi fere semper aliqua delata legatione continuis-
set & tuæ me conciliaffem beneuolentiæ, Itaque do-
leo tua absentia, & mea iniqua sorte, quæ nunc te
mibi eripuit cum ista Gallica legatione, ad quem
tanto interuallo absentem si scripsero, certe uereor,
ne ullum unquam mihi reddatur aut afferratur re-
sponsum. Quinetiam uereor tibi, quod cælum mu-
tas tuæ naturæ non admodum salutare. Alget ni-
mium, & illa uictus ratio inimica stomacho tuo,
& consuetudini. Veruntamen Di immortales ue-
lim tibi bene omnia uertant, & secudent. Es
quippe uir hac nostra luce dignus, & tua Rep. uti-
lissimus, ac de re literaria optime meritus, Hinc
non possum tibi non bene optare, atq; diu. Reliquum
ex his carminibus, quæ ad me nuper scripsisti, &
auidissime legi lubentissime perspexi quam me ames,
& tuâ erga me uoluntatē cognoui, Ego non queo nō
tuis

Liber secundus. 88

tuis Musis habere gratias, utinam referre possim,
non præterirem ullum officium, sicut omne obse-
quium per me tibi constitui paratum, Itaque hoc
mihi gratulor, quod de me bene speras, & lætor
maxime quod item abs te uere diligere uideo. Vtrunque
habeo & reputo in bonæ fortunæ partem. Abs
te peto mirum in modum, ut si tibi sit tempus,

& ocium ad me tuas literas mittas de

omni studio tuo, & cura, in ierea

præces pro te fundā apud

Deos Immortales,

ut possis scri

bere

quæ tibi, &

mihi sint Iocundis-

sima. Vale. Sexto

idus Augusti.

Patauio.



LVCILL.

Lucilli Phil. Epist.

LVCILL. PHILALTH,
Artium, Medicineq;
professor.

LEONICO PHILOSOPHO
primario.

QUOAD nuntio tuo, & tuis literis medita-
bar responsum, a Bellouacensi reddi-
tae sunt mihi literae cum praeclara testi-
ficatione curae, & sollicitudinis tuae in eo negotio de
recuperandis Philoponi commentarijs, de quo te a-
mo, & fateor ingenue me tibi debere uel maxime,
& uellem mihi mandares aliquid, certe non ante cō-
quiescerem, quam mandata tua exhausissem, et per-
fecissem omnia, Quinimmo non quæo certioribus
indicijs tuum erga me amorem cognoscere, nisi cum
aliquid oneris mihi imponis, quod quanto crebrius
imposueris, tanto significantius agnoscam beneuo-
lentiam erga me tuam. Tuum ergo est me in hac
notitia & opinione confirmare. attamen existimo
si non imponis, non esse necesse tibi, neq; occurere,
aut accidere quid mihi mandare possis, quoniam con-
fido ita integritati tuae, ut non caueres, praefer-
tim cum scias me multi facere magnitudinem tuorū
erga

Liber secundus. 89

erga me meritorum, & animi tui sinceritatem, Nō enim nōsti simulare, atque dissimulare. Sed uiuis libere, & in hac libertate cuncta geris uirtute duce. Sed hæc hæctenus, expectoque, ut mandes de literis tuis, q̄ mihi periocundæ fuerunt ex eo, quod arbitraris me uere philosophari, & non nugari, nō habeo aliud dicendum, nisi polliceri me ita gesturū, ut uidear erudito satisfacisse. Omnibus autem quis posset, presertim inuidis, quibus abundat officina præcipue literaria, Quod item grata tibi mea studia scribis, & labores meos iudicas laudabiles, facis tu quidem magno amore, simul ac naturæ tuæ bonitate, Ac si eiusmodi sunt studia, ut tibi probari uideo, plane istiusmodi fuisti princeps, ego comes, qui a latere tuo raro discedebam ob doctrinam excellentem, Quapropter non dubito dum mea putas extollere, quim tua efferas pene ad cælum semina, quæ iecisti hæc ediderunt, tamen (ut spero) editura indies melius Non tradam animū meū inertiae, atq; illæcebris, & cupiditatibus, nec uentri, nec iocis, & scortatoribus. Continebo me intra fines modestiæ, ut studio. diligentia, uigilijs consequar quantum præsentis me consecuturum, Non enim simul corpori, & spiritui, aut uentri, & animo inferuire possumus. Imperia sunt diuisa, nec utriq̄ue nos morem gerimus æque cum homines simus, & ab animo simus, hunc excolere debemus ut

M perpetuo

Lucilli Phil. Epist.

perpetuo uiuamus , etiam a supremo die in alia luce , quando quidem hoc seculum nobis sit tanquam forum mercandi , in quo & lucrari memoriam bene actorum sempiternam licet . Datum est hoc a Dijs immortalibus , ut commutare queamus rem mortalem in eternam , & pro momento pene huius uitæ comparare æternitatem , quia constamus caduco , & æterno . Corpus enim caducum Animus in posterum sempiternus . de quo qui aliter opinantur in magno sunt errore , nec homines , nedum philosophi appellari deberent , Quonam modo periturus esset animus animantis illius , quem Deus , & Natura multis partibus a toto reliquo animante abesse uoluerunt ? Si humano generi rationem , uoluntatem , mentem tribuit , quibus perornaretur , & excelleret cunctis animantibus , quid non & statum immortalitatis huic fabricauit ? quis sane status cum intra elementa mundi pugnancia , intra uicissitudinem rerum asseri non potuit nec confirmari , iccirco conditus est in aliena regione , ne aliquid obsistat quieti , & tranquillitati uitæ , Ac mens incorporea cum animo non subit corporis fatum . Hoc dissolubile est , quia ex inimicis conditum uidetur , animus autem simplex , non coagmentatur contrarijs , sibi notus , & amicus semper & uniusmodi est , Accedit huc rerum æternarum comprehensio , quas nisi animus esset æternus ,

Liber secundus. I 90

æternus, non posset apprehendere, Quoties amitteret in ipso interitu, nunquam recuperaturus infelicior longe belluarum uita uideretur. Ideæ, & uniuerſa comprehenduntur animo, & mente æterna, & nullius ſenſibus caducis percipiuntur, Atque ſi animus aliunde & non a mortalibus parentibus accedit poſt quadraginta, aut Sex, et triginta dies humanæ fabricæ in utero genetricis, ut eſt in libello Hippocratis de pueri natura, plane compertum uidetur non e ſemine ortum, neque cum corpore habere commune quippiam Accedit ſane cum opus eſt abſolutum, tanquam rector, & moderator animantis machinæ, qui ſi a cœlo, uel aſtro, uel potius a Deo corpori præſcitur, etiam ſeiungi poteſt ſine interitu ſuo. Ut enim coniunctio petit iungenda fuiſſe ſeparata, ita ſeperatio requirit ea, quæ ſeparari queant & permaneant, Quamobrẽ ſi ante coniunctionẽ extitit animus, nõ interiturus a ſeparatione uidetur, Nulla itẽ nobis cum Dijs ſimilitudo, ſi animus mortalis, et illi ſẽpiterni, Vnde ſapiẽter ille aiebat, Mori neceſſe eſt, nõ autẽ oĩno mori, quoniã remanet melior, et potior pars, cui innata cupido ad æternitatẽ, Ad hãc ſtudia noſtra, ad hãc perẽne deſideriũ, labores, uigiliæ referuntur, Nõ fert natura in minimis, quãto magis i maioribus fraudari natiuã cupiditatẽ, Quinetiã cõditio corporis felicior lõge putaretur illa animi, ppea quod

M ij nobis

Lucilli Phil. Epist.

nobis eiusmodi duce natura prouisum est morientibus, ut saltem ipsa propagine, ipsoque genere semper simus. At animo, si periret nulla prouisio, nullum consilium, & numero, & genere interiret sine ulla clementia Dei, & naturæ. Nec non si mens quoad uita est in corpore se gerit separatim quasi emancipata, quanto magis permanebit separata recessu corporis, in quo qui animum recedere a corpore existimat, toto recessu aberrat, Equidem non animus deserit corpus, sed hoc ipsum ab animo discedit. Mors porro est corporis ab animo discessus, et quod interire cæpit, id pergit semper dissolui quoad in prima abiuerit elementa. Animum quis unquam uidit dilui, & dissipari aut sensim, aut momento? Nec animi natura in aspectum oculorum cadere potest, attamen est contra Dicearchi pertinaciam negantis animum esse. Quare sine mole, & materia ille consistit, hoc est sine causa moriendi, uerum cum, mihi occurrant innumerabiles rationes ad hoc de immortalitate animi dogma, elogio Platónico in libris de Rep. fecero nunc finem confirmandi in quibus Socrates post multa argumenta eo peruenit, ut si quis Dei filius animam nostri generis nobis dixerit immortalem, credendum mandarit. Accepimus dudum id a filio Dei Christo redemptore, de quo nemo unquam mortalium satis honorifice loqui potuit, nec poterit, sed reuertar ad meum mercatū,

cui

eui me dedo lucrandi bene causa . Socrates moralis philosophus , & eius philosophiæ facile princeps in dialogo de lucricupiditate profitetur omnes homines iure appetere lucrum , quod turpe lucrum non esse etiam lucrum , sed damnum intelligebat , in me o mercaturæ negotio etiam si mercari nunquam didicerim , mihi præter lucrum magna sunt proposita uel præmia , uel emolumenta , & hec duo maxime honor , & fama apud posteros diuturna , nisi me falsa spes alat isto modo , & eludat interim , quod non crediderim , nec te fefellit , a quo semper instituti mei exemplum accepi , nec mutabo uoluntatem donec me nouero attigisse promerita premiorum . Quamquam his temporibus frigeat laus politorum literarum , et nisi uirtutes , uel commenta hominum in precio sint , tamen apud bonos magni est ponderis . Honor alit uirtutes , & incendit præcordia ad parandas disciplinas , Nescio plane quid sentiant philosophi , dum sanciant uirtutes perse expetendas , & eorum Socrates maxime , qui animi ornamenta disciplinas , & scientias nec ad honorem , & gloriam duxit referenda , cum tamen in omni sua disputatione excellentiæ sit studiosus . plane legem affirmat de ambitu , a quo omnes suos amicos , & familiares uerbis deterruit , at reapse nemo deperibat magis laudem , & excellentiam , quam ille , Honor nisi premium constituatur doctrinæ , & uirtutibus , non uideo quale esse me-

M iij lius,

Lucilli Phil. Epist.

lius & maius queat. attamen pro uiribus studen-
dum, ac manibus pedibus conandum dies, noctesq;
quo quisq; iuste promereatur honores, & inanē glo-
riam fugiat. Hoc gloriæ genus & si leuis armaturæ
milites, & parum prudenteis delectat, tamen quam-
primū deprehendunt se inani aura iactatos, erroris
sui pœnas luunt, mœrore afflicti, quod ad te scriben-
dum putauī, ne uidear leui honorum ambitione la-
borare. De fama apud posteritatem cupido pærse-
pe occasio fuit rerum præclare gestarum, Ex omni-
bus porro studijs quæ homini grata, & chara sunt,
nullum æque laudabile, quàm posteris aggregare mo-
nimenta uirtutum, in quæ intueantur, & quæ sicut
exempla sequi possint, & tanquam uestigia premen-
da habeant. Maiores ob id nostri merito inter Deos
relati sunt, & eo beatiores, ac diuinitate digniores
habiti, quo maioribus, & pluribus beneficijs poste-
ritatem iuuerint. Cæpi sane ipse ab adolescentia
tuo item hortatu, atq; amicorum impulsu mentis ui-
gilijs, lucubrationibus Gymnasia studiosorū non spe
nummi, sed gloriæ, ut uere, ingenueq; fatear adiua-
re studiosissime, qui cum adnimauerterem permul-
tos esse, qui græce legere nescirent, authoribus, &
commentarijs in dialectica, & philosophia de na-
tura operam dedi, ut a me conuersi diligenter in ma-
nibus uersarentur cupientium. conuerti, & conuer-
tam omni studio nec arbitrato meo, sed potius inspe-
cto

Et o usu, & seruata cōsuetudine loquendi, qua si quis elegantius scribere mallet, non legeretur. Quare fuit consuetudini mos gerendus, & inseruiendū scho-
læ. Sed quid hæc tecum tam fusa, cui hæc dudum fuere perspecta, & comperta? Equidem nisi me nonnulli coegissent hæc scribere me adhortantes ad limatiorem stylum, hæc præterissem, sed partim stimulant, partim mordent, alij desiderant, quod plane ignorant, Mitto ad te cum his literis Ascanium meum peccupidum tuæ consuetudinis iuuenem mihi uehementer probatum, ut sit tibi charus, & studio sus uirtutum tuarum, quem complectaris obsecro, ut me pari pietate, & benignitate consuesti. Quicquid enim beneficij in illum contuleris, in me redundare non dubitabis; procul enim dubio conditio hominis tibi admodum placebit, & gratissima erit. Quare abs te peto, ut lectis meis literis eum accersas, & mei causa eidem polliceare quicquid potes, quod quoniam satis confido fore, non repetā pluribus. De me uelim sic cogites, nihil mihi uel potius, uel antiquius esse, quam tibi inseruire, & tuis mandatis obtemperare. Vale M D X X X I I.
Die prima Ianuarij

Lucilli Phil. Epist.

LVCILL. PHILALTH.
artium, Medicineq;
professor.

AEGIDIO CARDINALI
Viterbiensi grece, hebraiceq;
doctissimo.

NON fecisses tam memorabile rei familiaris
naufragium, nec tam insigne bibliothecæ
tuæ detrimentum accepisses, si in his fides
fuiſſet, in quibus eſſe debebat. Urbem milite perfido,
& auaro diripi, expilariq; penitus, & uſque ad ſa-
cra Deorum, non incuria Clementis optimi, ſummiq;
pontificis, ſed nimia quidem ſædericum Gallo, &
Veneto fiducia non uidiffes, aut audiſſes a tua fuga,
quam cœpiſti ſapienter cum ſocys tuis, iccirco non
ubique tuta fides, nec ſecura quies, Nam ſemifrons
homini facta eſt, cum Androgynus ille primus ho-
mo in ſympoſio Platonis fronte fuiſſet undique cin-
ctus ſub capite, Qua de re nulli aut per paucis fiden-
dum, Doleo nimirum uicem tuam, & caſum ſibi ob-
tigiffes, cui prouidendū eſt, & potes prouidere pru-
denter. Te Romæ eſſe ſaluum, & eodem acceſſiſſe
ſoſpitem lætor, & gaudeo. Hoc ſperabam de tuo di-
ſceſſu

Liber secundus . 93

*scessu a nobis, de quæ tuis itineribus, sed spes non om-
 nino certa est, nunc certo scio, & triumpho pene
 de tua salute, quæ mihi atque mea lux chara est.
 Quapropter iocundissimum mihi fuit ex tuis gratio-
 sissimis literis cognoscere & iter prospere tibi fuisse,
 & te hodie bene ualere. tametsi etiam ex aliorum
 nuncijs, & literis idem intellexerim, quibus nõ æque
 afficiebar atque tuis, quæ essent humanitatis, & gra-
 titudinis plenæ, & indices tuæ naturæ, atque bene-
 uoli animi erga me tui, cui nempe debeo quicquid in
 me honorifice sentis esse, & præsentire cæpisti ab
 eo die, a quo sum auspicatus tecum inire gratiam &
 tuam personam te dignissimam mihi conciliare quod
 cum diu ante efficere desiderio flagrassem, quam eue-
 nit (Erat fama præclara circumfusa doctrinæ tuæ
 atque uirtutum) tandem illuxit illa dies mihi fæ-
 lix, & fausta me applicandi ad obsequia tui, & te
 ex corde, & spiritu omni plurimum diligendi, cum
 in te eniteat omnis animi pulchritudo, quæ me mo-
 uit eo usque, ut te colerem, et obseruantia prosequer-
 rer, ut item quoaduixero colam, & prosequar dili-
 genter, quod tibi, & tuæ excellentissimæ doctrinæ
 opto, & statuo persuasissimum esse, tam & si desunt
 mihi rationes persuadendi, Vnum tamen inditium
 est in mandatis tuis, quoniam quicquid mihi manda-
 ueris curabo auidissime exequi, De meritis erga
 me tuis, atque de officijs non scripsero quicquam.*

Nondum

Lucilli Phil. Epist.

Nondum etiam data, aut præbita est occasio experiundi authoritatem tuam, confido tamen, quoties mihi opus esset tua persona peramante mei, uti ad obtinendum aliquid, pro ea quæ tua est naturæ bonitas, & gratia te non defuturum unquam, uerum tamen neque hac de mea fiducia te amo mirum in modum, sed de ornamentis egregijs tuis, quæ sunt Phæbo illustriora ubique fere mortalium perspecta. Non enim ex futuris, sed ex iam habitis, dijudicatur homo, De tua futura gratitudine aliàs, nunc emetior uires uirtutum tuarum, ingenij, & industriæ, quas contemplor, & in contemplatione meditor cuiusmodi potueris complecti tot disciplinarum, & linguarum scientiam exacte, quippe qui etiam uel concionando, uel legationem in Hispaniam pro sede summa pontificum obeundo nunquam conquiesisti, nec multum otij tibi fuit. Idcirco omnem artem, & disciplinam ingenio tuo peracri tribuerim, quo diuinitus, & cum summa laude gestorum tuorum te gessisti, & eatenus quidem, ut prius te cooptatum in collegium cardinalium audiueris; quam cuperes, Hæc tibi præuisa fuit dignitas de sacrosancto Pontificis imperio optime merito, quæ accessio, aut quale premium uirtutum tuarum omnibus Europæ bonis magnæ uoluptati fuit. Nemo, si quæ a puero bene recorder, extitit uir literatus, qui id sibi gratissimum

non

Liber secundus . 94

non putaret . Vide quid , & quantum ualeat commendatio uirtutis . & maxime tuæ , quæ te amplissime illustrauit , & ab Heremitano ordine in supremum prouexit pontificum consensu , & commendatione omnium . Quoad enim egregiam concionandi operam exercuisti nemo uel arte , uel doctrina te superauit , quod noueris facultate oratoria uti , atque foro dicendi . Tua si quidem oratio uernaculo sermone limatior , & perpolitior sale , lepore , facundia , uenustate eloquentiæ abundabat cum quadam religione admirabili . De legatione tua ad Regem Hispaniarum non dicam amplius , nisi quod testimoniū tuū inuerit Ecclesiā , et tua diligētia prouiderit casibus , qui potuissent contra Deū , et fidē catholicā incidere , ob id Romam reuersus es cū laude et opinione etiā maiore , quā expectabas , inde amabilius uisus es , & pontificio gradu dignior , Quibus de rebus non breui solum designatus , uerumetiam declaratus fuisti cardinalis dignissimus , quæ dignitas multo ante deberi tibi intelligebatur , quam eam adeptus sis , De qua alio loco pluribus , nunc Fabricio isto sane homine , qui has tibi redditurus est literas grece erudito uitor quam familiarissime .
A me diligitur prope unice cum propter ingenium , tum ob singularem modestiam . Quoniam Romæ mansurus est donec de pensione quadam sibi quotannis reddita nuper in controuersiam adducta declaretur ,

Lucilli Phil. Epist.

declaretur, tum tibi etiam, atque etiam commendo,
non ignarus quantum fauor ualeat personæ tuæ. fac
quæso, ut intelligat quanti me facias. Vale.

M. D. XXX. Non. Aprilibus.

LVCILL. PHILALTH.
Artium, Medicinæq;
professor.

LAMPRIDIO SVO

S. P. D.



EXPECTANTI mihi uel hominem, uel
responsum, neutrum adhuc obtigit. perual-
de suspicor te spe adductum non posse adhuc
decernere. nisi & tu expectas responsum; si non oc-
currit qui tibi uideatur ad eam prouinciam idoneus,
desine de hâc cura macerare, & scribe quamprimû
cuiusmodi res se habeat, Caue putes ob id officium
tuum minus ponderis apud me habiturum. Certo
scio te non defuisse desiderio nostro, Quod si etiam
tibi præmanibus est, qui hoc munus obire digne, &
cum

Liber secundus. 95

cum gratia possit, adhuc integrum est hunc ad nos
mitteri. etiam collaudabitur, Interim potuisses ex-
periri quid animi Ioan. Bernardus Felicianus ha-
beret, quo de homine nobis bene, & Cardinali nu-
per nunciatum est, & multi honorifice loquuntur,
quamquam nuncij, & hi certi illum aperuisse lu-
dum affirmant, ad quem nobilitas Veneta confluit,
tanquam ad officinam cudendi, & procudendi ora-
toris, & in quo utraque nitet eloquentia cum
græca tum latina, nec non sæpe Græcus Orator
cum Latino confertur. Verum perpaucae extant
orationes latine præter Tullianas, & multæ græ-
cæ non Demosthenis modo, uerumetiam Isocratis,
Xenophōtis, ac Themistij, utinā illæ Crassi, Antonij,
Hortensij uersarentur in manibus eruditorum, tum
facile cerneretur comparatio, tametsi unus pro cun-
ctis Græciæ oratoribus Cicero meo Iudicio, mea qui-
nimo cēsura haberi potest, omnes enim laudandi præ-
cipue in suo genere, Cicero nunquam plene laudari
poterit, de quo aliter nec tu (mi Lampridi) sentire
debes, qui Græcorum aliquando suscepisti patrocini-
um. Sed redeo ad illam personam, quæ fuit superio-
ribus literis quæsitæ, nuper ex Hetruriæ genere uir
bene doctus, non tamen græce admodum peritus se-
se nobis obtulit, qui credebat de latinis literis sibi ne-
gotium solum dari, ut audiuit requiri hominem, qui
præcipue græca norit, cōditionē recusauit, Ac græ-

cus

20 Lucilli Phil. Epist.

cus natione Petrus quā Phanereus incidit in manus
 nostras græce doctus, parū aut latine, Nec ad rē no-
 strā hic aptior habitus est, Quē ergo cupimus, hūc pro
 cōpto habes. hūc q; gratissimū fore putamus, si gra-
 uissima authoritas tua intercesserit, quæ hominē col-
 laudet, id non nobis solū admōm gratū, sed etiā cardini-
 ali maxime, et optatū speramus, nec minus nobis io-
 cūdū fuerit, si de rebus tuis, et de fortuna nos feceris
 certiores, Romulus te unice diligit, et tibi bene esse cu-
 pit. Crediderī ad te illū scribere uelle. Cōsiliū hominis
 q̄so nō spernas. Ex īrimis cordis penetrabilibus p̄sefert
 te plurimi facere. Quicquid de te loquitur, etiā sētit.
 loquitur quidē q̄ honorifice, et tuā doctrinā laudibus
 effert, atq; si quis est, qui hac de re animū illius cogno-
 scat, is plane sū. Vtinā posset et fortunā tuā admira-
 ri, id etiam lubētissime faceret, sed quādo te uellet eo
 euectū uidere fortunæ, ut ualeas cum laude rē litera-
 riā iuuare, et augere, obsecrō cōsilijs auscultes, et te-
 ipsum prēbeas, qualē te uidere, et habere Gymnasia
 eruditorū p̄cupiūt. Hæc puto prudēti satis esse. De
 meis studijs si aues aliquid scire, nihil ī primis esse, uel
 antiquius mihi, quā dies, noctesq; cogitare de literis
 scias uelim. Hæ sunt cordi, Hæ animo semper. Hæ p̄
 oculis. conficior itaq; prope desiderio adipiscendarū
 bonarū, & politiorū literarū, quo si fraudabor, culpa
 omnis ascribenda fortunæ, nō meæ uoluntati, Vale

M D XXXII.

Kalen. Decemb.

LVCILL.

LVCILL. PHILALTH.
Artium, Medicineq;
professor.

IVSTINOPOLITANO
de morte patris
sui.

*

DE obitu patris tui, quem te amisisse putas
non est cur conquerare, Nam ille sa-
tisfecit naturæ, & fato simul, ac posteri-
tati viam monstravit, quæ una est omnibus, quæ
oriuntur, semel occidere, idque præscripto morien-
di spatio, quale preteriri non potest, nec differri.
Mors sola Dearum nec precibus flecti, nec donis mi-
tigari patitur. Aristophanes comicus ille poeta hæc
reliquit in Ranis, Mors nescit donis nec precibus flecti.
Hinc illud mori necesse est, quæ necessitas nulli corpo-
ræ moli parcit, nec syderibus, nec ætheri, quæ quo-
niâ partibus renouantur, nobis videtur, et Aristoteli
sepiterna. At uero hæc etiâ suis statis spatijs peunt,
ut quoq; Apollo deniq; restitutus uideatur, quoties
partibus reficitur. Hoc Plotinus uidit in libro suo de
cælo cū Stoico forte, sola incorporea æterna sūt, Re-
liqua

Lucilli Phil. Epist.

liqua coagmentata dissolui possunt, quare lege naturæ erat patri tuo uiro optimæ conditio facta, ut moriendi finem faceret. Quid nam hæc uitassi a Sophocle secundo in sapientia, iudice Aristophane, aut ab Euripide primo, petas, nisi continue mori? Et unde ipsi moribundi, aut mortales? Habet quisque intra præcordia lætale uenenum sine antidoto. Hoc uenenum uel necessitas est, uel hyle, aut materia uicissitudinis origo. Quicquid in sui fabrica id ueneni sumpsit, tandem tabescat oportet. Dij quia immortales esse uoluerunt, hoc ueneno liberati sunt, Ac non illa solum conditio lætalis ueneni, priuatio, & cupido immensa materiæ facit nos mortales esse, sed etiam coagmentatio corporis ex his, quæ pugnantibus inter se qualitatibus æstu, gelu, arido, udo dissolutionem moliuntur. Primum diu simul, & semper in eadem machina, & mole esse non possunt, Dein cuique innata cupiditas redeundi eodem, unde discesserit, statum coagmentati corporis non sinit conquiescere. Et ignis ad ignes, & tellus, atque reliqua elementa ad primordia redigi petunt, Redigi autem non possunt sine dissolutione corporis, quale etiam si more medicorum quadratum esset, ac optimi (ut aiunt) habitus, semper manere in uita non quiret. Laceffitur iniuria cœli, & temporum uicissitudine. Læditur aduersis, Nec ex adamante, aut marmore constat, perfacile quidem afficitur, & contaminatur,

Liber secundus. I 97

contaminatur, quoniam si temperies in quadam symmetria est, & tono, quam leuissimo negotio hæc musica dissonat. Et quando quæ ad corpus attinent bene essent composita, & ad perpetuum statum propensa sine momento ad interitum, attamen animus libertatis cupidus ab hoc corporeo carcere eximi, & ab eius uinclis in libertatem sese uendicare pro uiribus conaretur, ne detentus perpetuo uim feret, & a beata uitæ suæ consuetudine inter astra procul permaneret. Equidem facile suspicor quando ille mærore, & dolore afficiatur dum abest a cætu beatorum. Quinimo, ut tibi uere fatear quod sentio, interdum rapior ad meditationem eorum, quæ in hoc curriculo tragiædarum gessi, necnon enumero gesta, metior momenta uitæ, considero quid ægi, quid cæpi, sed quoties suspicio cælum, meam uicem doleo, atq; interdum angor cogitans mihi non obtigisse locum in cælo, ubi lux semper sine tenebris, uita sine morte, uoluptas sine dolore uiget. Magnum animo contemplanti uideri solet, & admiranti quid sibi obrigerit magis corporeo carcere animantis contineri, quam in æthere longe lateq; potiri felicitate. Quare etiam, atq; etiam tecum considera (mi Aloyfi) nihil inuitius animo, & mente, quam diu preui exulem tanquam a patria procul, & uinclis districtum, quæ si frangere ante præfinitum libertati diem ei licuisset, & euadere in libertatem, crede mihi non usq; ad senectutem

N hominis

Lucilli Phil. Epist.

hominis contineretur in custodia, iam omnes ossium
articulos, & nodos fregisset. Iam ligamenta per
omne corpus dissoluisset, tendines incidisset, nervos
amputasset, reliquisset, spiritum deseruisset, san gu-
inem etiam in fibris destitutū, & calorem extinctum
iri siuisset, sed quia legibus cautum est, ne quis custo-
diam iniussu magistratus effugiat, iccirco retinendus
est animus usque ad supremum diem, Vbi nam ante
exiret, indicta est illi pena circa corpus, & sepulcra
errare Plotino asseuerāte quoad diem implevit prae-
scriptam e uita migrandi, quibus persuasissimum ti-
bi esse puto, quod si corpus suapte natura indissolu-
bile uideretur, aut Balsamo, uel cera illitum, ad quē
modum seruantur cadauera a Persis, & Aegyptijs,
tamen haec lux defutura esset nobis animo hinc euo-
lare cupiente. cui rursus si ardor esset in corpore per-
petuo permanendi, hoc desiderium illi non bene uer-
teretur, nec accidere posset, nisi temere, & frustra,
quoniam facultati, cui uis finita est in mole corpo-
rea constituta, & definita denegatū est posse ibi sem-
per consistere. Equidem omne finitum aliquando
finiat, oportet, Animus, & corpus finita sunt, &
habetur a doctis eiusmodi, Quin etiam quoad ui-
tam tuendam presentem attinet, omnis nempe calo-
re fulcta est, & quoad calor natiuus membra contri-
net, uiuitur, iccirco mors ultimum terribilium, quod
omnes aequat nō aliud esse decernitur, quā extinctio
caloris

Liber secundus. I 98

caloris innati in corde, qui æternus esse nō pōt, neq;
 esca caloris, unde alitur, & sustentatur, sempiterna
 est. Absumitur indies, & resarcitur, sed nunq̃ æque.
 & eodem sane modo, Iccirco tabescit, & senectus ta-
 cita obrepit homini, cui deniq; mors est consumptio
 humidi naturalis, Quare mortaliū nemo ad immor-
 talitatē aspirare duce natura pōt, suā agnoscat fra-
 gilitatem necesse est, deq; se bene sperare, etenim ter-
 ra altrix deorum, & hominū instar puncti in medio
 mundi ēt si uniuerſa coleretur, & fructus proferret,
 nunq̃ suis prouentibus posset tot homines natos su-
 ſtentare immortales. iccirco prouisum est, ut paren-
 tes heredibus cedant bona, & pueris senes, Ac cuiq;
 suū, ut ita dicam trimodiū frumētī natura dedit, quo
 absumpto moriendū sit, ne posteritatis usurpet ali-
 menta, qui antea uixit. Itaq; patri tuo tibi sane cha-
 riss. fuit moriendū, ne consumpsisset quantum ad te
 attinet, cuius obitum, nec deplorare nec collacrimare
 debēs si uiues, qui certo scias stulte nos lugere, quæ
 uitari non possunt. Senex obiit diem suū, & obiit cū
 summa laude factorum, te reliquit & fratres tuos
 aptos toga, uel armis, spiritū exhalauit in pace, Deoq;
 se plurimū cōmandauit, tamq; presentibus, quam ab-
 sentibus liberis bene dixit, concordia præcepit. Quid
 queris? Quod si patrē putas amissum, aut mortē in-
 malis numeres, abes tu quidē a uero lōgiss. Nec ami-
 fisti parentem, nec mors aliquid mali affert, Ami-

N 4 sisses

82 Lucilli Phil. Epist.

fisses tu illum, qui ex hac uita solum discessit, nisi tibi uiam, & iter sui conueniendi monstrasset. Et a puero cepit tibi iter ostendere bene uiuendi sine iniuria propinqui, & querela proximi tui, quoniam donec hac luce frueretur, uixit perinde, atque semper sibi esset moriendum, quam uiam si ingressus es, & de ea non declinabis, nec ab orbita uirtutis animum flecteris, annuncio tibi fore, cum illum inueneris, & amplecti poteris, qui & Deo gratias egerit, quod te in regno beatorum conspiciet, & in his locis, in quibus æuo perfruuntur, qui iusticiam, pietatem coluerint, & se bene in hac uita gesserint. Abest igitur tantum, ut amiseris patrem, ut potius retineas semper meliore in statu, & conditione ampliori, quippe cum adeptus sit sempiternitatem, ubi semper illi bene, & nunquam male, ad quem salutis, & gloriæ portum sine intercedente obitu nemo peruenire potest. Mors porro finis moriendi, initium est, unde euolat animus ad uitam sempiternam. Quam illi pessime quidem mortem malum opinantur, si est occasio uitam tranquillam, & beatam uiuendi. Hac traducimur ad optatum, & diu præuisum beatitatis nostræ locum. Vnde potes te ipsum leuare mærore, quem animo concepisti, teque ipsum consolari uehementer. Quibus hætenus potui argumentis te leuare molestia, aut mitigare accerbitatem doloris tui non re-

Liber secundus. 99

cusaui hic uti breuiter, ne abs te hac de re offitium
requireretur meum, ne item mærori succumberes,
cui pene te succubuisse ex literis tuis cognoui. Sed
beus tu? Erige animum, memento nos morta-
les conditos, cogitato miseras nostri generis. Per-
pendito unde orti simus, & qua seruitute urgea-
mur corporis nostri, quibus morbis, & molestijs
premamur. Si enim seruitutem grauiter, & mo-
leste ferimus, quanto magis perpetuam seruitutem
quæ debetur curis, cogitationibus, corpori, filijs,
parentibus? Quare noli committere, quin sis ani-
mo forti, & magno, quintibi persuadeas, si mor-
tuis sensus est, patrem tuum affici hoc tuo mærore.
Desine ergo, ne etiam ille mæreât, & sua fraude-
tur quiete, Vale & me certiore feceris de om-
nibus rebus tuis. **M D X X X I I . De men-
se Februario.**

N *ij*

LVCILL.

Lucilli Phil. Epist.

LVCILL. PHILALTH.

Artium, Medicineq;
professor.

BEMBO DOCTISS.

*

NON accipio excusationem tuam, quā reddis, quamobrem non ante literis meis a te redditum sit responsum. Ea tamen ex parte, quatenus te cogitabas propediem nobiscum fore, totum id nosco, & probo. Nam auide expectabamus personam tuam, quæ nos hilaritate, gaudio compleuisset, Ut audiuit te aduentare nostra officina ad nos, tuo uel nomine recreata est, Quid se te de facie inspexisset, cogita quo exiluiisset gaudio? Obuiam tibi uenire constituimus, Verum adhuc speramus nos id facturos, Atque hæc cum socijs, Quoad me attinet gratum fuit officium, erga me tuum, & tua magis propensa uoluntas, sed longe gratissimum quod uideo tibi curæ esse, ut aliquando per literas inter nos colloquamur, & quoniam mihi facis potestatem garriendi quam familiariter. Dulcis & suavis potestas cum amicissimo differendi & tractandi omni de re, quæ in buccam uenire solet.

Liber secundus. 100

let. Amo hanc libertatem, quam nonnulli accusant, & damnant immerito, cum ex præscripto scribi mandant, nec approbent, nisi uerba Ciceronis, dum eloquentiam huius se attigisse arbitrantur. Ego multo se cius statuerim. Quamquam nemo Tullianæ orationi parem efficere potuit, & ille Senator, & Consul, Orator singularis cunctos indicendo superauit, tamen de rebus omnibus nec scripsit, nec dixit, quas ubi differere, ac eloqui cogemur sine uerbis summi oratoris disputare, & effari oporteret, itaque consultius opinor fieri, si quis se dederit eloquentiæ nulli addictus eiusmodi, ut ne uerbo quidem ab illo digrediendum statuatur, Hæc sane methodus nimium arcta est, nec sufficit, præterquam quod multi hodie putant se eo uenisse eloquentiæ, ut nisi Tullianam sapere, & redolere sentiant, At uero id est, in quo uersantur non sine errore magno, nec minus quam qui in græcis literis attice scribere, & dicere se illis temporibus, quibus floruit Athenis Orator decepti sunt. Hodie perlegi aliquot eius potius desiderij, & opinionis, quam eloquentiæ, propterea quod si dilucide, non grauius, si utroque dicunt modo, non numerose tamen, Quare satius est admirari Ciceronis locutionem, quàm se sperare tantam ubertatem dicendi, uenustatem, maiestatem consequuturum, itaque amemus libertatē loquendi, & scribendi pro uirili latine, & ornate.

N iij Quoties

Lucilli Phil. Epist.

Quoties ad te scribo, uellem ornatissime scribere, at quidem uis ingenij non usu diu sueta quod potest, maxime confert, Tu uero quasi a primis cunabulis uersatus es in hoc foro, inque hoc literarum mitiorum genere, igitur nosti candide, & eleganter scribere uno, eodemque perpetuo stylo tibi, tuæque palestræ innato, & proprio, aut arte mirabiliter parto, quod potius crediderim non solum quod nemo dicendi magister nascitur, sed etiam, quia summis uigijs, & lucubrationibus in eo studio ætatem consumpsisti, si porro hoc bene dicendi, apteque distincte, ornate munus & facultatem tribuo, nihil arroganter facio, sed tuo id iure quodammodo uendico. Nam differendi, & dijudicandi artem, & philosophandi scientiam multis concedo, hac etate autem nemini æque, ac tibi latine dicendi, & conscribendi facultatem attribuerem, nisi Longolius, Sadoletus, Nauagerius in hoc numero haberi possint, Veruntamen in Longolio illa imitatio non probatur doctis, si quidem quanto putat accedere propius ad Ciceronis facundiam, tanto recedit longius, In Nauagerio non usquequaque numerus, & candor cernitur, in Sadoletio non perpetuus stilus, Nisi item Erasmus Budæus æque numerari possint, In quorum uno desiderio latinitate uel, & in altero dilucide dici, & si uterque sit in primis eruditus, & græce bene doctus. Sequar igitur meum, ut institui

enco-

Liber secundus. 101

encomium latinitatis tuæ, quam obseruavi in tuis literis sæpe, & quam nec nimis ualde unquam, nec nimis sæpe laudare possum, quæ latis & si penderet etiam ex alieno iudicio approbante quod sentio, tamen sine iudice te arbitrato meo diligam. Hoc situm est in me, nec reddenda est ulli ratio, cur te plus, minusue, aut breui uel diu diligam, Vidisti tamen causam amoris, cui debeo, propterea quod me homini de uirtutibus meritissimo conciliauit, & gratiofo adiunxit. Reliquum Victori Trincauello obsequi non possum. Haud enim integrum. Iam fere dimidium operis impressum est. Doleo iacturam fieri, sed bono animo sit uelim. Nam qui Græcos Philoponi commentarios legere maluerit, non emerit latinos a me nuper factos, Quod si etiam antequam cepisset Scoti officina hos commentarios imprimere, ad me uerbum scripsisset, forte hos continuissem domi, quoad bonam græcorum partem uendidisset, Nunc non meum est interpellare Scoti desiderium, neque intermitte iubere sine magno impressoris detrimento. Ea item de re nuper ad me Tramezinus scripsit. Verum si quid potuissem Trincauello & Tramezino concedere, id omne tua causa fecissem. Assumas quæso hoc onus, si iustum, aut æquum tibi uidetur impetrandi a Scoto, ut aliquantisper ceptum opus suspendat, & intermittat imprimendo quoad illi aliquot uolumina uendiderint, persequi, & id erit uilhi

101 Lucilli Phil. Epist. I

mibi pergratum, quia puto tibi id fore gratissimum,
De Lazaro Bonamico, & de uestra mei honorifica
mentionem amo utrunque sane uehementer. Heu
quam sim fortunatissimus homo, de quo uobis sit
cura, & mentio sed uos obsecro, & obtestor per
lares, uirtutem, ut debitorum meorum aliquam ra-
tionem habeatis, quoniam si ad cumulum qualiscun-
que exigua accessio fit, non habebo sponforem, nec
uadem, nec ipse creditoribus satisfacere potero.
Vale M D XXXII. De mense februar.
Bononia.

LVCILL. PHILALTH.
artium, Medicinæq;
professor.

ALBINO LVDIMAGISTRO.

QUAM tibi bene, Quam maxime for-
tunatis, & principibus te gratiosum fore,
quam te diu ualere cupiuerim, ex teipso
me tacente intelligere potes. Nunc gratulor tibi
& gaudeo te ab Hercule Gonzaga amplissimo Car-
dinali amari & plurimi fieri, quod & si cognoui ex
uerbis amicorum tuorum, tamen præclarum huius
rei

Libec secundus. 102

rei in testimonium fecerunt nuper literæ tuæ . quibus nihil iocundius, De amore tuo erga me non fuit necesse exarare cum testificatione ueteris nostræ consuetudinis , iampridem monumentum extitit, idq; in memoria incisum, uel potius uideas uelim si quid possum, & iube . Ab amico tuo multam tibi salutem . si Mantuam proficisceris , Endimionem meo nomine salutabis . huic item a Ludouico Buccæ ferreæ salutem dixeris . Endimion est intimum uiscus Cardinalis hodie , qui cum amicitia tibi intercedat , & gratia necesse est , Vtere dexteritate tua apud omnes, ut his te reddas charum, & per amabilem . Multum uendideris, & parum emeris . Curia hæc una sapientia est . in qua nihil excellentius , quam dolo uicisse dolum, & uno uerbo finge, ac simula, quoniam uiuitur arte . Vale M D XLII .

De mense Septembri .

Lucik.

Lucilli Phil. Epist. I

LVCILL. PHILALTH.
artium, Medicineq;
professor.

TRINCAVELLO PHISICO

Grece, Latineq; do-
ctissimo.



EX TREMV M fere literarum, quas pau-
cis ante diebus ad me Bembus misit me coegit
te de Philoponi commentarijs latine impri-
mendis facere certiozem. Et sine Bembi pera-
mantis tui, & utriusque nostrum amicissimi autho-
ritate, tua apud me multum ponderis habet, Vel
paucissimis poteris significare mihi aliquid de tua
uoluntate, & continuo respondissem literis tuis.
Iam pridem opus est in manibus Calcotypi. Meum
non est, & si a me editum sit. Accepi nummos
aut coronatos quinquaginta a Scoto. Tradidi
commentarios, & pene dimidium impressioni man-
darunt Typographi. Non amplius sudant, &
algent hæc apud me commentaria. Nec meum
est,

Liber secundus. 103

est, si uellem rursus recenti pensare trutina. Hac
de re scripsi ad Bembum, qui si æquo Ioue posset,
ab officinæ magistro dilationem absoluendi operis
obtineret. Utinam me præocupasset uel leuissi-
ma admonitio tua, Equidem non dedissem editio-
nem meam antequam tu redemisses bonam impen-
sarum partem, quas in græcis imprimendis consum-
pisti, Quamquam existimo non fore hanc nostram
latinam impressionem tibi dispendio, Qui græce
didicerit, commentarios græcos potius in manibus
sumet. Ego nempe, qui latine conuerti, græcos
malo, quam meos latinos legere. Spera igitur fo-
re permultos eiusdem opinionis, & decreti. Conuer-
si quidem sunt istiusmodi ob græcarum literarum
ignaros, ut deserant illos commentarios, qui ali-
quorum somnia, & non Aristotelea sensa inter-
pretantur. Coeterum propediem tradam im-
pressoribus Topica Aristotelis cum Alexandri com-
mentarijs primus ipse interpres. Vnum dolen-
dum, quod manca uideo, & mutila, necnon conci-
sa. Diu est, quod omni studio, & diligentia, quæ-
siui meliora, nec reperi, & quæ nactus sum libra-
rij manu scripta, hæc ipsa legi deprauata magis, &
corrupta sæpius. Nec te celabo diu me ancipitem
fuisse, cum in utranque partem aut uertendi, aut
non uertendi occurrissent mihi rationes. Vicit ar-
dor officinæ, quo flagrabam, qualiacunque essent, eius
modi

80: Lucilli Phil. Epist.

modi typis, & formis mandare. Dudum me oppres-
sit summa xl. coronatorum, obsignauimus pactum,
obligatæ fidei deesse nō possum, idem pepigi de libris
sophistarum, interim si quid est, quod cupis retarda-
bo edere atque consignare manibus officinæ. Vale
& Tramezino a me dices salutem. **MDXXXII**
De mense Octobri.

LVCILLI

PHILALTHEI


Primi Tomi

Liber Tertius Epistolarum nuper editus.

Lucil. Philalth. Artium

Med. professor.

HIERONYMO NIGRO

*Græce Latine fa-
cundissimo.*

I SEMEL possem te de
facie uidere denuo, ut
spectrum tui in corde,
& in oculis fero, quod
certe animo concipio,
id oculis perspicere lu-
culentius, sed facit inter-
capedo locorum, ne in
te intuear, teque allo-
quar, & si facere nequit, quin de te sæpe cogitem
homine mihi amicissimo, & in primis erudito. Habeo

enim

Lucilli Phil. Epist.

enim phantasma in ea facultate animi, quæ suggerit memoriæ monumentum ueteris inter nos necessitudinis studiorum, in quo sunt incisa altius exempla uirtutum tuarum probitatis, modestiæ, prudentiæ, consilij, atq; doctrinæ tuæ imago singularis, quibus quoties uolo, me oblecto memor tui, & consuetudinis nostræ, inde ob oculos obuersari uidetur figura uultus tui cum quadam incredibili letitia de dignitate illius nuper, quem semper coluisti, & laudibus extulisti ad cælum, & tibi tanquam numen proposuisti in terris. Optatissimo nuncio certior factus sum, Contarenum nostrum in collegium Cardinalium cooptatum cum summa Pauli III. summi Pontificis nunq̃ pro diuina sua providentia, & pro sua singulari uirtute laudatis satis commendatione, omniumq; pontificum uerbis, & suffragijs, Quid quæris? Amicum, & peramantem patronum habes eo euentum celsitudinis, quo prouehi semper sperasti. Nunc Romam redire licebit, a qua discesseras a preda, a milite diripiente omnia non sine iactura suppellectilis tuæ, & magno incommodo, Quinimo audio te ab epistolis Cardinalis fore, de qua accessione tibi gratulor uehementer, sed non possum non conqueri de tuo silentio, quippe qui taces tantum mysterium letitiæ nostræ, nec amicissimo tui uel nuncio, uel literis significas, Iccirco expecto me liberes hac querela, quā primum uel schedula de hac dignitate homini meritisimo

Liber tertius. 105

ritissimo collata. Confirmabis tuo testimonio animi
 mei uoluptatem, & lætitiā, & debebo id tibi, præci-
 pue, si addideris cum quo elogio Senatus Venetus eū
 ipsum approbarit, Nam ad me allatum est in medio
 Senatu nuuciatam fuisse illi dignitatem, ac partim
 hanc collaudasse uoluntatem summi Pontificis, par-
 tim doluisse amisso a Rep. tūto Senatore, qui optimis
 consilijs patriam iuuabat, Verum patria nunquam
 ciuem bonum, patricium optimum, Senatorem pru-
 dentissimum potest amittere, quoniam ubiq; semper
 est illius memor, & defensor, Vbiq; opem in aduer-
 sis affert ubiq; Reipub. operam nauat, Et precipue
 Gaspar Contarenus, qui in omni philosophia didicit
 quo animo esse oportet semper suam erga patriam.
 Tantum porro abest, ut eum illa amiserit, ut potius
 sibi tanto munere, & ampliſs. gradu hūc deuinxerit.
 Reges solent quotannis quibusdam Cardinalibus pen-
 dere honorariā stipem, ut habeant qui in comitijs pō-
 tificum patrociniū sumant eorum, Senatus autem
 Venetus id obtinet gratis ob fidem, & constantiam
 ciuium, Quare eam uocem Senatoriam de amisso Cō-
 tareno non duxerim prudentem, si quidem amittun-
 tur etiam domi, & in media urbe ciues male de pa-
 tria meriti, atq; prauī. Boni uero nusquam gentiū
 deficiunt a laribus patriæ, Vt ille nunquam defuit
 natus educatus, sumpta uirili toga, in omni munere,
 neq; posthac deerit, cum etiam Reip. hanc dignitatē
 O acceptam

Lucilli Phil. Epist.

acceptam referat, & agnoscat pietatem, & amorē patriæ suæ, Quis audito nuncio Senatus non cæpit uoluptatem? Quis non gratias Paulo III summe de uirtutibus merito non censuit habendas? Quis non congratulatus Contareno hanc illi dignitatem accidisse multo ante præuisā, & optatā cēsuit? Quid de uniuersæ urbis, & populi lætitia, ubi rumor ea de re increbruit dicam? Pueri, adolescentes, lectissimæ feminae, Matronæ nobilissimæ docti, indocti æque consilium summi Pontificis collaudarunt, quod hominem, & patritium integerrimæ uitæ, doctrinæq; singularis illustrissima pene summa dignitate merito p ornasset, qui non solum collegio Pontificum, uerū etiā christiano orbi usui, & ornamento fore posset. Hinc ad nos propere nuncius uenit de concursu ciuitatis ad domum eius. Taceo affines, & amicos, quibus est mos congratulatum ire, Tu tamem de his omnibus nihil ad me perferri mandasti, qui tibi persuadere quiueras quanta me affecisses lætitia, si uerbo, uel literis id mihi significasses, nisi hoc summum gaudium sic tui animi uim occuparit, ut absentum nulla esset apud te ratio, Et nos cor, mentemq; habemus, ac sensum uoluptatis, & lætitiae. Hæc scripsi ad te, ut uerbum facias cum Cardinali de obseruantia mea erga illum, & quo sim perfusus gaudio, ubi mihi id com pertum fuit, Et enim nihil ut erat mihi optandum magis, quam audire illum huc peruenisse dignitatis,

ita

Liber tertius. 106

ita nihil iocundius a primis cunabulis uitæ usq; ad id
æui obrigit mihi, quam illi mandata, atque tributa di-
gnitas, itaque de omni triumpho, & statu eius ad
me, quicquid erit, curabis perferri, Interea increpet
Lyra cum dulci carmine lætis, & pangat Niger car-
men diei, quæ nobis illuxit serena & tranquilla per-
petuo memoranda, de qua æque, ac de natali Mecæ-
natis cum nostro Poeta Horatio canerem. Vale
M D XXXV. De mense Iulij.

LVCILL. PHILALTH.

Artium, Medicineq;
professor.

GASPARI CONTARENO

Nuper creato Cardinali
amplissimo.



CVM Deum Opt. Max. Sæpe præcatus sim,
ut tui causa aliquando illi immortaleis gratias
agendi mihi daretur occasio, nuper præbita
est maxime quidem, cum te in summo magistratu, &
celfissimo honoris gradu conspicio, quem nō tam me-
ritis tuis, magnitudini consiliorum tuorum, integer-

O ij rimæ

Lucilli Phil. Epist.

rimæ uitæ Maieſtati, incredibili prudentiæ, ſingula-
 ri doctrinæ, quam opinioni de te publice, & priua-
 tim conceptæ, uſui futuro, & ſuæ rerum gerendarū
 per te prouidentiæ Paulus III. Farnesius ſummus
 Pontifex cæteris habitus doctior elargiri decreuit,
 qui ſane ſemper Chriſtianiffimi Imperij Auguſtus
 Pontifex, & feliciffimus ob memoriam præclare ge-
 ſtorum ſempiternam cum in tabella animi ſui con-
 ſcripſiſſet, & numeraffet qui in Europa eſſent optime
 literati, doctiſſimiq; uiri, quiq; ſuis ornamentis po-
 tuiſſent amplificare, & illuſtrare etiam, atque etiam
 collegium pontificum celebre quidem toto orbe terra-
 rum, & tuam perſonam perſcribi mandauit dies, no-
 ctesq; meditatus, quomodo e tua ſereniſſima Repub.
 & antiquiſſima tequiret in ſuam adducere. Vt por-
 ro eſt prudentiſſimus ſenex diu in omni philoſophia
 in politioribus literis, & in adminiſtranda pontificia
 maieſtate uerſatus ſic ſe geſſit, ut te optimum Sena-
 torem cum ſumma patriæ tuæ, & Senatus gratitu-
 dine, beneuolentiaq; ac gratia euocarit ad conclaue
 principum, in quo quia ſæpe de maximis rebus, quæ
 ad uniuerſum orbem pertinent diligenter aguntur
 tui conſilij potius fuit habenda ratio, quam in comi-
 tijs rogatorum, & ſenatu tuo digniſſimo, ubi ſæpe de
 magnis diſſeritur rebus, non æque tamen, ac in con-
 greſſu Pontificum, Quare eo te acciuit, & accerſi-
 uit maximus Pontifex, ubi ingenij tui acumen, pru-
 dentiæ

dentiae uim, usus, consilijq; excellētiā mirabiliter
 posses ostendere, Quæ omnia non sine encomio pa-
 triæ tuæ, non sine splendore Contarenæ gentis, non
 sine tui fama illustri gesta sunt. Magna enim laus
 Reip. Veneræ, quod huiusmodi partus edat, & tui
 quam simillimos plurimi faciat. Maximus splendor
 nobilitatis, ac familiæ tuæ, quod te mortales cernant
 in celso, & illustri loco constitutum. Summa deniq;
 nominis tui fama, & uirtutum tuarum præmium ui-
 detur ibi consistere, unde spectata uirtus permanat
 sermone multorum ad extremas usq; gentes, & na-
 tiones. Erat enim doctrina tua tanquam gemma
 in elaborato anulo aureo iuxta, cum domi tua studia
 colebas, cum populo Senatuiq; Veneto inseruiebas,
 nunc uero plane, uelut adamas gemma ipsa eluces in
 conspectu Dei primum, Deinde uicem eius gerentis
 in orbe terrarum, mox regum & principum, ac uni-
 uersi terrarum ambitus, Quid quæris? cum tamen
 insperato, sine ulla opera mortalium, & amicorum,
 sine arte, & nummo rolatus sis inter Cardinales, ut
 que ad me delatum est cum tanto consensu eorum
 principum Christi Vicarius te nominauit, assumpsit,
 & numerauit tandem in eo numero, ut nemo esset,
 qui fere uultu ingentem lætitiā non ostendcrit cer-
 to sciens tantum beneficium, quasi iure meritorum
 in te digne conferri, & usui, honori, ornamento fore
 tanto collegio, præsertim hisce temporibus, quæ la-

O iij trant

Lucilli Phil. Epist.

trant in eum ordinem immerito, siquidem si quis or-
do est ullus in Europa, qui bonas literas, quique
bonos magis complectatur, & honestet, hic est sum-
mæ Religionis, & pietatis, Nec aliquorum facino-
ra emetiri conuenit, dum probis laceffunt collegium,
propterea q̄ nunquam gentium paria sunt cuncto-
rum hominū studia, potius immo intueri in eos oport-
tet, quorum præclare gesta decet esse posteritati, &
cuiq; prudenti exempla, Veruntamen senex noster,
& summus pater Paulus III. quo maledicentium
os concludat hoc seculo aliquot aggregauit, quos om-
nia Gymnasia confitentur esse primarios in multipli-
ci doctrinarum uarietate, Es tu (Amplifs. Conta-
rene) non una de causa uir admirabilis, & perama-
bilis semper, Quæ corporis sunt tui, animi pulchri-
tudinem indicant, Nihil apparet in ea compositione
& apertissima fabrica membrorum, q̄ indicio sit mali-
moris, si libello de phisiognomicis Aristotelis fidem
præstare ego, & tu debemus. nec memini in codici-
bus de historia animalium summi Peripatetici, neq;
in Plinianis uoluminibus locū me legisse, qui tibi ali-
quam notam possit inurere, ne quidem Momus, si uel-
let, nec Zoilus carperet, qui nescio quid notauit in
Socrate, attamen falso, & inepte. Itaq; magno indi-
tio corpus est tuum morigerati animi, & prudentiæ.
Instrumenta enim ingenium, & industriam artificū
sæpe demonstrant, æque mēbra corporis tui cum ipsa
ratione

ratione , atque humana Musica quo animo , & qua
mente præditus sis , sapiente plane , præseferunt ,
Hinc illa animi tui in corde imago mihi inscripta est
uel insculpta potius , quam cum libet contemplari me
um est tui absentis maxime , Nec mirum , ea uis est
sensus præcipue præstantioris ut scis , & dudum in
principe philosophorum de anima , eiusque facultati-
bus differente annotasti , qui rerum formas admittat
sine materia , Et literæ obsignantur huiusmodi at-
que membrana a typographo , Et in somnijs amicus
ea forma uideri solet , qua perspectus , & cognitus
fuit . Quare nulli docto , & in primis erudito mirum
sit , si sæpe uideare mihi ante oculos obuersari , Op-
pressa est altius memoria formis tuorū erga me me-
ritorum , & tuarum perpetuo laudandarum uirtu-
tum imaginibus . Etenim ab ineunte adolescentia ut
ingenium admirari meum cæpisti , & indolem lau-
dare , semper me cohorratus es , ut pergerem quod
cæpi studio , & diligentia persequi . Nam fore præ-
sentiebas , ut breui possem de me maiora , & meliora
promittere , quod nescio an hætenus sim consecutus ,
an indies consequar . Tu id uideris , Hunc mihi sat
esse uideo , si tibi persuasero , quod quidem sine meis
literis persuasissimum esse puto præter te fortasse ne
mini tantæ dignitatis accessionem chariorem & io-
cundiores fuisse , quam mihi optanti , & percupien-
ti semper tuæ personæ optime , quia sentio a te ama-

O iij ri

Lucilli Phil. Epist.

ri mirifice, atque apud te in aliquo meo numero esse
 existimo. ingenue scribo & quod sentio plane, atq;
 uere, & ex animo gaudeo te esse cooptatum in colle-
 gium Cardinalim, inque collegium famæ, & nomi-
 nis tui sempiterni cum elogio Reip. tuæ, & testifica-
 tione meritorum tuorum, quæ si sperabam tandem
 euentura humanitati tuæ, tamen maius est euenisse,
 deque hoc euentu tibi, patriæ tuæ, pontificum colle-
 gio congratulor, qua de congratulatione, deque læ-
 titia etiam ad Hieronymū Nigrum humanissimum
 uirum, & mei amantissimum, quo ille item illustre
 fecisset letitiæ meæ testimonium, scripsi diligenter.
 Crediderim (ni fallor) perfunctum officio, de quo
 illi debeo plurimum, Hunc & si lex amicitie man-
 dat, & uetus nostra studiorum necessitudo postulat,
 ut omnibus modis tuæ commendem dignitati, tamen
 opinor non necesse, quia ille perse amabilis habet un-
 de se commendatum tibi reputet, Et dudum domesti-
 cus, familiaris, intimus penetralibus, atq; recessibus
 cordis tui. Vale tui Deus opt. diu fortunet digni-
 tatem. M D X X X V. Tertio Idus
 Quintilium.

LVCILL.

LVCILL. PHILALTH.
artium Medicineq;
professor.

PETRO BEMBO.

S. P. D.

GASPAREM Contarenum ciuem no-
biliss. Senatorem grauiss. doctissimum uirum
creatum nuper Cardinalem ad me allatū est,
& gaudeo uehementer, id tibi quoque puto notissi-
mum, & iam illi congratulatum te esse, Expecto de
tua persona similem optatissimum nuncium prope-
diem, quippe cum sis in eodem albo huius temporis
literatorum, & uideare omnibus tibi diuturna serui-
tute hoc dignitatis promereri beneficium. Nam
quo tempore primum cæpisti ab epistolis Leonis X.
Maximi Pontificis esse, omnia tua studia ad obsequiū
pontificij collegij contulisti, nec munera Reipub. tuæ
magni fecisti, modo summo pontifici cum laude inser-
uies. Et potuisti nimirum in tua patria muneribus
perornari, Nihil autem tibi gratum uidebatur
potius a primæ iuuetutis ætate, quā curiæ Romanæ
operā tuā polliceri, et cōsecrare oē tēpus uitæ tuæ cū
impēsa ēt præcipue a primis auspicijs seruitutis tuæ.

Accirco

Lucilli Phil. Epist.

Idcirco non possum adduci, ut exstimem te præteriri
eum uelut filium, qui domi omnes ferebat labores, nec
pro se unquam increpasse chorum, aut semel sympho-
niam, ceu pro fratre audiuit prodigo, qui quadam pro-
fusa licentia omne exhausit patrimonium. Quam
obrem spero breui tibi gratulandum esse de adepta
dignitate, ac eo nomine etiam, atque etiam Paulo III
me debiturum sanctissimo patri, nec tam amicorum
causa, quam merito rei literariæ, quam in te hone-
stando uidetur summus pontifex cohonestare etiam
professionem eius, interim bono sum animo, & spei
confido meæ, nec puto me fraudatum iri, & si certo
scio abs te non admodum expeti metuente, ne tuis stu-
dijs, tuæ libertati, & consuetudini ea dignitas sit im-
pedimento, ob id nunquam tibi fuit quæsitæ magno-
pere, nec curis, & studio diu a te expectata, proinde
ualde confido tum ad nos uenturum nuncium, cum
nemo cogitabit de hac accessione, de qua quidem suo
tempore fusius, nunc tacere non possum uim præsagæ
mentis, & quid breui præsentio, Reliquum ad Con-
tarenum, quem prope ab ineunte adolescentia tan-
quam patrem uehementer amaui, & me illum ama-
uisse gaudeo, non quod sperauerim aliquid ab eo con-
sequi, aut etiam sperem, sed quinimo quia undiq; mi-
cat uirtutibus, quarum ergo cunctis amabilis est.
Existimaui semper ad ineundam amicitiam, & con-
ciliandam sibi cuiusq; beneuolentiam nihil potius, et
anti-

Liber tertius 110

antiquius esse uirtute . Nomen uirtutis impresen-
 tia funditur latius , nec sola uirtus a me intelligitur,
 quæ in mediocritate insideat, quinimo & quæcunq;
 rerum optimarum ars, & maximarum rerum disci-
 plina complectitur . Omnis namque ars rerum ho-
 nestarum ingenua, & liberalis est aut recte scriben-
 di, & loquendi græce Grammatica, aut Rethorica de
 præceptis oratorijs , qua cum certâ affinitatem iun-
 xere Musæ, aut Dialectica de ui differendi in omni
 rerum genere, atque dijudicandi, aut Arithmetica
 de facultate numerâdi negotijs apta aut Musica dijs
 immortalibus laudandis, & recreandis animis idonea
 aut Geometria dimetiendi magistra ædificandis etiâ
 ædibus opportuna, aut Astronomia syderum ab ob-
 seruatione profecta disciplina, cum qua est Geogra-
 fiæ magna necessitudo, totidem nimirum animi fa-
 cultates, & ornamenta homine libero digna nume-
 rari solent, præter quæ etiam philosophia omnis qua
 driportita , uel de differendi ratione , uel de naturæ
 mysterijs , uel de moribus , & legibus , uel de rebus
 diuinis . Medicinaque , & Theologia referantur
 inter uirtutes animi tanquam optimi uiri condimen-
 ta, quarum aliquot in nostro Contareno (mi Bembe
 amanti.) sic nitent, sic fulgent, ut nobis non solum
 qui illum prope contemplamur, uerum etiam lon-
 ginquis, exterisque nationibus magnæ sit admira-
 tionis . Adde eum Græce, & Hebraice scire, Adde

edi-

Lucilli Phil. Epist.

editionem nuper fere de elementis in manibus eruditissimorum uersantem, Adde integritatem animi, sinceritatem colloquii, ueritatem consiliorum, prudentiam, constantiam, continentiam, cæterasque uirtutes tum heroicas, tum diuinas, & noueris hominem ætatis nostræ aureæ cum Hesiodo magnum miraculum, etiam fateor ingenue me inuidere illi tantam beatitatem, iccirco nemini mirum si tot gemmæ dudum intra recessus telluris abditæ nuper inuenerint hunc nobilissimum, & diuinum diuinorum quidem gemarum mercatorem Paulum Tertium, sed primum augusti imperij Christiani principem, qui cura, & prouidentia eas conquissuerit, & in lucem omnium gentium, & pene in conspectum omnium populorum conferri mandarit. o ter beatissimum orbis Christiani principem, o diuinum, qui Ecclesiæ sane illuxit, ut illustraret doctiss. hominum studia, uirtutes extolleret, iustameritis præmia conferret etiam in medijs fluctibus tempestatis cum sedet in puppi, & in manibus tenet summa gubernacula rerum, similesque Contareno remiges procurat habere, ne naufragium fiat patrimonij Christi, ne maiestas Italiæ obruatur barbaro, heretico scilicet oppugnantem, unde tibi persuadebis neque tuas amplissimas uirtutes iacere posse, quarum ille nullam rationem habeat. Breui spero fore omnino, ut eximia tua probitas ingenij, præstantia,

Liber tertius. LIII

ria, iudicium maximarum rerum, insignis doctri-
na, fama perpetua, aliaeque uirtutes animi tui ma-
gnam sint auctoritatem Reipublicae Christianae al-
laturae, ac magno illi usui. ornamentoque futurae.
Quare expecto auidissime, & abs te peto, si pro-
ficisceris Venetias Contareno congratulatum, ut
meis honorificentissimis, amantissimisque uerbis.
(Mea tu esse finxeris) illum salutes, & de coopta-
tione in collegium principum eidem meo nomine gra-
tuleris, Et misi meas ad illum hac de congratula-
tione literas perhumaniter scriptas, quae meum er-
ga illum praesferrent amorem. Saltem elicies qua
gratitudine erga me ille sit, De omni tuo statu qua-
eso me facias certiores. Vale. M D XXXV.
Primo die sextilium. Bononia.

LVCILL.

Lucilli Phil. Epist.

LVCILL. PHILALTH.
artium, Medicineq;
professor.

LAZARO BONAMICO
Literatissimo.

DIVTVRNI silentij nostri causam igno-
ro, cum annorum quatuor curriculo, & inter-
uallo nullum uiderim uestigium literarū tua-
rum, uel tenue quidem, Non ob id duxerim conti-
cuisse interea ueteris inter nos mutuæ beneuolentiæ
memoriam, Quoad me attinet, formam retinui, &
amorem erga me tuum semper plurimi feci admira-
tione quidem maximarum uirtutum tuarum, quibus
nulla unquam apud me fuit persona antiquior, &
maior authoritate, nec quæ posset me magis prome-
reri, aut etiam promerita sit, quam tua per ornata
eiusmodi, ut tua humanitate, comitate, prestantia in-
genij, doctrina singulari facile queas homines affice-
re, & tibi deuincire. Me autem obligasti, propte-
rea q̃ me diligere cepisti fere unice non ulla prebi-
ta meorum erga te meritorum occasione, & quia me
dignum iudicasti tua beneuolentia, & tua gratia,
cui

Liber tertius. 112

cui me etiam esse charum sæpe gauisus sum, & enixe operam semper dedi tibi, ut quem apud te me esse uoluisti, perpetuo istiusmodi contineres. Nam id existimaui ad id, quod maxime mihi optandum statui propius accedere, & in partem fortunæ meæ accepi tuum beneuolum erga me animum. Alij hominū fauorem percipiunt, alij diuitias admirantur, alij dignitates suspiciunt, ego semper colui tuas uirtutes maxime, atque mirifice extulissē laudibus, modo potuissē, attamen non destiti præstare quod noui, & potui. Testis es tu omnibus hac in re maior, & grauior, quinimo decerne me nunquā laudibus tuis defuturum, & stabo, atque parebo decreto tuo. tametsi absque decretis tuis animo constitui quicquid possum doctrinæ tuæ undique micanti, & maxime lucenti promittere. de quibus & sæpe alias, atque cum dabitur idoneum tempus, nunc lumen amicitiae nostræ, lumen ætatis, & scientiarum Gaspar Contarenus inter Cardinales relatus est non solum summi Pontificis gratia, atque pontificum consensu, qui pro Contareno cooptando in collegium suum certatim suffragia dederunt, uerum etiam cum incredibili commendatione Reip. Venetæ, & Senatus, qui factum approbavit, & censuit tantā dignitatem in hoc homine bene positam, & collocatam. Magnum quidem, & illustre testimonium promeritorum eius, & hoc nobis tãto gratius, & iocundius, quanto euidētius

Lucilli Phil. Epist.

dentius a patria sua profectum est. Certo scio quam
 ames illum, & quamdiu illi optasti hanc dignitatem,
 qui iudicabas ea sepe dignissimum. Nunc tui per-
 fecti iudicii, & tuæ bonæ fidei habes exitum, de quo,
 & non solum hominis causa de me meritissimi tibi
 ualde gratulor, Equidem præsentio tua diuina fuit,
 & iam præclara est. Nemo non potest non perspi-
 cere diuinitatem animi tui, itaq; debes tu Deo præ-
 potenti infinitum cumulum gratiarum a quo tot mu-
 nera accepisti gratuita, & cuius uoluntate cernis
 amicum eò aduectum excellentis dignitatis, quò tan-
 ta uirtus spectabat, què cum si de me sermonem fece-
 ris, rogo illi ostendas nihil in uita mihi hoc eius gra-
 du accidisse iocundius, deq; eo a me tibi nuper scri-
 ptum cum magna lætitia, Non dubito, quin Cardi-
 nalis non interpretetur unde nascatur uere lætitia,
 qui dudum me nouit, & indolem ingenij mei sæpissi-
 me collaudauit, & mirifice dilexit, sed tamen tua
 commendatio apud illum multum ualebit, quippe cū
 in sermone ille suo de industria tua, de scientia, de mo-
 rum probitate amantissime, & perhonorifice men-
 tionem facere consueuerit, nec dubitarit te appella-
 re uere sapientiæ amatorem, iccirco in hoc munere
 pro tua, quæ est benignitas obeundo me iuueris, &
 forte illi feceris gratum, quoniam libentissime de me
 dici honorifice audit, & præcipue ab hoc genere per-
 sonarum, in quo tua excellēs putatur. Postremo q

Liber tertius. 113

tu maxime unus me cohortatus es ad peruestigationem reliquorum commentariorum, quos conscripsit Philoponus de motu auscultatorios, propterea quod quatuor primos solum, qui græce impressi etiam circunferuntur lati ne conuerti, quæso, & obsecro, ut de illis inuestigandis uerbum cum illo facias. Memini aliquando illum se facere mihi recepisse quo in meas peruenirent manus. Itaque experiundum est an in eius bibliotheca extent, & mihi concedere uelit. Nam functus munere ipse, continuo curabo restituendos, Interim dabitur a me opera usui, & comodo Gymnasiorum, ut ex nostris lucubrationibus capiant fructum illius libri merito auscultatorij, quæ nosti abstrusum, & reconditum, sineq; interprete captu difficillimum. Et tu tuis uerbis calcar adhibebis, ut id faciat libentius, quo diligentius persuaseris illi faciendum. Si mihi fuerit commodum iter ad nos, ueniam, & maxime quia moueor desiderio uidendi Cardinalis, & coram illi congratulandi, Vbi occurrat tibi Bembus illi a me dixeris salutem. Vale.
M D X X X V. De Mense Augusti.
Bononia.

P LVCILL.

Lucilli Phil. Epist.

HIERONYMVS NIGER
Græce, & Latine eru-
ditissimo.

LVCILLO PHILALTHÆO
artium, Medicinæque
Doctori.

CARDINALIS utriusque nostrum
amantissimus & quas ad illum, & quas ad
me nuncio dedisti literas, perlegit ante cænā
libenter, & auidissime, & de tua gratulatione incre-
dibilem cepit uoluptatem. Te amat, quoad cogno-
scere possum mehercle unice, & id certo scio bonis
coniecturis. De tuo ingenio multum pollicetur, de
quo nec finem dicendi fecit. (Aderant multi Se-
natoriij ordinis) donec cænare ingressi essemus. Ut
illi, si quid ad te uellet me scripturum indicavi, plane
mandauit tibi significandum se cupere te Romam cū
ipso profecturum, tuo tamen cōmodo, interea ador-
nabis iter, nec ad nos ueneris; quoniam per agrum
Bononiensem recta Romam cogitat. De Philopono
a te latine factō bene sentit, & ego illi omnino assen-
tior. Quæ de summo Pontifice Paulo III. literæ
tuæ

Liber tertius. 114

tuae diligenter, & prudenter scriptae addiderunt, mirum in modum comprobant. Adiunxit etiam maiora in eo esse, quae cuncti mortales suspicere, & colere deberent. Verum tibi huiusmodi laudationem aliquando usui fore sperat. Interea hortatur, ut quae studia suscepisti humanarum, & diuinarum rerum animo, haec diligenter excolas. & tibi persuadeas habere personam, quae te mirifice amet, & quae cum poterit perpetuo te honoribus, commodis, beneficijs augebit. De nostro aduentu faciam ego te certiore, & ab ipso Cardinali multam tibi dixerim salutem. Haec haecenus eius iussu. Ceterum uenio ad eas literas, quas ad me perferri uoluisti, in quibus non fuit necesse ostendere tuum erga me amorē, tuaeque desideria fortunarum mearum. In eodem enim nummo percussum, atque incisum est tui, & mei simulacrum, Nam si phasma retines mei in aere cordis tui, ego uicissim tui in corde meo dies, noctesque gero sic, ut siue uigilem, siue dormiam nihil, nisi quantum tibi usui, & honori esse potest, mecum animo cogitem. Fac periculum quaeso. & erit tibi ipso perspicuo luculentius quem in modum mirificus amor erga te meus se gesserit, & ostenderit ex omni parte perfectum, qui sane more Dei cum nusquam sit ubique; tamen erit & praesto quidem, Quae enim a me officia pro te gerenda ad id aui usque postulasti, leuissima arbitror. sed iube mihi maiora, & peruidebis, an te absentem

P ij si

Lucilli Phil. Epist.

si non corpore, Hoc enim minime possum, animo certe quantum queo complectar, & didicerim mandata tua facere, siquidem nihil existimo non de beri uirtutibus tuis, præsertim cum hac adolescenti pene ætate, aut prima iuuentute tu tibi tantas disciplinarum opes cumulaueris, quantas uix senex aliquis potuit, Itaque in te est, quo profecto gaudeam, in me autem, nisi quantum tua cernit humanitas nihil reperio dignum, quod tibi lætitiā, & uoluptatem afferat. Iampridē meditata, & collata sunt mea, & tua merita. Aequæ sane paria sunt, atque res, & uerbum. Nam semper es, aut maiorem ætatis partem uersatus in grauioribus disciplinis, quarum uerba cedunt sententijs, ego uero in leuioribus, unde nisi merum lenocinium, aut fucum uerborum hausi, & utinam hauserim, Ac si inanis elocutio, & illa bene dicendi, aut scribendi ratio peneque puerilis, cui non subest grauis sententia, neque tecum audeo certare sermonis lautitia, facundiaque dicendi, Hæc scribo, ut sentio, atque fateor neminem habere, qui me uincat in hac uoluptate collatæ nuper Cardinali nostro dignitatis, non quia mihi cum illo solum sit peruetus consuetudo, uerumetiam quia multo ante præsens illum fore hoc honoris gradu dignissimum, & ornamento, usuique Cardinalium collegio, Homo enim semper fuit maximæ frugi, prudentiæ, & altissimi consilij, ubi Senatum præcipue conscendere cæpit, &

Liber tertius. 115

& agere pro Repub. De quo commune cum iudiciū
 tum encomium populi est, iccirco si omnes laudes ho-
 mini sapienti debitas aggregauero ad extollendum
 hunc uirum, non uidebor meritis illius satisfacisse.
 Quare satius fuerit si me conuertero ad tua debita,
 cum fatearis te mihi debere maxime, Reposcam, &
 non sine usura quantum mihi debes. Dudum est, q̄
 tibi erat fatendum hoc debitum, Nisi soluas, breui
 te in ius uocabo, Dum omnes isti in epistolis, & lite-
 ris profitentur se debere semper, uel perpetuo indi-
 cant euidentissime se malos debitores, quod nomen
 non dimittunt, atque si nominibus se obligant toti-
 dem, quot epistolarum contextus conscribunt plane
 se deuinciunt creditoribus magna debitorum acces-
 sione. Caue ergo te multis nominibus implicēs, ut
 queas dissoluere quantum conflasti. Haecenus io-
 cari placuit, posthac serio, satis est, si reciproces amo-
 rem. De nostro discessu, seu de profectioe ad urbē
 nihil certi, Vnum tamen certo scio sic Cardinalem
 accersiri Romam, ut mature properet, Instare cau-
 sam celeritatis scribi summus Pontifex mandauit.
 In medio aestu, caneque latrante non tutum saluti,
 nec commodum censuit Cardinalis. Quando porro
 iter suscepit, quod existimo breui fore, per agrum
 Bononiensem idipsum fecerit, nisi mutet consilium,
 tu tamen non cunctaberis, quin Romam conuoles
 fractis caloribus, quō quidem, non desiderio urbis,

P iij sed

Lucilli Phil. Epist.

sed potius, ut homini de me meritissimo morem geram reuerti statui. Interim tibi de me pollicere quicquid possum. Vale. M D XXXV. Tertio Kalen. Augusti Venetijs.

PETRVS BEMBVVS

LVCILLO PHILALTHAEO

S. P. D.

CVM me Venetias contulissem Contareno nuper designato, aut etiam creato Cardinali cum summa omnium expectatione congratulatum, aliquotque dies commoratus hic essem, ad me allatae sunt literae tuae non plenae solū officij, & amoris, uerum etiam abundantes omni humanitate, & ingenio, quo & nihil mihi admirabilius, & nihil iocundius unquam uisum est. Ecquis non admiraretur non dicam solertiam, sed iam prope perfectam doctrinam tuam, & nuper excellentem, cum optatissimo nuncio ad me allatum sit de laurea meritorū tuorum, deque insigni triumpho cooptationis tuae in Collegium doctorum? de quo capi laetitiam, & uolupta-

luptatem, nunc de tua singulari humanitate, quā
ubi merita omnia uera Contareni de tanta dignitate
pene recensuisti, quibus etiam maiora a te præter-
missa Senatus noster iampridem uidit in homine ur-
bis nostræ, me etiam eandem promereri decernis a-
mantissime, & honorifice. De studijs, & uirtutibus
Contareni, & quam ille nunc personam maxime ge-
rat aptam, idoneam ad obeundum munus Pontifi-
ciæ potestati necessarium nemo est, qui me uel sit
eruditior, & qui ante hanc honoris accessionem illi,
quam ipse fore præuiderim. Est enim mihi cum il-
lo non solum ob patriam uetustas amicitiae a primis
ingenij rudimentis, uerumetiam necessitudo studio-
rum multis officijs, & his quidem mutuis confirma-
ta, Quibus sane rebus pene chara, & iocunda mihi
æque fuit, ac illi per ampla dignitas summi ordinis.
Caue porro anteponas alium mihi, qui merita me-
lius Contareni emetiri cognorit, qui penitus in homi-
nis conditionem magis introspexerit, qui amantius,
& significantius eius laudes, & promerita obseruet,
& citet locis, temporibusq; aptis, qui hæc magis mi-
rifice diligat, & nomine patriæ, cum ille quinque li-
bros de Rep. nostra accurate ediderit, & meo nimi-
rum, cui debeo omnia in patrem meum, & Bemborij
familiam permulta, & permagna quidem officia,
Et cum ex patria nobis duobus nihil esse possit con-
iunctius, te illius causa, quem uideo abs te diligi mi-

P iij randum

Lucilli Phil. Epist.

randum in modū, etiam, atq; etiā amore prosequar
 quo nec tu me maiore queas complecti cum tua Dia-
 lectica, quæ acutissimam ēt oculorum ingenij aciem
 pōt perstringere, & mihi persuadere me esse in amā
 do inferiorem, qui toto sum genere amoris superior,
 Sed lege quandiu uis argumenta e libris topicorum,
 tandiu nihil concluderis de amore amplius, quam uel
 uernaculo sermone, uel latino cecinerim. Quoties tu
 locos cōmunes aggregabis ad conficienda argumen-
 ta, ego toties meas Musas excitabo, nec perire sinam
 mille modos, & mille flammās, quibus amor ardet, et
 micat. Nec una Venus, nec unus Amor, quod mihi
 aliquando scripsisti ex simposio Platonis. Quæso iccir-
 co, & ualde obsecro, modo obsecrari feras, ne me re-
 uoces ad certandum de amore. Et te amo, amauiq;
 amaturus semper mirifice, quoniam firma iecisti fun-
 damēta mutuae inter nos amicitiae ingenteis, & æta-
 tis tue incredibiles uirtutes, Cui nam in animum ca-
 deret, aut quis arbitraretur te Encyclopædiam, orbē
 illum ingenuarum, & liberalium artium tam breui
 consecutum? O sublime ingenium, de quo ego, & La-
 zarus Bonamitus plura cū summa studiorum tuorū
 prædicatione corā Cōtarenō, & Polo Britānico Car-
 dinali artibus, & uirtutibus claro, & a Regibus oriū
 do ipsi cōtestati sumus. Tū erat frequens Polus apud
 Contarenū, & Lazarus Bonamic. mecū istuc domū
 Contareni uenerat ēt illi gratulatum, Cupit Polus
 am-

amplius te cognoscere. Gratū Contareno, & mihi feceris, immo gratis. si ad illum literas tuas miseris, & homini optime docto plane amabili uehemēterq; omnibus probato aliquando operā dederis, ut te diligat, deq; te honorifice sentiat, & nostrum iudiciū comprobet. quæ sane cōprobatio apud literatos, quos tu plurimi præsertim facis, plurimū ualebit, Interea si Romam proficisceris quōte profecturum audio, omnino efficiam, ut cum Iacobo Sadoletto Carpentoraētis Episcopo humanis. suauis. & in primis docto, quī cum mihi perpetua fere, ne dicam peruetus, & diuturna, coniunctio, & studiorū necessitudo est consuetudinē, & gratiam ineas, in itaq; perpetuo contineas. Et is est philosophiæ, & perpolitæ doctrinæ amator singularis. Cæterum tuis quoq; uerbis congratulatus sum Contareno. Id ipsum fecit & Lazarus Bonamicus, cuius cognomen nunq̃ te fraudaturum puto, nec defuit officio. Petiūt quatuor libros Philoponi cōmentariorū a Cardinali mirum in modū de auditu physico, de quibus eum existimo ad te scripturū. Postremo de promeritis meis curā precibus reliqui Deo Max. & præpotenti, De dignitate non modo aliquid non expecto, uerum et ne cogito quidem, attamen amabiliter speras, & de tua spe, tuoq; in me propenso animo, deq; beneuolis literis tuis ualde mediusfidius te amo. Vale. M D XXXV. Duodecimo. Kalen. Quintileis.

Lucill.

Lucilli Phil. Epist.

LAZARVS BONAMICVS

LVCILLO PHILALTHÆO

Phyfico Excellentiss. Græce,
latineque doctiss.

*

CONSTITVERAM animo nihil ad te scribere ante de Philoponi, quos cupis commentarijs, quam ex alijs cognouisses summam negotij. Cum uero Cardinalem summi Pontificis literis ad urbem accitum intellexi, atque moneri, ut magnis itineribus contendat, existimaui meas partes esse de hoc te primum facere certiore, & deinde non plus polliceri tibi de negotio illo, quam cum Romæ cogniturus es diligenter, quo sane responso accepto facile in animum induxi meum, Contarenum te cupere Romam, Itaque nec Patauij, nec Bononiæ te propediem sumus habituri, An te amiserò, si aberis tanto interuallo? Putarem id fore, si Lethæo ad urbem transfires, tametsi non longe a montibus te illis Apenini absfuturum præuideo, in quibus latitant laruæ, & manes (ut tradunt) ad hominum prædam, Caue ne te aliquo rapiant,

Liber tertius. 118

piant, ubi literarum, & Musarum, ac nostrum im-
memor fias. quamquam ex eo te spero cautio-
rem, quod aliàs Romam profectus es. Nunquid serio
iocari possimus? In uno non iocabor tecum, obli-
uisci te meum, qui semper ero memor tui. Non gra-
uabor ad te mittere literas, & crebro. Nam in
urbe te fore spero, ad quam multi confluunt morta-
les. Non deerunt fideles uel nuncij, uel tabellarij,
quibus dederò ad te literas de rebus meis. nuncque
te instituo procuratorem meum. hoc meo manda-
to, quo possis non posthac solum negotijs meis inte-
resse, sed etiam preesse, quæ sane sunt mihi magna,
& ampla cum amicis, inter quæ mando tibi, si me
amas, quod non dubito, primum cum ueteribus ami-
cis ut stipuleris quæ promiserò, Deinde crebro eos-
dem inuisas, & meis uerbis salutem illis dicas,
Vtrunque mihi feceris gratissimum, & eo gratius,
quo crebrius. Quod item me proprijs laudibus or-
nare conaris, & si in his omni ex parte ingenij tui
specimen se ostendit, tamen non debeo hac de re gra-
tias tibi, quoniam cognoscis tu multo plura, quæ
ipse non agnosco, Vereor ob id, ne errori tuo gra-
tias agam, cum minime conueniat. En (mi Lucil-
li) tibi imponis, si mea laudare, & admirari audes.
Quicquid sum, nec mei est. Corpus enim telluri
alumnæ, & animum ætheri debeo. Hæc scripsi
memor cuiusdam epistolæ tuæ cum doctissimæ, tum
officio-

Lucilli Phil. Epist.

offitiosissimæ, in qua te geris ieiune scribens de re maxima propter iniqua tempora, quæ probitatem, & doctrinam homini eruditissimo inuident. Sed me non celabis unquam ingenij tui excellentiam ad omnia prope. De me non est cur æque, aut plus sentias. Non me præterit qui sim, & quid possim, cum tamen commonefeceris me, ut non solum præsentium utilitate, sed etiam posteritatis memoriæ consularem, quod etiam cohortantur me facere alij & hi amicorum optimi. Nam placet cohortatio mirum in modum, nisi imbecillitas ingenij cum hoc impedimento, & onere publice profitendi coniuncta me debortaretur, aut plane a lucubrationibus detereret. Sæpe enim periculum feci, an in commentationibus possem simul, & in meo magistratu uersari digne, & diligenter? Compertum ob id habeo non sufficere tenuitatem ingenij mei, Qua de causa cum datur a publico negotio mihi aliquid ocij, totum id libenter consumo in habenda posteritatis ratione intra bibliothecæ meæ parietes, ubi nihil audio, nihil ago, nihil tracto, nisi me oblectem optimarum, & maximarum rerum studijs, ac si dici ingenue uolo, sic toto animo sæpe uersor in his uigilijs attente, ut nihil aliud sentiam, quam me ibidem esse. Et tu nosti ecstasim Socraticam in Phedone Platonis, hac est me maior occupat, quoties monumentis literarijs ad futuram memoriam inuigilo, Verum quæ cæpi plerunq;

Liber tertius. T 19

runq; non absoluti operis tempus exercendi magi-
stratus intermitteri cogit, meq; abducit aliô. Quo qui-
dem fit, ut uni Lucillo amico explanetur omnia, ut
nihil adhuc habeã confecti, aut absoluti, & quicquid
habeam noui casus, qui quotannis mihi oboriuntur,
aut et accidunt quasi omnino cæpta perire urgeant.
Certo quidem fato mutor, sed fortuna instabili quo di-
car nescio. Sciuerò quo tempore primo conquiescam.
De qua requiete ex meis literis cognosces. Postremo
de Philopono tibi conciliando qua in parte defecit a-
tua reliqui instituti manu cum nostro Contareno Car-
dinali, & Bembo coram, ac Polo Cardinali Britânico
ægi studiosissime. Et hi erunt testes sermonis de te ho-
norifici. tametsi non eges apud illum hominum ullo,
qui te illi commendet. Magnum de te ex illo audiui
tibi forte incredibile uerbum, & istiusmodi. posse de
te sibi uno polliceri quantum de multis Europæ, cui
me dixi facile subscripturum. Vale. Bembus te sa-
lutat, & de Polo amplius. quamprimum expectat en-
comium. Vale. M D XXV. Quarto idus
Augusti. Venetijs.

LVCILL.

Lucilli Phil. Epist.

LVCILL. PHILALTH.
artium, Medicineq;
Doctor.

NICOLAO RODVLPHO
Cardinali doctiss.

PHILOPONO Græco commentationum
Aristotelis Phisicarum, quas auscultatorias
uocant interpreti propediem in lucem latine
primum prodituro opto bene, feliciterq; euenire, atq;
illi patronum occursum, cuius nomine frons in-
scripta operis illi honori, & ornamento esse possit.
Itaque diu est, quod de tua persona cogito, quæ rei
literariæ primarijs probatur, & a me iudicata est
ad hoc munus obeundum aptissima, Non sum au-
sus tamen ad te de meo iudicio scribere sine Contare
ni, & Bembi consilio, quos affirmarim me plurimum
diligere, nec ante in lucem edi permittere in tuo no-
mine, quin tibi uideretur. Has ea de causa ad te ex-
aravi literas, & curavi fidelissimo nuncio ad tuas
perferri manus, & si animo inciderit suspicio te fa-
cile recusaturum id ponderis, cui quidam uidetur
coniunctus ambitus, Ne perambitiose id recepisse
uideare, ne forte rursus legem de ambitu in te ani-
mauer-

mauertere posse putes te utraque molestia in primis
censui liberandum, Etenim uirtus si quid uitij ad-
mittit, in ipsa mediocritate mehercle admitteret.
Sin autem plane uirtus consisteret in extremo, &
procul omnino a uitio abesset, cum porro sapientes
de morali philosophia omnem collocent uirtutem in
medio statu, nullam profecto a uitio penitus eximunt.
Quid si quaedam in hoc onere inesset ambitio, dum-
modo studiosis profutura esset magnopere? Ac in-
genue fatendum non fuisse a mortalibus ullum opus
institutum, aut etiam perfectum, quos ad omne non
traxerit uel ambitio, uel spes emolumenti, Verum
pex exigua laus est, & pertenuis famæ monimentum
inscribi commentariorum principio nomen optimi
principis, uel uiri de inscriptione optime meriti, sed
tamen quanta est, omnis debetur, quod nec te fugit
aut principi, aut uere literato, & huic præcipue, qui
de ipso labore, deq; editione iudicium asserre queat.
Qua de causa decreui tuæ personæ amplissimæ id mu-
neris. Nam domus tua aluit, atq; nutrit uiros eru-
ditos in omni prope genere doctrinæ, Dum porro
alumna est doctissimorum hominum, & tu alumnus
doctrinæ mihi uideris, atq; prædicatione insigni mul-
torum de tuis studiis perspectus es, et cognitus de tua
dignitate meritissimus, ac de redditibus, quos quotan-
nis tibi pendit opimum sacerdotium, propterea q̃
magna pars impensis tuendæ familiæ bene eruditæ,
&

Lucilli Phil. Epist.

Et retinendis doctoribus, quos domi habes constituta est, Id præclarum inditium, quod si amplius posses, rem literariam te aucturum beneficijs, & Stipendijs sane ad usum mortalium, Vetus enim, & uulgata est de priscis beatis, Dijsque historia, qui inter astra propterea relati fuerunt, quod rebus novis, opibus, artibus, doctrinis præsentibus, & posteros mortales iuuarunt, quos imitari principes deberent, huncque in modum promereri aram laudum, delubra cultus, monimenta rerum præclare gestarum sempiterna. Quo circa cupiditate pene incendor uidendæ diei, quæ te nobis in celsissimo gradu declareret, quem censeo tibi deberi, & merito, quod etiam pluribus docerem, nisi ad te scriberem, ob id silebo nunc hæc plura, & ad Philoponum reuertar, quem latine scribentem, aut etiam si Dijs placebit, dicentem legere, & audire posthac poteris, modo tua doctrina, non tuo nummo, nec dono faueas lucubrationibus meis, quippe cum forte sint nonnulli eius ingenij, ut putent tuæ dignitati, & amplitudini hæc monumenta laborum dicanda, quibus queam de arca tua aliquid exigere, Ego nec opibus tuis, nec tuæ amplitudini, sed plane, & ingenuæ tuæ doctrinæ mædo, & trado labores qualescunque meos, nec tuum nummum, tuum munus, sed te excellentissimum uirum, & uirtutum tuarum ergo illustrissimum studeo mihi efficere beneuolum, & mei amantissimum,
Pluris

Libert tertius 121

Pluris ſemper feci animi bona quam fortunæ, atq; ſi
horōſcopo credendum, & mediæ domui duodecim,
quas aſtronomi diuinando conſcribunt ſemper ſum
facturus, Iccirco quia in manibus habeo commenta-
rios Alexandri Aphrodiſæi in Topica Ariſtotelis
de ſedibus, ſeu locis argumentorum, in libros de lu-
do ſophiſtarrum, & Simplicij cum auſcultatorios, tum
chategorias, & alios de cælo quotidie cogito quibus
pro dignitate hominum nominibus inſcribi, & illu-
ſtrari poſſint, ne uidear potius me uelle fortunæ, quā
doctrinæ aut illi, qui uim habeat iudicandi, ne probe
inſtituerim, & abſoluerim opus qualecunq; gratifi-
cari, quod niſi me amor negotij ſuſcepti fallat ſpero
frugiferum, & utile fore Gymnaſijs præcipuæ phi-
loſophorum, quorum in ſcientia egregie eruditus es,
propterea quod græcos authores græce legis, unde
ſenſum Ariſtotelis cognitione facile eſt conſequi, &
plebei philoſophi, & barbari forte non dabunt luſci-
tioſi, & noctuarum inſtar, quippe cum lucem intue-
ri nequeant aſſueti barbaria, & tenebris offuſi. de
quibus alias nunc gaudeo tuam excellentem ingenij
uim, tuum aliôqui grauiffimum iudicium, & conſi-
lium probare græcos interpretes Ariſtotelis, hos que
præferre cæteris, cuius iudicij accipe doctiſſime, am-
pliſſime, humaniſſime Rodulphe præmium pro mea
nunc parte tibi debitum, & in præſentia tenue, ſed
in poſterum maius cogito, interea a te peto huius la-

Q boris

121 Lucilli Phil. Epist.

boris mei emolumentum, ut quod cæpisti omni officio, & beneficio doctos viros prosequi, id facere semper pergas, ac Philoponum tuum modo latinum defendas, tueare contra inuide latrantium morsus, qui solent nomini presertim officere scriptorum, dum nesciunt itidem conficere, nec suscipere tantum oneris ad commodum rei literariæ. Cæterum cæpi conuertere græca latine, ut alij id quoque negotij suscipiant, & assuescant hominum studijs prodesse, atque experiri quantum laboris subeundum sit in hac administranda prouincia, in qua nisi sit optime eruditus, & bene græce doctus nihil perfecerit. Vtrumque desiderat huius negotij momentum, quod quidem nosti, & de quo nihil amptius, ne de meipso uidear encomium indicare. Vnum præ ceteris apud tuæ amplitudinis memoriam extare uelim, mihi addicto, & deditissimo mandare si quid libet. Hoc supra quam dici possit, gratissimum erit. Vale.

M D XXXV. Bononia.

LVCILL,

LVCILL. PHILALTH,
artium, Medicineq;
Doctor.

REGINALDO POLO

Cardin. doctiss.

HAUD scio, ne id tibi fuerit gratum, qui au-
sim principi doctissimo, & nobilissimo meas
litteras mittere, & sine argumento scribendi,
& sine aliqua, quæ sit mihi cum tua persona consue-
tudo, uel saltem inita necessitudo, præsertim cū mea
fama apud te in obscuro sit, iccirco existimo has meas
litteras ad te aliquid admirationis allaturas, plusque
forte audaciæ, quam fiduciæ indicaturas. Pudu it ob
id diu antequam animo constituerim ad te præstan-
tissimum in dicendo, & scribendo ornatissime, & ele-
gantissime scribere uerum hic meus pudor parum po-
tuit, quem de corde omnem fere abstersit uel exhor-
tatio, uel authoritas amicorum apud me magni
ponderis, cum Petrus Bembus, qui principem lo-
cum in amicitia obtinet Venetias profectus Conta-
reno gratulatum de noua honoris accessione nu-
per me adhortatus sit, ut ad te auderem non-
nihil scribere non de facie a me cognitum, sed

Q ij de

Lucilli Phil. Epist.

de fama mihi perspectum maxime . Nam meis
lectis literis coram tua persona , Contareno,
Bembo , Lazaro Bonamico , Nigro rescripsit te
auere, cupereq; consuetudinem meam, eiusmodi sal-
tem, cuiusquidem modi solet inter absentes interce-
dere, qua tua cupiditate nihil sane potuit accidere ,
& gratius, & optatius mihi, quippe qui ardeo pene
desiderio quendā habere eorum illustrium delectum,
qui uel in uirtute, uel in doctrina hodie summi sint ,
et habeantur . Verum uide humanis princeps, quæ
uirtus sit uirtutis, & quid illa sola perbeata felix, &
angusta semper possit, dum eius eras nimirum animi
ego meditabar quotidie incensus desiderio quemad-
modū me haberes in numero tuorum, & ego possem
te facere certiores de mea erga egregias uirtutes
tuas obseruantia, quas publicæ prædicationis auspi-
cijs de tuis laudibus admirari, & suspicere cæpi, Ec-
ce in manibus nostris occasio est , cum hæc literæ sint
interpretes , & nuncij tanq̃ animi mei erga te pro-
pensi, quibus quidem feci plenam potestatem, ut meo
primum nomine tuas manus exoscularentur , utinā
& pedes, q̃ spero etiam fore, nisi fortuna Italiæ tibi
sit impedimento, deinde salutarent, & tuæ incredi-
bili humanitati, comitatiq; cor offerrent meum, &
uoluntatem perpetuo mandatis tuis paratam osten-
derent, nec non tuam uel gratitudinem, uel gratiam
a me pluris fieri, quam cuiusuis ubique mortalium ,

nes

Liber tertius. 1 2 3

nec posse diem feliciorē mibi illucescere, quam quō
audiuero a praeclarissimo Principe, amplissi. Card.
uitae sanctitate morum probitate, omni uirtute, om
ni prope doctrina, & summa eloquentia ornatissimo
diligi. Tum enim non me nactum putabo, ut comae
dia Aristophanis Chremylus Plutonium qui dicit.
Sed qui uirtutum exemplis beet, Est enim uitae tuae
sanctitas in tanta celebritate famae, inque tam fuso
per orbem Christianae ditionis sermone, ut ad summā
laudem, & honorem nihil possit accedere. Gaudeo
porro tuae doctrinae tantam existimationem, uulga
tamq; opinionem coniunctam esse, Nam permulti
sunt Cardinales, sed cuncti cardines non uelut mun
di, quibus summa rerum confidat, & summa uertan
tur negotia. Nosti dudum uniuersi molem, & ma
chinam cardinibus contineri, & centri firmitate con
uertere perpetuo, in te firma sanctissimaque fides illa
Christi egregia nitet, in te charitas singularis ardet,
in te prudentia, consilium, & deniq; consensus diui
narum, & heroicarum uirtutum elucet, quibus gra
tis se affore Deus optimus promisit, praesertim cum
e regia stirpe profectus uni Regi Britanniae, qui cae
pisset a Religione Christi deficere, & ab institutis ab
horere catholicae fidei nouis rebus studens, & nouus
in ea insula author tanti periculi, & immensae per
fidiae non solum non assentiri, uerum obsistere etiam
cum primatibus aliquot ausus sis, qua de pietate au

Q. iij. thor

Lucilli Phil. Epist.

thor Religionis Christus te mirifice amat, & Respu.
Christiana plurimum se debere tibi fatetur, & ego,
qui minimus non possum non admirari constantiam
& fidem, quippe qui audiuerim etiam si opportuisset
te sanguinem profusurum potius, quam Regia impie-
tas posset ab institutis ecclesiae animum auellere tuum,
Quibus sane de rebus, & meritis diuinus certe Pon-
tifex te legendum in ordinem Cardinalium proposuit,
& obtinuit, Adscitus es merito, & cooptatus, qui
honori esses tanto collegio, Nec defuisti spei, & opi-
nioni, quod authoritate, doctrina semper magno fui-
sti adiumento, ut etiam te fore sperant, de quo ui-
derint, ego uero nescio interim uerba legere, quae cum
dignitate possint tibi meo nomine gratias agere, si qui-
dem comiter admodum optasti me tuae benignitati de-
uincire, Addat ergo tua singularis comitas, & suf-
ficiat sua in meorum locum, & meae imbecillitati
ignoscat, sed minime parcat quaeso, nisi tua ornamen-
ta, teque asylum bonorum posthac amauero, & mi-
randum in modum coluero. Vale, & Deus prae-
pens tua uota fortunet. M D XXXV.

LVCILL.

Liber tertius. 124

LVCILL. PHILALTH,
artium Medicineq;
Doctor.

LVDOVICO BVCAE FERRAE

Philosopho præstantissimo
professori publ.

ETSI plane perspicio non necesse esse Bello-
uacensem mihi magna studiorum necessitudi-
ne coniunctum tibi meis literis commendare
cum de homine græce, latineq; doctissimo, & in stu-
dijs nostris assidue uersato multa coram tibi dixerim,
tamen quia nunc absens, quamuis huc propediem re-
diturus sum, & quia non desunt qui tibi alios com-
mendant, bene animo mecum reputavi factum, si
hunc presentem tibi item collaudauissem, quem absen-
tem laudaueram. Fama huius Gymnasii e Patauino
huc se contulit, quo uenisse non solum uisendi illius
causa, aut perspiciendi mores hominum, instituta, con-
suetudines, uerum et lustrandi in ipso docendi genere
primarios, inter quos fama apud illū est te esse præci-
pue unū, & decus huius ætatis philosophorū præfer-
tim in Italia, Quapropter si te inuiserit, quæso ti-
bi fuisse eius aduentum optatissimum ostendas.

Q. iij. Hunc

Lucilli Phil. Epist.

Hunc propter excellentem Græcæ, Latinæque linguæ doctrinam Patavij exteræ nationes admirabantur, eiusque uerbo, & testimonio stabant, q̃ si feceris breui fore confido, ut Bononiam confluant plerique Germaniæ Belgicæque Gallicæ iuvenes. Itaque pro tua parte Gymnasium auditoribus augebis non sine tui laude, & fama, Dabis tu item mihi ueniam, si de horum ingenio, & natura fecero te instructiorem, Gens eius generis ferox, prona suspicionibus, mobilis, blanda, atque blanditijs obnoxia. Ioannes Bellouacensis genere in primis nobilis, deinde a puero literis suetus politioribus in Italiam uenit cupiens uernaculam linguam pernoscere, & latina uti elegantiore, necnon degustare Italicam Sapientiam, quam ille mihi fassus est sibi uideri permagnam, nec eius similem se in cæteris nationibus adhuc inuenisse, quod quidem bene interpretor, & bonam in partem accipio, quippe cum eiusmodi homo esse uideatur, qui nesciat amicum fallere, nec perfrictam frontem praeferre. Cor ori respondet, & facies nulli imponit, ne nunc de eius modestia, facilitate, comitate ad te scribam, quibus sane uirtutibus semper fuit amicis charus, & professoribus publicis literarum gratissimus, Hæc tibi significare uolui, ut cum tua dexteritate hominem ad te uenientem recipias, atq; alacriter, & polliceare te suis commodis nunquã defuturum Cæterũ audaciæ
meæ

Liber tertius. 125

meae ignoscas uelim, qui ausim forte mihi plus de
tua benignitate polliceri, quam decuisset. Sed fidu-
cia fecit amoris erga me tui, & perpetuae meae er-
ga te obseruantiae, ut tuum requirerem officium
absens, si interea amicus meus huc se recepisset,
Caeteroquin praesens illum suscipiam amicissime, &
praestituta die te inuisemus domi tuae, ut lustret ille
suppellectilem librorum tuorum, & conspiciat bi-
bliothecam cum illa fortunae pictura, quam ex Ga-
leno accepisti subtiliter. Interim opera amici me
absentem sollicitum facit huius curae, ne Bellouacen-
sis inopinato neminem offendat, cui suus aduentus
non uideatur gratissimus. Verum spero me pro-
pe diem affore. Non cunctabor, Perfecto nego-
cio reuertar mature, & celeriter, Tantisper dum
absum Vale, ac quamprimum te uidero, semper.

M D X X X I I. Pridie Idus
Nouembr.

LVCILLVS

Lucilli Phil. Epist.

LVCILL. PHILALTH.
artium, Medicineꝯ;
Doctor.

IOANNI HISPANO MEDICO
Excell. professori publico.

NON possum & uoluntati tuæ, & honorĩ
deesse. Nulla unq̃ ut scis, prehensatio, nulla
blanda promissio me ab orbita doctrinæ tuæ
flectere, & si sollicitum efficere potuit. Dedi operã
uni Bellouacensi ad nos propediem uenturo, ut socios
secum Bononiam ducat. Confido fore horum ingenĩũ
quale nec urbana, nec extera adulatio possit corrum
pere. Spero enim ipsum, cui reliqui assentiuntur pro
ea, quæ mihi cum illo peructus est societas, & ami
citia singularis omnia facturum, quæ ad ea, quæ uo
lumus conficienda pertinebunt. Tu uero aduena,
tamen si pluribus Bononiæ ciuibus charus ob tuã exi
miam doctrinam, & salutarem artem habes qui a
tua audientia iuuenes abduccunt immerito. Hos
Bellouacensis ic̃to fœdere sodales nemo fallere pote
rit. Vale. M D X X X I I.

LVCILL.

LVCILL. PHILALTH.
Artium, Medicineq;
Doctor.

PAVLO TERTIO SUMMO,
ET SAPIENTISS.
PONTIFICI.

*

PENDEBAM animi his proxime superio-
ribus diebus ab illa fausta, & felici Contareni
Veneti in Cardinalium Collegium cooptatione.
(Pater Paule Sanctiss.) mihi ne homini nullius no-
minis, aut nullius apud tuam Maiestatem, quæ apud
illam Dei præpotentis prope accedit in terris existi-
mationis licuisset officio fungi per literas quoad ab-
sens fuisset, quo sane omnis officina bonorum, omnis
virtutum Academia, omnis literaria professio fun-
geretur, & ingenteis gratias prudentiæ, consilio, sa-
pientiæ tuæ referret hoc nimirum nomine, quia bo-
norum, & literatissimorum hominum ratio-
nem habes luculentam, & tuis virtutibus dignam.

Verum

Lucilli Phil. Epist.

Verum quoad erat animus anceps me uehementer hortabatur ad officium præbita nuper occasio euidentis & illustris laudandi iudicii tui, & extollendæ magnitudinis consiliorum tuorum, quam cæpi admirari etiam quo primo tempore post secundum aduentum Clementis quoddam VII noui doctrinam tuam Bononiæ, dum quæstionum quandam disputationem respondens obiectis sustinerem, quibus tum Cardinalis amplius interfuisti, & præfuiisti cum insigni fauore, & patrocinio suscepti oneris, de quo tuam personam, comitatem, benignitatem incredibilem amaui, atque amabo perpetuo, Iccirco cum essem adhuc Bononiæ iam febribus liberatus, & autumnus mihi quartanâ uel reliquisset, uel creauisset, optatissimo nuncio audito, qui nunciauit te lectum in locum demortui, atque omni suffragio, omniq; consensu Cardinalium creatum Pontificem, continuo item quartana leuatus fui. Tanta me letitia affecit ille nuncius, ut breui omnem de animo delegerit mæstitiam. Itaq; Deo optimo max. hoc acceptum referendum existimaui, qui aliquando nobis, ecclesiæ suæ ac fidei nunquam perituræ, consultum, & prouisum constituit fore. Eo enim creuit fluctuum tempestas, eo uentum heresum insidiarumq; Italicæ Maiestati, populoq; Romano, Pontificum sacro, & augusto collegio, ut exteræ nationes æque pontificium imperium, ut alterum aliô transferre conentur, Et si quando naufragij nauiculæ Petri in medijs procellis

Liber tertius. 127

procellis reflante borea merces, atque bona in discrimen, aut summum periculum adducta sunt, nunc maxime, attamen cum clementissimum diuinæ providentiæ numen ex alto clementiæ suæ domicilio prospiciens te, qui Cardinalem summo consilio, & incredibili dexteritate gerebas assumpsit, & præfecit summis gubernaculis, ne illum ipsum tanti imperij clauū de tua manu hominum perfidia, quæ hodie præceps, & uasta & dolis, et astu extorquere posset, Equidem (Pater sancte, Pater uirtutum, & augustissime rei literariæ Mecænas) crediderim consilio altissimi, atq; deorum in cælo ante probatam, quam in terris tibi decretam banc supremam dignitatem, quando ille quidem optime calluisset eum prefici in medijs fluctibus oportere, in quo summa essent omnia, quæ uix singula in cæteris Cardinalibus mediocriter inessent. Defuit ne tuę menti unquam ratio in consultando, aut consilium in deliberando, aut deliberatio in agendo, aut actio celeritati, uigilantiæ, solecitudini, curæ perpetuæ? Ratio deesse non poterat homini, qui à puero reliquam ætatem in optimis disciplinis cōsumpsisset, & intra parietes doctissimos aluisset, stipendijs continuisset, beneficijs auxisset. Nec consilium prudenti uiro, quem diuturnus usus in rebus præclare gerendis triuit, & providentia de summa rerum perpoliuit. Nec deliberatio illi, quem lubentissime, & attente dicentem collegium omne Cardinalium

udi-

Lucilli Phil. Epist.

audiuiſſet, De actionibus, & officijs tuis, quæ ſun-
 ſæpe præclara animi inditia non ſcripſero amplius,
 quam quod quotidie a prima Pontificatus tui crea-
 tione in conſpectu orbis terrarum eſt, in oculis ubiq-
 gentium hæret, Quam enim primum in tui locum
 ſuffeciſti Alexandrum Farnęſum, & Cardinalem
 legiſti cum ſumma Collegij gratificatione, necnon ſub-
 lecti eſſent alij ex tuo nobiliſſimo genere, animum ad
 cæteros apte creandoſ adiecisti, non qui opibus ua-
 lerent, ſed qui ſtudijs optimarum ſcientiarum, uſuq;
 & conſilio excellere hos ſperans fore qui conſi-
 lium in aduerſis eſſent laturo, optimum, & in pro-
 ſperis honori, & ornamento futuri, De aduerſis
 erat & ante tuum Pontificatum importuna effla-
 gitatio non concilij, ſed tumultus. Vt concilio tan-
 to pere, & cum quadam iam quærela principum ex-
 petito, & ſi hæc res ſit immenſi operis ſatis ipſe fa-
 cias, arma paraſti, atque armatos, necnon lectiſſi-
 mos uiros, qui his moribus providere ſcirent, & he-
 reticis obſiſterent, quibus nil antiquius, quam hu-
 mana diuinis permiscere, & cum aliquot quo tem-
 pore primo tua ſanctitas renunciata fuit ſtatim de-
 ſignarit, hos etiam affecit honoribus data protinus
 occaſione. Nuper de Contareno cogitavit (ut opi-
 nor) diuinitus & cum ſumma laude cogitationis, &
 prudentiæ ſuæ. Eſt reuera in ciue, & Senatore
 Veneto doctrina, induſtria, diligentia, conſiliũ, uſus,
 &

Libertertius. I 28

& de re Germanica ampla notitia, quibus fretus,
& Dei quoque gratiae confusus ad propulsandos ho-
stium fidei impetus plurimum ualebit, Itaque hoc
creato Cardinali nomen iudicij perfecti, uirtutis, sa-
pientiae sanctitatis quae tanta nunc apud omnes in
opinione est, sicq; spes concilij futuri confirmata, ut
numine tuo potius relatus ille in numerum pontifi-
cum, quam hominum consilijs uideatur, in quo gra-
du nemo est, qui eum non existimet, & expectet ma-
gnopere superaturum operibus suis, & gestis spem,
opinionem, predicationem de ipso breui, & interim
nullus est consensus bonorum, nullum doctorum col-
legium, nulla tenuis etiam Academia, nullum cele-
bre Gymnasium, nulla politiorum, & bonarum lite-
rarum professio, quae non tuae diuinae bonitati, tuae
sapientiae magnas, & meritas pro homine literatiss.
gratias agat, & accipiat, & interpretetur, tamquam suam hanc
dignitatem. Ego uero, qui iam in praecordijs conceptam, et
inclusam flammam letitiae, atq; obseruationis meae erga pro-
merita illius sentio, non potui continere has literas quae pri-
mum me exosculandis sanctitatis tuae pedibus aduolutum
offerret, et deinde non illi, sed cuncto terrarum orbi de sum-
mo principe creato, uniuersae fidei, de summo protecto-
re, Pop. Rom. de suo nobiliss. ciue ad supremam digni-
tatem assumpto, omnibus literarum collegijs, & profess. de do-
ctis. uiro Max. Pot. renunciato, singulis bonis de homine
euecto ad eum locum potatis, ubi coli iusticiam iubere po-
terit omnino congratularetur, atq; collaudaret sanctum, et

82 Lucilli Phil. Epist.

solenne consilium eius de eorum præstantissimo-
rum hominum delectu, qui ad inchoandum, & ab-
soluendum concilium strenui Christi milites essent, &
qui lucernas ardentes plenas amoris, charitatis,
ac spiritus sancti, & faces lucentes morum suorum
uitæ probitatis, integritatis in manibus præferre
possent, de quo nullæ unquam historiæ conticebunt,
nulli annales non loquentur, nulla hominum post-
hac memoria filebit, Et quando id fore præsentio
quantum queo ex toto corde, ex omni mente mea
supplex obsecro, quinimo obtestor te tanquam Deum
in terris, cum præpotentis uicem plane geras, ut
pergas amore prosequi reliquos summæ doctrinæ,
& præstantissimæ probitatis, quorum collegio, tan-
quam corona redimitus ut sol inter astra fulgeas, &
illustres sic Dei Ecclesiam, & nobiles Farnesio-
rum familiam diuinitus, ut uitæ tuæ, & gestorum
memoria per manus tradita nunquam deleatur.
Vale & diu tuam sanctitatem Deus Optim. Max.
felicissime seruet, & optata fortunet.

M D X X X V.

LVCILL

LVCILL. PHILALTH.
artium, Medicineq; Doctor.

ROMULO AMASAE DOCTISS.

LITERAS meas Summo Pontifici datas per-
ualde lætor. tua uero industria, et opera tem-
pestiue, maxime gaudeo. Ita spes, & fiducia
mea in tua prudentia erat, quamquam incertum est,
num tuæ humanitati, comitati, amori erga me tuo,
aut doctrinæ, ingenio, consilio hoc officium debeam,
cum æque certent animi tui uirtutes ad conferendum
mortalibus beneficiū. Non dubitabā pro ea, quæ cū
Farnesijs nobilissimis et amplissimis est tibi familiari-
tas, et pro illorū propēsa erga bonarū, et politiorū li-
terarū studiosos uolūtate, quinimo pro incredibili sū-
mi Pōtificis uoluptate, quā in legēdis epistolis capere
mirabiliter solet et ille (ut nosti dudū) in his habitus
doctior, quin tandē in eius peruenissent manus, Verū
ad tēpus puenisse hoc magnū fuit, et totū tuæ diligen-
tiæ tribuendū. Equidē nihil est homini uere possidēti
aptior titulus, & propria magis possessio, q̃ illa tēpo-
ris. Hoc noster animus edit, hoc numerat, hoc distin-
guit. Nam suspende animi operationem intelligentis
nullum tempus, ne momentum quidem erit. Cælestē
quippe cursum omnium breuissimū, quē Philosophia,
Astronomia, Geographia diurnum appellaret mens

R nostra

Lucilli Phil. Epist.

nostra nobis data diuinitus spatijs certis horarum
emetitur, quæ et cōdidit lustra, olimpiades, annua in-
terualla, & menstrua. Itaq; usum fructum tempo-
ris accipere, & præsertim cum instat occasio summæ
prudentiæ est, Differre autē aut metuentis, aut iner-
tis, ignauique uidetur, qui nesciat irrenocabile tēpus,
esse, & quam sit occasio calua, aut ipsi desidiæ præ-
ceps, quibus de rebus cum philosophi nobiles, hiq; pri-
marij Plato. Aristot. Plotinus, Iamblicus, Pro-
clus, Philoxenus, Porphirius, tum magni Theologi
Eusebius de tēporibus, Augustinus de ciuitate Dei,
ut nunc taceam alios subtiliter disputant, ego reuer-
tar ad Romulum Amasæum uere amabilem, amico-
rum omnium quos habeo, habuiq; , & habiturus sum
facile principem, & in hac mea reuersione iuratus
polliceor huius officij tui me nunquā obliturū, o gra-
tum, o iocundū amico obsequium. Et me beasti, quod
literas apte beatissimo Paulo tertio reddidisti, et tan-
to beatior euasi, quanto de me consecuta sunt uerba
honorificentius. Sed non utar longioribus uerbis, cū
epistola tua me plurimum, & breuiter oblectarit.
Significasti amorem in me tuum grauius uerbis, ostē-
disti quanti me facis eleganter, & factō confirmasti
omnem tuam in me beneuolentiam diuinitus, de quo
quoad uixero humanitati tuæ debebo omnia, Me ic-
circo ames obsecro, quo nihil mihi optabilius Vale.

M D X X X V. Nonis Septemb.

LVCILL.

LVCILL. PHILALTH.
artium Medicineq; Doctor.

BENEDICTO VICTORIO

Physico Doctissi.

SINGULARIS tua, & peruetus erga bona-
rum artium, & optimarum scientiarum studio-
sos benevolentia, egregiaque, & clara doctri-
na tua facit, ut Bellouacensem iuuenem alioqui lite-
ratissimum, quo patavij usus sum domestice, atq; dili-
genter, si te inuiserit, maxime tibi commendem, atq;
ut commendationi sit locus non vulgaris, etiam atq;
etiam oro, ut de te illi multum polliceare. credo te il-
lum inuisurum, si non abero, ero ego una cum illo.
Vereor tamen, ne quoad ipse absens, ille ad lares Bo-
nonienses ueniat, et neminem offendat, qui illum be-
nigne, & hilari uultu, complexuque recipiat. Huic
persuasi cuncta Bononiæ iuxta uocis, & ueri et hy-
mologiam bona, ut præclare cum suis de urbe præ-
clarissima, de ciuibus, de Gymnasio bene sentiat, &
ad nos accedat. Reliquum libros de demonstratione
Galenii desidero, sed metuo ne frustra me teneat tan-
ti operis desiderium. Vale. M D X X X II.
pridie Idus Nouemb.

Deo Optimo Laus F I N I S.

Ego Frater Dominicus Pusterla Inquisitor Papiæ
Vidi & Subscripsi.

ERRATA SIC EMENDANTUR

Errata, Correctiones. Pagina Versus.

diunis	diuinis	1 b	21
quingenta	quingenta	3 a	3
uerbium	urbium	3 b	6
occaliut	occaluit	4 b	16
pontretur	poneretur	6 a	7
demeat	demeet	7 b	16
gratifico.	gratificor	9 b	4
notesq;	noctesq;	10 a	3
sumo	summo	10 b	23
meum	mecum	11 a	17
exhilarare	exhilarari	12 b	20
excebit	exercebit	12 b	26
uberimis	uberimos	14 b	24
tuas doctas aures.	tuis doctis auribus	15 a	13
peruincia	prouincia	18 a	13
quaquam	quamquam	20 a	7
inescaueri	inescauerim	22 a	1
audeas	audeam	22 a	1
aiut.	aiunt	23 b	9
plauuno	plautino	23 b	16
quem	cui	25 a	25
inuuiarum	iniuriarum	25 b	2

10	Caerario,	æerario,	27 a	11
11	Columē	columen	28 a	7
12	recitare	recitaret.	28 a	12
13	accesſerum	acceſurum	28 a	26
14	coniicio	coniicio	29 a	7
15	ſtudiſ	ſtudijs,	29 a	9
16	omni	omni	30 b	14
17	doleum	dolium	32 b	6
18	ne	me	33 a	4
19	habiturus	habituras	33 a	27
20	iſtuc,	illuc,	34 b	3
21	ſeuerè,	ſecurè	34 b	16
22	homini	hominis	36 b	4
23	digedi,	digredi	38 b	27
24	ancellit	antecellit	39 a	25
25	ſoles	ſoles conſumere	40 b	10
26	nec inconfultò	inconfultò	40 b	14
27	ſalutatnm,	ſalutandum	41 a	27
28	fundo,	fando	41 b	9
29	reuſeas,	reuſas	42 a	15
30	coniunctio	coniunctio	44 b	17
31	inquam	unquam	45 a	4
32	ſupnetet	ſuppeter	47 a	7
33	noſtri	noſti	49 b	16
34	Epicydis	Epicyclis	49 b	20
35	indagure	indagare	50 a	20
36	nictu	nictu	52 a	2

constituti	constitui	52 a	27
ne	me	54 a	1
exercent	exercet	55 b	10
professoribus,	professoribus	56 b	4
aliquæ	aliquo	57 b	5
adhorere	abhorere	58 a	4
ob equijs	obsequijs	58 a	24
e	est	59 b	1
diligendi	delegendi	59 b	7
musa	musas,	61 b	10
culicis,	pulicis	62 a	21
imire	inire	62 b	1
proprius	propius	63 b	6
ue,	te	65 b	18
æquæ.	atq;	65 b	21
salus	salue	66 h	1
tecum alloqui,	te alloqui	68 b	16
defege	defige	70 b	22
alunos	alumnos	68 b	5
abesse	abest	70 a	13
eruditi,	erudiri	73 a	15
intellei	intellexi	76 b	3
auspicandam,	auspicandum	77 b	4
decurt	docuit	79 b	6
Emitere,	Enitere	80 b	26
te	es	81 a	9
sint.	sine	81 b	24

saloniensè,	salonicensem	84 a	6
quedum	quædam	86 a	8
iures	uires	87 b	6
discedebari,	discedebam	89 a	15
de hare	de hac re	94 b	9
eiusmodi	cuiusmodi	94 b	10
si uires	si uir es	98 a	19
cæpisse	cæpisset	101 a	16
probis	probris	107 b	5

